

relié par ALEX, LAFRANCE, QUÉBEC.

Capy D. See enclosure: QUE

Capy D. See enclosure: QUE

fully 22, 1930.

Rian

H75 Easter 1 leaf of Table.




Iohn Carter Brown Library Brown University









RELATION

DE CE QVI SEST PASSE'
EN LA

NOVVELLE FRANCE

EN L'ANNE'E 1639.

Enuoyée au

R. PERE PROVINCIAL

de la Compagnie de I E s v s en la Prouince de France.


Par le P. Paul Le Ieune, de la mesme Compagnie, Superieur de la Residence de Kébec.



Chez SEBASTIEN CRAMOISY, Imprimeur ordinaire du Roy, ruë S. Iacques, aux Cicognes.

M. DC. XL.

AVEC PRIVILEGE DV ROX.





RELATION

de ce qui s'est passé en la

NOVVELLE FRANCE,

EN L'ANNEE 1639.

ON REVEREND PERE,

La naissance d'un Dauphin, les affections & les presents de nostre grand Roy pour nos Sauuages, les soings de Monseigneur le Cardinal pour ces contrées, & ses aumosnes pour la Mission des Hurons: les gratifications de Messieurs de la Nouvelle France pour nos Neophytes ou nouveaux Chrestiens: la continuation de Monsieur le Cheualier de Montmagny dans son gouvernement: la venuë des Religieuses: le secours qu'il a pleu à Vostre Reuerence de nous envoyer: l'assissance de plusieurs personnes de merite & de condition: les

Relation de la N ouvelle France vœux & les prieres des bonnes ames : les sainctes Associations que son fait pour attirer les benedictions du Ciel sur ces peuples, ont esté les sujets de nos entretiens à l'abord des vaisseaux, non seulement en public dans la conversation des hommes, mais encore ensecret deuant Dieu. Toutes ces joyes m'ont esté d'autant plus sensibles, que ie les ay goûrées auec la douce liberté. que ie respirois il ya long temps; & qu'en fin V. R. m'a accordée nous enuoyant le R. P. Vimont, la vertu duquel reparera tous les defauts que i'ay commis dans la charge que ie luy ay remise entre les mains. Il nra fait emendre que V. R. desiroit que ie traçasse encore cette année la Relation, commençons, are yell hand by Imilar D'of ar regalized of somily cof

anog conforms 201 30 , a State of the modern Chapitre Pre Miler, fill a

De la joye qu'a receu la Nouvelle France pour la Naissance de Monseign. le Daulphin, & d'vn conseil que tindrent les Sauvages.

E retardement de la flotte bien extraordinaire cette année nous iettoit 是张·老子老子老子老子。老子老子

Relation de ce qui s'est passé dans le Pais des Hurons en l'année 1638. & 1639.

Chap. I. De la situation du pais, con du nom de Huron. page 3.

Chap. II. De l'employ en general des Religieux de nostre Compagnie en ces quartiers. page 13.

Chap. III. De l'Estat general du Christianisme en ces contrées. pag. 25.

Chap. IV. De ce qui est arrivé de plus remarquable en la Residence de la Conception au bourg d'Ossossane, co particulierement de la nouvelle Eglise de ce bourg.

Chap. V. De la Residence de Sainct Ioseph au bourg de Teanaustayae. De ce qui s'y est passé de plus remarquable, or principalement de la Naissance establissement de la Nouvelle Eglise de page 61.

Chap. VI. De ce qui s'est passe de plus remarquable dans les Missions, pag 81.

Chap. VII. Des diverses traverses con dissicultez qui se sont rencontrées en la naissance de ces Nouvelles Eglises. Et de celles qui se presentent encore tous les iours en leur establissement. page 100.

Chap. VIII. Du regne de Sathan en ces contrées. Et des diverses diableries qui s's nuvent introduites & establies, comme premiers principes & loix fondamentales de l'estat & conservation de ces peuples.

page 123.

FIN.

dans l'impatience, quand vn vaisseau paroissant quarante lieuës au dessous de Kebec, enuoyavn petit mot de lettre à Monseigneur nostre Gouuerneur. Toutle monde accourt pour sçauoir des nouuelles, mais le papier ne disant mot de la naissance de Monseigneur le Daulphin arrestoit le cours de nostre ioye. Nous auions appris l'an passé que la Reine estoit enceinte, & nous attendions vn enfant de benediction & de miracle; nous croyons tous que les dons de Dieu seroient parfaits, & que nous aurions vn Prince. Ce vaisseau qui nous deuoit donner cette premiere nouvelle n'en dit mot. Il nous aduertit sculement qu'il en venoit d'autres desquels il s'estoit separé sur mer dans des brunes fort espaisses. En fin les vents se rendans fauorables à nos desirs, nous apprismes que le Ciel nous auoit donné vn Daulphin. Ce mot de Daulphin ne sortit pas si tost de la bouche des Messagers, que la ioye entra dans nos cœurs, & les actions de graces dedans nos ames. La nouuelle fut bien-tost répandue partout; on chante le Te Deum laudamus, on prepare des feux de rejouvssance auectout l'artifice possible en ces contrées. Messieurs de la Nouvelle France recommandoient les

Relation de la Nouuelle France, actions de ioye, mais toute leur recommandation ne seruit qu'à donner vne preuue de leur amour enuers ce nouueau Prince; car deuant que leurs lettres cussent paru, la joye s'estoit desia emparée de nos cœurs, & tous les ordres estoient donnez par Monsieur nostre Gouverneur, pour la faire paroistre deuant Dieu, & deuant les hommes. On fait voler des feux au Ciel, tomber des pluyes d'or, briller des estoilles, les serpentaux brussans courent par tout, les chandelles ardentes éclairent vne belle nuiet; bref le Canon fait vn grand tonnerre dans les Echos de nos grands bois. Les Hurons quise trouuerent presens mettoient la main sur leur bouche en signe d'admiration & d'estonnement. Ces pauures Sauuages n'ayans iamais rien veu desemblable, croyoient que l'empire des François s'étendoit iusques à la Sphere du feu, & que nous faisions de cét Element tout ce qui nous venoit en pensée.

En suitte de cette merueille, on leur sit entendre que Monseign. le Cardinal cotribuoit puissamment à l'entretien des Ouuriers Euangeliques qu'on enuoyoit en leur pays; ce qui les sit passer au delà de l'estonnement; & n'étoit qu'ils sont Chrestiens,

5

iamais ils n'auroient peu croire qu'on peut rencontrer sur la terre des hommes qui voulussent faire des despences pour les secourir au bout du monde, sans autre interest que le bien de leurs ames, & de la gloire de nostre Seigneur, dont les barbares ne se soucioient gueres deuant que la soy leur

eust ouuert les yeux.

Nostre joie ne se contint pas dans l'éclat de nos feux, nous fismes quelque temps apres vne procession qui auroit rauy toute la France si elle auoit paru dans Paris. Deuant que d'en parler il faut que ie dise deux mots des presents de sa Majesté, qui parurent en cette action si saincte, que nous offrismes à Dieu en action de graces de son Daulphin, & pour vne marque que la Nouuelle France reconnoissoit auec son Roy la Saincte Vierge, comme la Dame & Protectrice de sa Couróne, & de tous ses Estats. L'année passée vn Sauuage Canadien, fils d'vn nomme 18anche, Capitaine Sauuage, bien connu des François, estant passé en France, fut veu d'vn fort bon œil de sa Majesté, aux pieds de laquelle il posasa Couronne de Porcelaine, pour marque qu'il reconnoissoit cegrand Prince au nom detous ces peuples pour leur vray & legitime Mo-

A 111

6 Relation de la Nouvelle France,

narque. Le Roy & la Reine tous remplis d'amour pour le salut de ces pauvres peuples luy firent voir leur Daulphin; & apres plusieurs marques de bienueillances, luy firent presents de six paires d'habits vrayment royaux; Ce n'est que toile d'or, velours, satin, panne de soye, écarlatte, & le reste à l'aduenant. Ce ieune Sauuage estant de rétour en son pays, monta jusques à Kebec auec vne escouade de ses Compatriotes, vint trouuer monsieur le Chévalier de Montmagny, nostre Gouverneur, auquel ces presents furent apportez. Il setrouua pour lors des Sauuages Hurons; des Algonquains, & des Montagnets, qui tous ensemble admirerent la bonté de nostre Prince, qu'ils appelloient leur Roy. Or comme on vint à faire l'ouuerture de ces presents, on iugea à propos pour répandre l'honneur du Roy parmy ces peuples; & pour éuiter la ialousié qui pourroit naistre parmy ces barbares si vne seule nation iouissoit de ces faueurs deles distribuer à plusieurs, veu mes. me que ce Sautiage estoit allé rendre hommage au Roy, non pas seulement au nom de son pere & de sa nation, mais encore au nom desautres nations du pays. On donna donc trois habits magnifiques à ce ieune

Sauuage, I'vn pour lúy, l'autre pour son fils, & le troissesme pour son Pere. Comme on songeoit à qui on distribueroit les trois autres, Monsieur nostre Gouverneur dit qu'il falloit choisir trois Chrestiens Sauuages de trois nations, que sa Maiesté agreeroit ce dessein, puis qu'elle mesareauoit demandé à ce Sauuage s'il n'estoit point encore baptisé, & s'il n'estoit point sedentaire, donnant à cognoistre par cette demande l'affection qu'elle porte aux nouueaux Chrestiens arrestez aupres de nous pour professer nostre creance. Quand ie vins à declarer à trois de nos Chrestiens les presents que le Roy leur faisoit, les exhortans à prier pour sa Maiesté, & pour son Daulphin, ils furent tous estonnez; puis en prenant la parole, ils sirent vne responce que ie n'attendois pas de la bouche d'vn Sauuage. Nikanis, dis à nostre Capitaine qu'il escriue à nostre Roy (c'estainsi qu'ils parloient) que nous le remercions, & que nous l'admirons; & que quand il ne nous auroit rien enuoyé, nous ne laisserions pas del'aymer. Au reste, garde toy mesme ces habits, car nous ne nous en voulons point seruir, sinon quandon marchera en priant Dieu pour luy & pour son fils, & pour sa fémme, 8 Relation de la Nouu. France,

(il vouloit dire qu'ils ne s'en seruiroient point, sinon quand on feroit quelque Procession pour le Roy, pour la Reine, & pour Monseigneur le Daulphin) & quand nous serons morts, si toy ou tes freres, faites prier Dieu pour le Roy, faites porter ces habits à nos enfans, asin que ceux qui viendront apres nous sçachent l'amour que nostre Roy nous a porte. Venons maintenant à la premiere procession qui s'est faite aucc ces habits marris

ces habits magnifiques.

Le iour dédié à la glorieuse & triomphante Assomption de la saincte Vierge sut choisi: Désle grand matin nos Neophytes Chrestiens vindrent entendre la saincte Messe, & se confesser & communier. Tous Iesautres Sauuages qui estoient pour lors és enuirons de Kebec se rassemblerent, nous les mismes dans l'ordre qu'ils deuoient tenir. La procession commençant à marcher, la Croix & la banniere passoient deuant: Monsieur Gand venoit apres marchant enteste des hommes Sauuages, dont les six premieres estoient reuestus de ces habits royaux, ils alloient tous deux à deux fort posement, auec vne belle modestie. Apres les hommes marchoit la fondatrice des Vrsulines, tenant à ses costez trois ou quatre filles Sauuages vestuës à la françoise, & en suite venoient toutes les filles & femmes des Sauuages en leur propre habit, gardant parfaitement bien leur rang, suiuoit le Clergé, apres lequel marchoit monsieur nostre Gouuerneur, & nos François, & puis nos Françoises, sans autre ordre que ce-

luy de l'humilité.

Si tost que la Procession commença à marcher, les Canons firent vn tonnerre qui donna vne saincte frayeur à ces pauures Sauuages; nous marchasmes à l'Hospital, où estans paruenus, tous les Sauuages se mirent à genoux d'vn costé, les François de l'autre, & le Clergé au milieu; alors les Sauuages prierent tous ensemble pour le Roy, remercierent Dieu de ce qu'il luy auoit donné vn Dauphin: Ils prierent encore pour la Reine, & pour tous les François, & en suitte pour toute leur nation; puis se mirent à chanter les principaux articles de nostre creance. Cela fait, le Clergé, Monsieur le Gouverneur, & les principaux de nos François & des Sauuages entrerent en la Chappelle dédiée au sang de Iesus-Christ, où ils prierent pour les mesmes su. jets. Au sortir de l'Hospital, on tire droit aux Vrsulines: Passant deuant le Fort, les

Relation de la Nouuelle France, Mousquetaires firent vne saluë fort gentil le, & le Canon redoubla ses foudres & ses tonnerres; nous gardalmes les melmes ceremonies, les Religieuses chantants l'Exaudiat, rauirent nos Sauuages, & resiouvrent fort nos François, voyat que deux Chœurs de vierges chantoient les Grandeurs de Dieu en ce nouveau monde. Au sortir des Vrsulines, nous tirasmes droit à l'Eglise dans la mesme modestie & dans le mesme ordre que nous en estions partis. Nous reiterasmes encore les prieres en langue sauuage à la porte de la Chapelle, puis rentrans dans l'Eglife, nous terminasmes la Procession, laquelle estant finie, monsieur le Gouverneur sit vn féstin à vne centaine de Sauuages, ou enuiron; nous prismes auec nous les six qui estoient vestus à la royale, que nous fismes manger en nostre maison. Après le disner, ils assisterent à Vespres auec les mesmes liberalitez du Roy; quelques-vns d'eux n'auoient rien de l'auuage que la couleur bazannée, leur port & leur démarche estoit pleine de grauité & de bonne grace. Les Vespres dites, nous les pensions congedier, mais l'un d'eux me dit que les plus apparents des Sauuages affemblez dans nostre Salle, m'attendoient pour tenir conseil; ie

m'y transporte pour les écouter, voyant. qu'ils entroient en discours, ie fis aduertir. le R. Pere Vimont de ce qui se passoit, lequel nous amena monsseur le Gouverneur, & Madame de la Pelterie, qui ne se pouuoit saouler de voir la deuotion de ces bonnes gens. Tout le monde estant assis, vn Capitaine me parla en cette sorte: Sois sage, Pere le Ieune, demeure en repos, ne laisse point égarerton esprit, afin que tu ne perde rien de ce queie vay dire. Ho, ho, luy fisie! m'accommodant à leur façon de faire; Ce n'est pas moy, dit-il, qui parle, ce sont tous ceux que tu vois là assis, lesquels m'ont donné charge de te dire que nous desirons tous croire en Dieu, & que nous souhaittons d'estre aidez à cultiuer la terre pour demeureraupres de vous. Tu nous auois fait esperer qu'il te viendroit beaucoup de monde, & maintenant tu n'en as que fort peu. Sus donc, dis à nostre Capitaine qu'il écriue à nostre Roy, & qu'il luy disc ainsi; Tous les Sauuages vous remercient, ils s'estonnent que vous pensiez en eux; ils vous disent; Prenez courage, aydez nous puis que vous nous aymez, nous voulons nous arrester, mais nous ne sçaurions faire des maisons comme les vostres, si vous ne

Relation de la Nouuelle France, nous aydez: Dis à ton frere qui est venu en ta place qu'il écriue aussi, écris toy-mesme, afin qu'on croye que nous disons vray. Voi-la le stile des. Sauuages. Celui.cy ayant finy sa harangue, vn autre prit la parole, & dit; Perele Ieune, ienesuis pas de ce pays cy, voila ma demeure dans ces Montagnes vers le Midy, il y a fortlong temps que ie n'estois venu à Kebec: Ces hommes que tu vois m'estans venu visiter en mon pays', m'ont dit que tu faisois bâtir des maisons pour les Sauuages, que tu les aydois à cultiuer la terre: Ils m'ont demandé si ie ne te voulois point venir voir pour demeurer aupres de toy auec les autres: Ie suis venu, l'ay veu que tuauois commencé, mais que tu n'as pas fait beaucoup de choses pour tant de personnes que nous sommes. Sus, prend courage, tu dis de bonnes choses, ne ments point, ie m'en vay encore dans les froidures de nos Montagnes pour cet Hyuer, au Printemps qu'il y aura encore de la neige sur la terre, ie viendray voir situ dis vray, & situ as des hommes pour nous ayder à cultiuer laterre, afin que nous ne soyons plus comnie les bestes qui vont chercher leur vie dans les bois. A ces paroles tout le monde fut touché de compassion: Monsieur le

Gouverneur promit de faire ce qu'il pourroit de son costé, le Reuerend Pere Vimont estoit quasi dans l'impatience, voyant que faute de secours temporel, Sathan tenoit tonsiours les pauures ames sous son Empire: Madame de la Pelterie s'écria: Helas que les dépenses d'vne seule collation de Paris, & d'vn seul ballet qui ne dure que deux ou trois heures sauucroient d'ames en ce pays cy! ie n'ay guere amené d'hommes de trauail, mais ie feray ce que ie pourray pour secourir ces bonnes gens; Mon Pere, me dit-elle, asseurés-les que si le les pouvois ayder de mes propres bras, ie le ferois de bon cœur, ie tascheray de planter quelque chose pour eux. Ces bons Sauuages entendans son discours, se mirent à rire, disans que les bleds qui seroient faits par des bras si foibles, seroient trop tardifs: La conclusion fut qu'on feroit vn effort pour les sécourir au Printemps.

le les consolay merueilleusement, quand ie leur dis que le Capitaine qui auoit commencé la Residence de Sainct solf solf los solf donné dequoy entretenir tousiours six ouuriers pour eux, & que même apres sa mort, les ouuriers ne

laisseroient pas de trauailler: ils ne pour uoient pas comprendre comment cela se pouvoient pas comprendre comment cela se pouvoit faire, ny pour quoy ces ouvriers n'alloient pas prendre tout à la fois l'argent qu'il laissoit pour eux, ny comme vn homme mort pouvoit faire travailler des hommes vivans; car ils nesçavent que c'est de laisser des rentes ny des revenus. Pleut à Dieu que plusieurs personnes abondantes en richesses voulussent prendre la devotion de ce grand homme, ce n'est pas perdre au change de donner la terre pour le Ciel.

On demanda à même temps à 10anchs, & à son fils qui auoit esté en France, s'ils ne vouloient point estre de la partie, ils respondirent qu'ils s'en iroient consulter leurs gens, que s'ils auoient de l'affection de monter çà haut, ils les ame-

nerojent.

Or ie sus bien aise de parler des grandeurs de la France deuant vn Sauuage qui en reuenoit. Reprochés moy maintenant mes mensonges, seur disois-je, demandés à vostre Compatriote si ce que ie vous ay dit de la grandeur de nostre Roy, & de la beauté de nostre païs, n'est pas veritable? & ne reuoqués plus en doute ce que ie vous diray dorénauant. Ce bon Sauuage disoit des merueilles, mais selon sa portée, & quoy qu'il eut bien admiré des choses, & entre autres le grand peuple de Paris, grand nombre de rotisseries, ce grand Saince Christophle de Nostre Dame qui luy donna de la terreur à son premier regard, les Carosses qu'il appelloit des cabanes roulantes tirées par des Orignaux, si est-ce qu'il auouoit que rien ne l'auoit tant touché que le Roy, le voyant marcher le premier iour de l'an auec ses gardes, il regardoit attentiuement tous les soldats marchants en bon ordre, les Suisses luy donnerent fort dans la veue, & leur tambour dans la teste; Au sortir de là, il demeura le reste du iour sans patler, à ce que m'a dit le Pere qui l'accompagnoit, ne faisant que penser à ce qu'il auoit veu. Il racontoit tout cela à ses gens qui l'écoutoient auec auidité. La pieté du Roy nous seruit puissamment pour honorer nostre creance, car cebon Canadien confessa que la premiere fois qu'il vit le Roy, ce fut en la maison de prieres, où il prioit l'es vs comme on le fait prier iey. Il dit encore publique

nent que le Roy luy auoit demandé s'il estoit baptizé, ce qui nous seruit & seruira encore pour faire entendre à ces pauures peuples l'état que fait ce grand Prince de la doctrine qu'on seur ensei-

gne. Bref, si tost que ce Sauuage eut veu le Roy, il dit au Pere qui le conduisoit, allons nous en, i'ay tout veu,

puisque i'ay veu le Roy.

Pour conclusion de ce Chapitre, nos Sauuages, notamment les Chrestiens, voyans que sa Maiesté leur auoit enuoyé des habits à la Françoise, se determine. rent d'enuoyer vne petite robe à la Sauuage à Monseigneur le Daulphin. Comme ils me la presenterent, ils eurent bien l'esprit de me dire, ce n'est pas vn present que nous luy faisons, car il a bien d'autres richesses que les nostres, mais c'est vn metavagan vn petit iouet pour recreer son petit Fils qui prendra peutestre plaisir de voir comme nos enfans sont vestus. Nous enuoyons cette petite robe à V. R. neantmoins comme la petite verolle attaque viuement nos Sauuages, ie ne sçay s'il est à propos de la presenter, de peur quelle ne porte tant soit peu de mauuais air auec soy; il est

en l'année 1639:

17

vray que le l'auois entre mes mains deuant que le mal attaquast ceux qui me l'ont confiée, mais quand il s'agit d'une personne si sacrée, il faut craindre de mille lieues loing.

CHAPITRE II.

Des Religieuses nouuellement arrivées en la Nouvelle France, & de leur employ.

me la Duchesse d'Aiguillon a dressé & fondé vne maison à Dieu en ce nouveau monde, pendant que Dieu luy en prepare vne autre dans les Cieux. Et ils'est trouué vne Amazone qui a conduit & estably des Vrsulines en ces derniers confins du monde. Et c'est chose bien remarquable qu'en mesme temps que Dieu touchoit à Paris le cœur de Madame la Duchesse d'Aiguillon, & luy inspiroit de bastir vne Hostel-Dieu pour nos Sauuages qui mouroient dans les bois abandonnez de tout secours, & qu'elle iettoit les yeux pour

Relation de la Nouvelle France, ce dessein sur les Religieuses Hospitalieres de Dieppe; il suscitoit en vuautre endroit de la France vne honneste & vertueuse Dame, & l'inspiroit d'entreprendre le seminaire des petites filles des Sauuages, & d'en donner le gouuernement aux Vrsulines; & a tellement disposé les affaires, que sans que l'vne sçeut rien du dessein de l'autre, il s'est trouué accomply en mesmetemps, afin que ces bonnes Religieuses eussent la consolation de trauerser ensemble l'Ocean, & que les Sauuages receussent en mesme temps ce double seruice également necessaire. le ferois tort au desir raisonnable de plusieurs, si ie ne disois icy vn mot de la conduite de cette honneste Dame dans toute son entreprise, elle est native d'Alençon, & se nomme Magdelaine de Chauuigny fille de feu Monsieur de Chauuigny, seigneur de Vaubegon, & President des Esleuz en l'Election d'Alençon: Dés son bas aage elle sit tout son possible pour entrer en Religion, & commençoit dessors à practiquer les œuures de pieté & charité Chrestienne; mais Mon-

sieur son Pere l'obligea de se marier à vn

honneste Gentil-homme nommé Monsieur

de la Pelterie, qui la laissa veufue cinquns

& demy apres le mariage, & sans enfans,

n'ayant eu d'elle qu'vne fille qui mourut. incontinentapres le Baptesme: Si tost qu'elle se vit veusue, elle commença par la lecture des Relations que nous enuoyons tous les ans à penser à bon escient aux moyens de contribuer à l'instruction des petites filles Sauuages, & fit faire à cette intention quantité de prieres; carayant resolu de se sacrifier entierement elle mesme, & tout ce qu'elle pouuoit legitimement de son bien à la Diuine Maiesté, elle desiroit sçauoir de Dieu s'il auroit aggreable que ce fut à la Nouvelle France; comme elle estoit en ce doute, la prouidence de Dieu se seruit d'vne forte maladie qui la mit si bas en peu de temps, que les Medecins deseperans de sa santé l'abandon, nerent: comme elle se vit en cét estat, elle se sentit fortement inspirée de faire vœu de consaçrer ses moyens & sa personne à la Nouvelle France sans en rien communiquer à personne. Vn peu apres le Medecin arrivant la trouva en bien meilleur estat, & sans sçauoir ce qu'elle venoit de faire, ny chose aucune de son dessein, luy dit; Madame, vostre maladie est allée en Canada, il parloit mieux qu'il ne croyoit, & fit rire la malade, qui fut extremement aise de voir

20 Relation de la Nouvelle France

par cet effect si extraordinaire que Dieu acceptoit son sacrifice: Estant donc reuenuë en pleine santé, elle ne sit plus que penser à l'execution de son dessein. Mais Mr son Pere qui viuoit encore, la pressoit cependant de se remarier, iusques là qu'il la menaça à bon escient de la desheriter si elle ne suy obeyssoit: comme elle veit que son Pere parloit à bon escient, & qu'à faute d'vser de quelque condescendance elle se mettoit en danger de ruiner tout son pieux dessein; elle prit resolution de feindre qu'elle vouloitse remarier, & par ce moyen se remit en la bonne grace de son Pere, qui sur ces entresaictes passa de cette vie à l'autre. Lors sans disferer ayant partagé son bien auec sa sœur, elle vint à Paris en Ianuier, & là ayant confere de son entreprise auec plusieurs saincts & doctes personnages qui l'approuucrent, s'en alla à Tours où il y auoit vne Visuline de sa cognoissance fort vertueule & tres-zelee, qui depuislong temps soupiroit après la Nouvelle France. Il n'est pas croyable comme elle fut bien receue de Monseigneur l'Illustrissime & Reuerendissime Archeuesque de Fours qu'elle alla saluer, & luy declara maisuement tout son

dessein. Ce venerable Prelat tres-affectionné au salut des Ames, admirant le courage & la vertu de cette Dame, & luy ayant fait paroistre les grandes affections qu'il auoit pour les missions de la Nouvelle France, luy promit tout le secours & l'assistance qui dépendoit de luy; Les Vrsulines d'autre part la receurent à bras ouuerts, & passant par dessus mille difficultez, luy accorderent la Religieuse qu'elle demandoit, & pour compagne luy donnerent vne autre Religieuse pleine de courage & de vertu, fille de Monsieur de Sauoniere seigneux de la Troche, & de Sainct Germain en Anjou', qui ayant de premier abord resisté à ce choix qu'on auoit fait de sa fille pour ce dessein, y donna par apres son consentement auec Madame sa femme, par des lettres si pleines de pieté & de vertu Chrestienne, qu'elles meriteroient d'estre comuniquées au public. Madame de la Pelterie ayant obtenu si heureusement à Tours ce qu'elle desiroit, s'en alla prendre congé de Monseigneur l'Archeuesque, & par son commandement luy amena les deux Religieules choisies pour ce dessein; ce fut la qu'il receut, vne singuliere consolation contemplant ces trois charitables Ames com-

Relation de la Nouvelle France, me trois Victimes qui s'alloient immoler à tant de croix iusques au bout du monde; Et comme à raison de son infirmité il ne * pouuoit celebrer la Saincte Messe, il voulut communier auec elles à la Messe qu'il fit dire en sa Chappelle particuliere, & puis il leur donna sa saincte benediction, à laquelle il adiousta vne courte, maistres feruente exhortation, entremessée de larmes, pour leur recommander les vertus & la ferueur necessaire à cette entreprise: la Nouvelle France luy aura à iamais de tres-particulieres obligations. Madame de la Pelterie bien contente s'en reuient à Paris emmehantauec elle les deux Vrsulines, où estant arriuée, elle s'efforce d'obtenir vne troisielme Visuline de la Congregation de Paris, qui differe vn peu de celle de Tours, asin de donner moyen aux vnes & aux autres de trauailler au salut des Sauuages, & peutestre commencer l'ynion des deux Congregations tant souhaittée, mais elles ne peurent obtenir ce qu'elles desiroient, nous n'en auons pas encore pû sçauoir la cause, seulement sçay-je bien qui ne tint point aux Vrsulines de Paris qui depuis douze ans sont dans vne ferueur incroyable pour la Nouvelle France, & qui au lieu d'vne Re-

ligieuse, en eussent fourny plusieurs autres, & sont encore toutes prestes de les donner, aussi furent-elles bien mortisiées se voyant priuées de ceste occasion qu'elles auoient si long-temps attendu. La bonne Fondatrice ne perd pas pourtant courage, mais continuant dans le dessein qu'elle auoit de mener vne Vrsuline de la Congregation de Paris, elle s'addresse à Monseigneur l'Illustrissime & Reuerendissime Archeuesque de Rouen, le sollicitant par l'entremise de quelque personne de vertu & de pieté de luy donner vne troisiesme Vrsuline du Conuent de Dieppe, vny à celuy de Paris; ce qu'il accorda aucc mesme zele qu'il anoit donné à Madame la Duchesse d'Aiguillon les trois Religieuses Hospitalieres. C'est vne double obligation que la Nouuelle France luy aura à iamais. Ainsi la Mere Cecile de la Croix Vrsuline fut choisie dans le Conuent de Dieppe pour se joindre aux deux autres qui en furent fort consolées, comme estant bien portées à l'union des deux Congregations: Et pour monstrer que Madame de la Pelterie n'auoit pas plus d'affection pour les vnes que pour les autres, elle n'a iamais voulu contracter auec aucune maison d'Vrsuline de

24 Relation de la Nouvelle France, France, mais seulement auec les Visulines qui ont leur Obedience pour la Nouvelle France, & a attaché sa donation à l'vnique maison des Vrsulines erigée en la Nouvelle France. l'aurois icy à dire beaucoup de choses de la vertu signalée, & du zele incomparable de la personne de laquelle s'est seruie ceste bonne Dame pour la conduitte de toute son entreprise qui rauiroit les cœurs de ceux qui le liroient, mais sa modestie ne me permet pas seulement de le faire cognoistre, il se contente que Dieu se soit voula seruir de suy pour assister en son dessein ceste Dame incomparable qui seruira de modelle à tous ceux, qui auront le courage de l'imiter & ensuiure. Revenons à nostre Histoire.

Quand on nous vint donner auis qu'vne barque alloit surgir à Kebec postant vn Collège de lésuites, vne maison d'Hospita-lieres, & vn Conuent d'Vrsulines; la prèmiere nouvelle nous sembla quasi vn songe, mais en sin déscendans vers le grand sleuve, nous trouvalmes que c'étoit vne verité. Cette saincte trouppe sortant du vaisseau, se iette à deux genoux, beny le Dieu du Ciel, baisans la terre de leur chere patrie, c'est ainsi qu'ils appelloient ces contrecs;

tout le monde regardoit ce spectacle dans vn silence: On voyoit sortir d'vne prison flotante ces vierges consacrés à Dieu, aussi fraisches & aussi vermeilles, que quand elles partirent de leurs maisons: Tout l'Ocean auec ses flots & ses tempestes n'ayans pas altere vn seul petit brin de leur santé. Monsieur le Gouverneur les receut avec tout l'accueil possible, nous les conduisismes à la Chapelle, on chanta le Te Deum laudamus, le Canon retentit detous costez, on beny le Ciel & la terre, & puis on les conduit aux maisons destinées pour elles, en attendant qu'elles en ayent de plus propres pour leurs fonctions. Le lendemain on les mene en la Residence de Sillery, où se retirent les Sauuages. Quand elles veirent ces pauures gens assemblez à la Chapelle faire leurs prieres, & chanter les articles de nostre creance, les larmes leur couloient des yeux; elles auoient beau se cacher, leur ioye se trouuant trop resserrée dans leur cœur, se répandoit par leurs yeux. Au sortir de là, ils visitent les familles arrestées & les Cabanes voisines. Madame de la Pelterie qui conduisoit la bande, ne rencontroit petite fille Saunage qu'elle n'embrassast & ne baisast, auec des signes d'amour

Relation de la Nouu. France, 26 si doux & si forts, que ces pauures barbares en restoient d'autant plus estonnez & plus edifiez, qu'ils sont froids en leurs rencontres; toutes ces bonnes filles faisoient le mesme sans prendre garde si ces petits enfans sauuages estoient sales ou non, ny sans demander si c'étoit la coutume du pais, la loy d'amour & de charité l'emportoit par dessus toutes les considerations humaines. Onfait mettre la main à l'œuure aux Peres nouuellement arrivez; on leur fait baptiser quelques Sauuages, Madame de la Pelterie est desia maraine de plusieurs, elle ne se pouuoit contenir, elle se vouloit trouuer par tout, quand il s'agissoit des Sauuages. Il luy arriua bien-tost apres qu'elle eut mis pied à terre, que se voulant communier, elle ne veit à la saincte Table que monsieur le Gouuerneur, & des Sauuages, qui faisoient leurs, deuotions ce iour là: Elle se iette parmy eux, non sans larmes de consolation, voyat la simplicité & la deuotion de ces bons Neophites. En effect, c'est vn doux plaisir de voir ces bonnes gens s'approcher de Iesus-Christ parmy nos François. Il faut confesser que Dieu se fait sentir en ces rencontres, sabonté veut que ceux qui cooperent ausalut des Sauuages goûtent quelque petit brin des faueurs qu'il fait à ces ieunes, plantes de son Eglise. Ces visites bientost passées, on dresse des Autels dans les Chapelles de leurs maisons, on y va dire la saincte Messe, & ces bonnes filles se renferment dans leur closture. Dans l'Hospital, les trois Hospitalieres enuoyées par Monseigneur le Reuerendissime Archeuesque de Rouen, tres-zelé au salut des ames, & tres-desireux de témoigner à Madame d'Aiguillon les inclinations qu'il a de contribuer de tout son pouuoir aux bonnes œuures qu'elle fait, ne pouuant mieux l'obliger qu'en obligeat les pauures Sauuages, leur donnant pour secours vn des plus pretieux thresors de son Diocese; Carces bonnes filles, outre qu'elles sont tres-exactes en la discipline & observance reguliere, sont sans doute excellentes au soin & traitement des malades, tant pour le temporel, que pour le spirituel. Les trois Vrsulines se retirerent dans vne maison particuliere, apres s'estre mutuellement embrassées les Bien-tost apres nous vnes & les autres. fismes donner six filles sauuages à Madame de la Pelterie, ou aux Vrsulines; & quelques filles françoises commencerent de les aller voir pour estre instruittes: Si bien que les

Relation de la Nouvelle France, voila desia dans l'exercice de leur institut; mais si iamais elles ont vne maison bien capable, & bien dequoy nourrir les enfans sauuages, elles en auront peut estre iusques à se lasser; Dieu veille que les grands trais

ne retardent leur dessein, les despences qu'on fait icy sont fort grandes, mais Dieu

l'est encore plus.

Pour l'Hospital, les Religieuses n'étoient pas encore logées, leur bagage n'étoit pas encore arriué, qu'on leur amena des malades, il fallut prester nos paillasses & nos mattelats pour exercer cette premiere charité. O que l'ay souvent souhaitté que Madame la Duchesse d'Aiguillon véist seulement pour trois iours ce qu'elle a commencé d'operer en ces contrées i les filles qu'elle nous à enuoyème se pouuoient contenir d'aise, elles auoient des malades, & n'auoient pas dequoy leur donner, mais la charité de Monsieur nostre Gouverneur est rauissante. Si fallut-il refuser de pauures Sauuages affligez, on ne peut pas tout du premier coup, nous esperons que Madame la Duchesse faisant croistre le secours, fera croistre la misericorde enuers les pauures malades de sa maison, disons plustost de la maison de Dieu. Si les Sauuages sont

capables détonnement, c'est icy qu'ils le prennent; car parmy eux on ne tient conte des malades, notamment si on les iuge malades à la mort, on les regarde desia comme des gens de l'autre monde, auec qui on n'a ny commerce ny paroles. Or comme ils voyent les caresses & les soins qu'on a de leurs Compatriotes, cela leur fait conceuoir vne grande estime de celuy pour lequel on leur preste ces grands secours, qui est les vs. Christ nostre Sauueur.

Mais voyons, s'il vous plaist, les desseins qu'a eu Madame d'Aiguillon en la fondation de ceste maison. Voicy comme elle en parle dans la lettre qu'elle rescriuit à la Mere Superieure des Hospitalieres qui sont icy passées. Ma bonne Mere, ie louë Dieu de la resolution que vous auez prise de passer en la Nouvelle France dont ie vous suis extremement obligée, & aux deux bonnes sœurs qui vous y accompagnent. L'ay aussi beaucoup de ioye de ce que Nostre Seigneur vous a choisse pour cela, ayant vne tres-particuliere estime de vostre merite, i'espère que cela reparera tous les manquements qu'il y a de ma part, & que Dieu par sa bonté aura plus d'égard à vos vertus,

Relation de la Nouvelle France, qu'à mes defauts. le vous veux dire le dessein que i'ay eu faisant ceste fondation, c'est de dedier cet Hospital au Sang du Fils de Dieu, répandu pour faire misericorde à tous les honimes, & pour luy demander qu'il l'applique sur nos Ames, & sur celles de ce pauure peuple barbare. Ie vous fais part de mes intentions afin que vous les offriez à nostre Seigneur, & qu'allant faire la fondation, vous luy dediez selon cela, & que vous faciez mettre sur la porte: Hospital dedié au Sang du Fils de Dieu, répandu pour faire misericorde à tous les hommes. Si on ne trouue pas à propos que ceste Inscription soit sur la porte, ie desire que toutes les Religieuses sçachent que c'est là mon intention dans la fondation, & qu'elles s'employent au seruice des pauures auec ceste intention. Je desire de plus que le Prestre qui dira tous les iours la Messe ait pareille intention. l'ay bien du regret de ne vous pouvoir embrasser & vos bonnes Sœurs qui passent auec vous, & vous prier moy-mesme de demander à Nostre Seigneur qu'il me facemisericorde. Ce m'a esté vne grande consolation de voir ces bonnes Vrsulines qui vont aussi à Kebec auec Madame de la Pelterie, on m'a

promis que vous serez toutes en mesme vaisseau. (Et plus bas) Asseurez-vous, ma Mere, que ie vous seruiray en vostre particulier auec beaucoup de passion, & vostre maison nouuelle, & que ie seray toute ma vie,

Mabonne Mere,

Vostre tres-affectionnée à vous faire seruice.

DV PONT.

En marge sont écrites ces paroles.

Mabonne Mere, obligez moy de prendre soin de saire demander aux Sauuages que vous assisterez à la mort, le salut de Monseigneur le Cardinal, celuy de quelques personnes à qui i'ay de particulières obligations, & le mien, & que toutes vos Religieuses me sacent la mesme charité.

De Paris, ce 10. d'Auril 1639.

32 Relation de la Nouvelle France,

Les Lettres dont il luy a pleu m'honorer sont remplies de semblables affections, ie n'ay que ces deux mots à luy dire pour

Response.

Madame, que toute la France vous honore pour cette belle Couronne Ducale qui enuironne vostre Chef: Ie vous asseure que tous les diamans qui l'embellissent ne frappent ny mon cœur ny mes yeux ; leur éclar est trop foible pour trauerser la grandeur de l'Ocean, mais ie vous confesse que vostre cœur qui honore puissamment le Sang de les vs-Christ me touche au vif, vous allez à la source de la vie, & personne ne peut aimer I e s v s, qu'il n'aime ceux qui cherissent & qui honorent son Sang. Saincte Terese ayant rendu quelque seruice à Nostre Seigneur, ce bon Prince luy dit ces belles paroles couchées à la fin du liure de sa vie : Ma fille, ie veux que mon Sang te profite, & que tu n'aye point de peur que ma misericorde te manque, ie l'ay répandu auec beaucoup de douleurs, & tu en iouis auec de grandes delices comme tu vois. Ce sont, Madame, les paroles que ie souhaitte, que ce Roy des cœurs addresse à vostre cœur; seroit-il bien possible qu'vne Ame qui honore

en l'année 1629.

CHRIST, n'en ressent le Sang de I ESVSE O mon Seigneur, ne le permettez pas. Amen. Amen.

Ceste grande Dame est desia payée de ses aumoines dés l'heure que l'escri cecy, plusieurs Sauuages ont desia prie pour elle. dans son Hospital, plusieurs y sont desia morts; le premier auoit vescu comme vn Saince depuis son Baptesme, il yest mort comme vn Sainet. Ce bon homme regardoit la vie comme vne prison, & la mort comme vn passage à la vraye liberté. La parolle luy manqua par vue grande oppression de la poictrine, du moins on ne l'entendoit quasi plus: mais quand on luy eut recommande de prier pour ceux qui le secouroient si charitablement, il s'efforça si bien qu'il pria tout haut pour Monseigneur le Cardinal, & pour Madame la Duchesse d'Aiguillon, la mort luy couppala parole du corps, mais ne pût arrester la priere de l'ame qu'il alla continuer dedans les Cieux. Ie voulois faire porter son corps à Sillery, comme vn pretieux dépost, & comme vne Relique, mais les vents & la marée me contraignirent de la laisser à Kebec. Voicy vo mot de Leure du P. de Quen qui fait voir le bien qu'en tait à l'Hospital.

Arnabe Mistikoman s'en retourne 2 Sil-Plery fam du corps & del'ame, comme ie croy, ils'est confessé & communié le matin en action de grace de sa santé, cela est venu de luy-mesme. Nous enteriasmes hier lyndes deux Algonquins que le baptisay auant hier, c'est celuy qui auoit vne playe en la poistrine, son compagnon se porte vn peumieux qu'à l'ordinaire, Marie femme de Noël Negabamat pensa mourir hier au soir d'vne grosse colique, & d'vne forte siévie qui la trauaille encor, ie l'ay confeslé ce matin en intention de la communier, mais la seignée l'en a empesché; Noël son mary se porte mieux, il s'est confessé & communié, ie croy qu'il vous retournera voir dans peu de iours. Estienne Pygarouich voulant aller à la chasse aux Castors, vous a esté chercher jusques à Sillery pour se confesser, ne vous ayant point trouué, il m'est venu voir, ie l'ay confessé auec vne grande satisfaction & contentement de mon ame. Les autres malades vont à l'ordinaire, souuenez-vous à l'autel de celuy

qui vous est, &c. Ne diroit-on pas que cet Hospital qui ne fait que de naistre est dressé depuis cent ans dans le cœur de la Chrestienté. Si la France voyoit la ioye, famodestie, & la charité des bonnes Religicules qui le gouvernent dans vne parfaicte closture & regularité, les Dames accoureroient à leur secours : c'est l'exercice des Emperieres & des Reines de secourir les pauures de l'Esvs-Christ. Or ilfaut que je dise en passant que voicy quatre grands ouurages liez par ensemble d'vn mesme nœud; l'arrest des Sauuages, l'Hospital, le seminaire despetits garçons, & le seminaire des petites filles Sauuages. Ces trois derniers dépendent du premier. Faites que ces barbares soient tousiours vagabonds, leurs malades mourront dedans les bois, & leurs enfants n'entreront iamais au seminaire; rendez les sedentaires, vous peuplés ces trois maisons qui ont toutes besoin d'estre puissamment le courues.

MESSIEVES de la Compagnie de la Nouvelle France, pour inciter les Sauuages à s'arrester, ont accorde mesme faueur en leur magazinaux Chrestiens sedentaires qu'aux François; ils ont encore

G-ij

ordonné qu'on donnéroit quelques terres defrichées aux ieunes filles qui se mariroient de plus ils ont destiné tous les ans vne somme d'argent pour faire quelques presents aux Hurons Chrestiens qui viendront se fournir de marchandises en seurs magazins. Veritablement ces actions sont louables, & dignes d'estre honnorées des hommes & des Anges.

Vn autre a bien secouru le seminaire des petits garçons, & cette année il s'est trouué vne personne qui faisant vne aumosne de cent escus, la fait employer en étoffes, & en quelques viures, qui semblent auoir esté enuoyez ceste année par vne tres-

particuliere prouidence de Dieu.

Vne personne de merite & de pieté a fait donnée cent escus pour le mariage d'vne ieune fille Sauuage recherchée d'vn ieune homine François d'vn fort bon naturel

Messieurs de la Congregation de Nostre Dame erigée à Paris donnent tous les ans pour la nourriture d'vn Sauuage. Ainsi Dieu va toussours disposant quelque ame d'élite pour cooperer à son ouurage.

Le ne dy rien de la mission des Hurons & des autres peuples sedentaires où la mois-

son est plus abondante: Toutes choses viendront en leur temps, ny le seminaire des filles, ny des garçons, ny l'Hospital, ny l'arrest des Sauuages, ny les missions és nations plus éloignées, ne manqueront point d'assistance. Bien heureux ceux desquels le Dieu du Ciel sé voudra seruir pour ces grands ouurages, soit y employant leurs personnes, soit y contribuant de leurs biens, ou procurant que d'autres y contribüent.

CHAPITRE III.

Des bonnes dispositions des Sauuages pour la Foy.

Toyt ce que nous dismes l'an passé des benedictions que Dieu donne à ceste nouvelle Eglise, s'est augmenté sensiblement depuis ce temps-là malgré toutes les oppositions & tous les obstacles des Demons, & de leurs suppôts. Nous auons baptizé plus de Sauuages que les années precedentes. Les Familles sedentaires ont perseueré dans l'exercice du Chri-

Relation de la Nouvelle France. stianisme, & en ont disposé d'autres à les imiter: Les prieres se font publiquement par tout. Les chants & les Tambours des sorciers ou des jongleurs perdent leur credit. Le Nom de lesvs-Christse va répandant comme vn baume odoriferant, qui se fait sentir bien loing dans ces vastes contrées. Le bruit de nostre ereance, & le secours qu'on a commencé de donner à ceux qui se sont arrestez, a fait descendre iusques aux trois Rivieres plus de huist cens Algonquins, lesquels ont témoigné qu'ils ne s'approchoient de nous que pour entrer dans la cognoissance du vray Dieu, si bien que le puis dire que nous auons veu des Sauuages de plus de dix sortes de Nations sséchir le genouil deuant I Esvs-Christ, prestans l'oreille à vn langage qu'ils n'auoient iamais entendu: le ne dy pas qu'ils soient tous conuertis, mais du moins ont ils commencé à rendre quelque homage à leur Dieu, assistans aux pricres que leurs Compatriotes ou alliez luy present en sa maison. Or afin degarder quelque ordre, voyons premierement les obstacles que nous auons eu en l'instruction des vns & des autres, & puis

nous verrons le bien que Dieu en a tiré.

Il ne faut pas penser que le Diable se rende, ny ses forteresses sans combat. Quoy que les Sauuages témoignent qu'ils desirent estre instruicts, ils n'ont pas tous vn mesme sentiment ny la volonté également bonne. Les meilleurs d'entre cux sont preuenus désle berceau de beaucoup d'erreurs, qui ne se déracinent que perit à petit, à proportion que la lumiere & la grace entrent dans leurs ames: Commeils ont esté affligez depuis quelques années de grandes maladies, & qu'ils s'imaginent quasi tous qu'ils ne meurent que par des sortileges. Deux étourdis d'entre eux voyans que tout le monde prestoit l'oreille à nostre creance s'opposerent à nous, crians que les prieres les faisoient mourir. L'vn d'eux vsa de menace enuers les Peres qui appelloient les Sauuages pour estre instruicts en la Chappelle. Depuis, disoient-ils, que nous prions, nous voyons par experience que la mort nous enleue par tout; d'autres adioustoient que les François estoient vindicatifs au dernier poinct, & qu'on nous auoit mandé de France que nous tirassions vengeance par vne mort generale de tous les pays de quelques François qui ont esté tuez par les C mi

AO Relation de la Nouvelle France, Sauuages il y a dessa quelques années.

Vn certain sorcier ou plustost charlatan, homme de quelque credit parmy eux, voulut prouuer par nostre doctrine que nous leur causions la mort: Les François enseignent, disoit-il, que la premiere femme qui fut iamais a introduit la mort dedans le monde, ce qu'ils disent est vray, les femmes de leur pays sont capables de ceste malice, & c'est pour cela qu'ils les font passer en ces contrées pour nous faire perdre la vie à tous tant que nous sommes; si le peu qu'ils ont desia fait venir a tant tué de monde; celles qu'on attend perdront tout le reste, (le Diable sentoit desia la venue des Hospitalieres & des Vrfulines.) Tous ces mauuais bruits retardent grandement la gloire de Nostre Seigneur, & le salut de ces pauures peuples; ça tousjours esté le dessein du malin esprit de décrier tant qu'il a pû ceux qui s'esforcent de tirer les ames des tenebres & du peché. La guerre qui est survenue lorsque ces bruits sembloient assoupis, & la défaite des Algonquins a puissamment diuerty les esprits des bonnes pensées que Dieu leur donnoit, neantmoins comme pas vn de ceux qui sont baptisez na esté pris cu tué

dans le combat, ceste benediction en a consirmé plusieurs dans leur bonne volonté.

Bref le peché ou l'accoûtumance au vice est vne chaisne tres-difficile à rompre. Nous en entendons tous les jours qui nous disent que nostre doctrine est bonne, mais que la practique en est fascheuse. Les vns ont deux femmes, qu'ils ayment, ou qu'ils leur sont vtiles pour leur ménage; Les autres sont en credit par quelque superstition, qu'il faudroit quitter s'ils se faisoient baptizer. Les ieunes gens ne pensent pas pouuoir perseuerer dans le mariageauec vne mauuaise femme, ou auec vn mauuais mary; ils veulent estre libres, & se pouuoir repudier s'ils ne s'entr'ayment. Voila les principaux empéchements exterieurs que nous auons eu dans l'exercice de nos fonctions; voyons maintenant comme les forces des Demons ne sont que des pailles, & comme les épines n'empéchent pas la naissance des roses.

Premierement, tous les Sauuages qui ont esté instruicts, excepté fort peu, ont vne grande opinion de nostre creance: ils croyent qu'estre Chrestien, & ennemy des vices, c'est la méme chose: C'est pourquoy quand on leur demande s'ils n'ont point commis quelque mal, ils répondent; le prie Dieu, & par consequent ie ne commets point ces actions: s'ils voyent quelque vice en vn François, ils disent fort bien, qu'il ne croit pas, & qu'il descendra dans les Enfers.

Ils viennent aux prieres publiques, apportent leurs enfans pour estre baptisez, demandent ce Sacrement auec affection; i'entends ceux qu'on enseigne plus particulierement; Brefon cognoist déja par leur déportemens que la Foy opere dedans leurs ames. Quand ces Algonquins arriverent aux trois Rivières au nombre de plus de cent canots, ils estoient extremement superbes & arrogans, notamment ceux de l'Isle. Ayans oùi la doctrine de Iesvs Christ on les a veu tellement changez, que nos François mesme s'en étonnoient.

Vn certain de la petite Nation des Algonquins ayant assisté aux prières, & oui chanter les Letanies des attributs de Dieu, s'imprima cela si bien dans l'esprit qu'il les demanda par écrit; ce que luy estant accordé, il faisoit grand estat du papier qui les contenoit: arriue que ce bon homme retournant en son pays sit naus rage, tou-

tes les marchandiles furent perdués, luy & ses gens eurent la vic sauue; ce qui l'attristoit le plus, à ce qu'il dit par apres, estoit la perte de son papier, si bien qu'encor qu'il fut grandement éloigne de celuy qui luy auoit donné, il pensa retourner sur ses brizées pour luy en demander yn autre; mais il fut bien étonné quand il vit ce papier tout sain & entier entre les varangues de son canot réchappé du danger; il admiroit cela comme vn prodige, & le racontoit comme vn miracle à ses gens. Estant de retour en son pays, il assembloit tous les jours ses voisins dans vne grande cabane, pendoit ce papier à vne perche,& tous se mettans à l'entour, chantoient ce qu'ils sçauoient de ces Litanies, s'escrians tous à Dieu Chaverindamavinan ayez pitié de nous: Dieu prit plaisir à leur demande; car la maladie qui les affligeoit cessa entierement. Ce pauure homme reuenant voir nos Peres rapporta ge papier, & puis se retirant l'hyuer dans les bois pour faire sa prouision d'Elan, en demanda vn autre qu'il respectoit en la mesme façon; & comme il nesçauoit pas encore par cœur les prieres qu'il faut presenter à Dieu, il luy offroit ce papier, & luy disoit auce tous ses gens,

44 Relation de la Nouvelle France, si nous sçauions ce qui est dans ce papier, nous te le dirions tous; mais puisque nous sommes ignorans, contente toy de nos cœurs, & nous fais misericorde, toy qui est nostre grand Capitaine. Estant par apres de retour vers nos Peres, il leur dit que rien ne luy auoit manqué, & que Dieu l'auoit mis dans l'abondance.

Le Sorcier mesme, dont i'ay parlé cydessus, lequel au commencement crioit contre la venuë des femmes Françoises, voyant sa petite fille malade n'eut point de recours à son art, mais au Baptesme qu'il procura à son enfant, & la santé du corps luy estant renduë auecla saincteté de l'ame, ce charlatan ne cessoit de nous preconiser, & nostre doctrine; mais il faisoit comme les cloches qui appellent le monde à l'Egli-

se, & n'y entrent iamais.

Vne chose nous attrista à la venuë de ces Algonquins: Vn Capitaine Nipicirinîen venant aussi pour se faire instruire tomba si fort malade à la riuiere des prairies, enuirontrente lieuës au dessus des trois Riuieres qu'il en mourut; deuant que de rendre l'ame, il dit à ses gens: Vous direz aux François que ie les allois voir pour apprendre le chemin du Ciel, ie suis bien marry que ie

ne puis mourir aupres d'eux, ie me suis pressé tant que s'ay pû, mais la maladie ne me permet pas de passer outre, pour vous ne laissez pass de continuer vostre dessein

apresma mort.

Vn autre Algonquin entendant parler de Dieu, s'écria: Voilà ce que ie desirois entendre il yalong- temps, & venant trouuer le Pere, il le pria de l'instruire plus particulierement, & pour ce faire il venoit tous les iours à nostre maison. A peine auoit-il commencé cét exercice, que son fils tombe fort malade, cela ne l'étonne point; il luy pend au col vn chapelet, & venant voir le Pere qui l'instruisoit, luy dit : Ie n'ay rien de si cher au monde que mes deux enfans, voilà desia mon fils malade, & en danger demort; quandluy & sa sœur mouroient, ie ne quitteray point la resolution que l'ay prise de prier Dieu, ie sçay bien qu'il est le maistre de nos vies, ma femme & mes enfans, & moy, adioustoit-il, estans tous ensemble tombez dans vne grande maladie, il mé vint vne pensée qu'il falloit qu'il y eut quelqu'vn au monde qui eut soin des hommes, ie l'inuoquay sans sçauoir son noni, il nous guerit tous, quoy que nous ne le cognussions pas, maintenant que nous

Relation de la Nouu. France, commençons à le cognoistre, il ne nous abandonnera pas; en effect son fils guerit bien-tost apres, & il fut baptisé aucc sa petitesœur, & leur grandemere. Ce paul ure homme voyant qu'il falloit partir sans Baptesme, la faint les pressant à cause qu'on ne leur pouvoir vendre de viures au magazin, disoit au Pere qui les auoit instruit, pourquoy me refusez-vous le bien que vous auez accordé à mes enfans & à mamere? Toutes choses ont leur temps, il nese faut pas precipiter en choses de telle importage. C'est vne coûtume parmy ces peuples de faire festin à tout manger pour la guerison des malades: Or pour détourner petit à petit ceste superstition, vn de nos Peres ayant préché contre ces festins, dit publiquement que Dieules haissoit, mais qu'il se plaisoit aux œuures de charité, & par consequent qu'il falloit donner aux pauures veufues & orphelins ce qu'on donnoit aux jongleurs & aux charlatans. Vn vieillard se sounenant de cet enseignement, & voyant sa fille malade, dità son gendre qu'il s'en allast à la chasse, & qu'il demandast vn orignac à Dieu pour donner à manger aux pauures, son gendre obeit, tua ce grand animalile bon vieillard fit son aumosne, & sa fille guerit.

Vne bande de Sauuages nous quittant pendant l'Automne pour-aller hyuerner dedans les bois, nous racontoit au Printemps comme Dieu les auoit secouru. Nous le prions tousles iours, disoient-ils, sans y manquer, si tost qu'on auoit tué quelque animal, on l'en remercioit sur la place méme, comme celuy qui nous l'auoit donné; en effect il nous sembloit que nous tirions nostre nourriture comme d'vne dépence piece apres piece: par exemple, ayans trouué vn Ours, nous estions quelque temps sans rien rencontrer; l'Ours estant mangé, nous dissons à Dieu, nous n'auons plus rien, donne-nous nostre nourriture, tu es nostre Pere; aussi-tost nous trouuions dequoy viure & Dicunous a tenu fort long-temps comme cela, de sorte que nous nous en étonnions, & dissons que quand il n'y auroit plus rien dans nos sacs que Dieu en feroit venir. Si quelqu'vn de nous faisoit quelque mal, aussi-tostles autres luy disoient; Fay ce que tu voudras, mais il faut que les Peres sçachent tout ce que nous failons. De faict quand ils furent arrivez, ils nous declarerent sans le demander tout le bien & le mal qu'ils auoient fait, se confessans tout haut deuant que d'estre baptisez.

48 Relation de la Nouvelle France,

l'ay fait mention cy-dessus des maunais bruits & de la guerre qui retardoient le cours de l'Euangile. Monfieur nostre Gouuerneur montant aux trois Riuieres auecyne barque, & quelques chalouppes bien armées, leua ces obstacles, car encor bien que la contrarieté des vents, & la precipitation des Sauuages luy eussent osté l'occasion de desfaire leurs ennemis qu'il alloit trouver, neantmoins voyans la bonne volonté qu'vri homme d'vn tel merite audit pour eux, ils se r'assemblerent, & tindrent plusieurs conseils entreux, dans lesquels ils conclurent d'embrasser la foy Chrestienne, & de s'habituer aupres des François; en effect ils sirent de bonnes & longues cabanes tout aupres de nostre habitation des trois Rivieres, nous donnans vne belle occasion de les instruire. Les affaires de Dieu sont tousiours contrariées, tout procedoit heureusement, ils so rendoient assidus aux prieres qu'on leur faisoit faire à la Chappelle, & à l'explication du Catechilme qu'on faisoit le matin aux femmes, & le soir aux hommes. Quand la famine les contraignit d'aller chercher leurs vies qui deçà qui delà dans les riuieres, & dans les bois; le retardement des vaisseaux fut cause de cemal-heur. Ce

en l'année 1639.

nous fut vne douleur bien sensible de voir partir d'aupres de nous bon nombre d'ames tres-bien disposées faute de pouvoir secourir seurs corps. Enfin les vaisseaux ayans paru, apresauoir esté long-temps attendus, ces pauures ouailles égarées se r'assembletent petit à petit aupres de nous.

Comme ie finissois ce Chapitre, l'vn des Peres de nostre Compagnie qui sont aux trois Riuieres m'a r'écrit ce qui suit.

A persecution recommence contre nous, la petite verolle, ou ie ne sçay quelle maladie semblable, s'estant, iettée parmy les Sauuages, le Diable leur fait dire que c'est nous quileur causons ceste conragion; ils disent tout haut que le Pere le leune est infailliblement l'autheur de la mort de Mantsetchîmat qui ne luy voulut pas obeir; ils disent encor qu'il a fait mourir sa femme. Ils sonticy bon nombre de cabanes, & quelques-vnes bien affligées. Ksiksiribabsgsch me presse de le baptizer auant que de partir d'icy; la crainte de mourir dans les bois luy fait desirer le Baptesme, luy donneray-je? Tous les Sauuages qui sont icy disent que c'est faict d'eux, & que pas vn ne verra le Printemps.

Vostre Reuerence sera-elle icy bien-tost?

les meres Hospitalieres sont-elles venuës?

le bruit court icy qu'elles sont arriuées, si

les malades des trois Riuieres demandent
d'estre portez à Kebec, que leur diray-je?

Pourra-on secourir ceux de là bas, & ceux
d'icy haut tout ensemble? Vn petit mot de
Réponse s'il vous plaist.

Voila vne Lettre bien bigarrée. D'vn costé on nous accuse de causer la mort, & de l'autre on nous demande le Sacrement

devic.

Ie diray en passant que ce Mantsetchîmat estoit vn meschant Apostat, lequel ne se voulant pas ranger à son deuoir, ie luy dy que s'il s'attaquoit à Dieu, il ne seroit pas long-temps impuny; il me promit qu'il descendroitauec moy à Kebec, car i'estois pour lors aux trois Riuieres, ie croy qu'il auoit quelque bonne volonté, mais il ne tint pas sa parolle; à peine estois je party que luy & sa femme, qui estoit aussi baptizée, & qui ne valoit pas mieux que son mary, moururent; cela sit dire aux Sauuages que je leur auois causé la mort.

Ilarriua quasi en mesme temps qu'vn Sorcier ou longleur soufflant vn malade sur les dix heures de nui &, pource qu'il ne l'osoit

en l'année 1639.

faire deiour, ie l'entendy, i'y couru auec vu de nos Peres, ie le tançay, & le fis cesser, le menaçant de la part de Dieu. Deuant qu'il fut iour, ce miserable sut frappé de la contagion ou petite verolle qui le rendit fort horrible; cela étonna les Sauuages, & sit croire à quelques vns que nous souhaittions leur mort, & que Dieu obeissoit à nos desirs; l'auois beau leur dire que Dieu se fascheroit contre nous, & nous puniroit si nous voulions mal à quelqu'vn. Quand vous tueriez quelqu'vn de nous, nous disoient-ils, Dieune vous diroit rien, car vous le priez soir & matin, & à tout' heure; & nous autres nous ne le sçauons pas prier, voila pourquoy il nous laissera mourir.

Pour ce qui touche l'Hospital, ie répondy que nous auions assez de malades à
Kebec, & qu'il falloit attendre qu'on sut
mieux accommodé, & qu'on eut plus de
forces pour secourir tant de pauures miserables. Au reste toutes ces contradictions
sont les vrais arguments de la conuersion
de ces peuples, nous commençons à si
bien remarquer ceste verité, qu'elles ne
nous sont plus trembler; elles ressemblent
aux froidures & aux vents, qui sont pren-

Relation de la Nouvelle France, dre de bonnes racines aux bleds & aux arbres, lors qu'ils paroissent deuoir tout rompre & tout perdre.

CHAPITRE IV.

Des Chrestiens ou Sauuages baptisez en general.

Novs auons de deux sorte de Chre-stiens en ces contrées; les vns ont esté baptisez en extremité de maladie auec vne instruction assez legere, mais suffisante pour receuoir ce Sacrement en cét estat, les autres ont esté baptisez en pleine santé apres auoir estébien instruits és principaux & plus necessaires articles de nostre creance: les vns & les autres montent iusques au nombre de quatre cens cinquante ou enuiron, comprenant les Hurons qui font bien laplus grande partie. Or pour parler de ceux d'icy bas, ie diray en premier lieu que ie n'ensçay aucun de ceux qui ont esté baptisez en maladie, qui méprise apertement son Baptesme, il y en a bien deux ou trois qui se sont mariez à des semmes Sauuages non

Chrestiennes, pource qu'ils n'en trouvent point de baptisées qui les vueillent épouser, on agit doucement aueceux, on les laisse venir aux prieres, mais on ne les reçoit pas encor aux Sacrements: Lac potum vobis dedi, on leur donne du laist à boire comme à des enfans. L'experience nous apprend qu'il ne faut desesperer de personne.

Pour tous les autres, c'est vne benediction bien senfible de les voir assister aux prieres & aux instructions qu'on leur fait; se trouner à la Messe les Festes, & les Dimanches, & quelques vns les iours ouuriers; venir à Vespres quand on les chante en nostre Chappelle de Sillery, en la residence de Sainct Ioseph, chanter le Pater, & le Credo, les Commandemens de Dieu, & quelques Hymnes composés en leur Langue, se confesser auec vne candeur admirable, se communier auec deuotion & respect, reciter tous les iours leurs Chappelets à l'honneur de la saincte Vierge. C'est une consolation bien sensible de voir des Sauuages dans ces saincts exercices. Il y en a qui viennent demander à Nostre Seigneur sa saincte benediction dans la Chappelle, quand ils veulent D iii

contreprendre quelque voyage; & au retour luy viennent aussi rendre graces de les auoir conserué. En vn mot ie reitere ce que l'ay dit cent sois, si nous auions moyen de secourir fortement les Sauuages & les arester, nous verrions vne grande benediction sur ces peuples beaucoup plus dociles aux choses de la Foy que nous n'eussions osé esperer, comme on verra des remarques que ie vay faire.

l'ay seu de bonne part que quelques femmes impudentes s'approchants la nuict de quelques hommes, les ont sollicitez à mal en secret, elles n'ont eu pour réponte que ces parolles: le croy en Dieu, ie le prie tous les iours; il defend ces actions,

iene les sçaurois commettre.

On loue tant la réponse de cestes eruante Chrestienne de l'Eglise de Lion, laquelle inuitée au peché par son maistre encor Payen, répondit, Christiana ego sum, nihil sceleris admittunt Christiani: le suis Chrestienne, les Chrestiens ne commettent point de crimes si enormes. L'ay appris que quelques seunes semmes veusues Sautiages, & quelques filles sollicitées & pressées de s'abandonner à des Sauuages qui ses secouroient & aydoient à viure, ont répondu qu'elles estoient baptisées, & qu'elles ne commettroient iamais de telles offenses: Cela n'est-il pas étonnant au pays de la barbarie?

Il y a vne tres-méchante coustume parmy les Sauuages: Ceux qui recherchent vne fille ou vne femme en mariage, luy vont faire l'amour la nuiet, il y a bien du maldans ces visites, mais non pas tousiours; car les femmes Sauuages de ces quartiers sont assez retenuës, craignant de ne point trouuer party si elles se rendent communes. Or pour exterminer vne si méchante façon de faire, nous recommandons aux filles Chrestiennes de ne donner aucune réponse à ceux qui les recherchent en ce temps là, il s'en est trouué qui l'ont tres- bien gardé, rebutans ceux qui les venoient visiter, iusques à nous venir prier de leur defendre semblables visites, croyans que ces ieunes gens nous obeïroient plustost qu'à elles. D'autres leur disoient seulement ce peu de paroles; Allez vous-en trouuer les Peres, faites-vous instruire, & baptiser, puis ie vous parleray, non pas la nuict, mais le iour. Trois ieunes Algonquins de l'Isle estant descendus à Kebec, & voulant faire l'amour selon leur coustume, D iiij

\$6 Relation de la Nouvelle France, s'adresserent à des filles Chrestiennes, ils furent bien étonnez quand ces filles leur dirent qu'ils s'adressassent à nous pour cét affaire, & qu'elles ne concluroient rien sans nostre auis. Ces bonnes gens vindrent à la fin nous trouuer, & nous demanderent si nous gouvernions les filles Sauuages, au commencement nous ne. sçauions pas ce qu'ils vouloient dire; enfin l'ayant conceu, nous leur fismes entendre que ces visites ne valoient rien, & qu'ils ne pouuoient pas pretendre d'épouser aucune fille Chrestienne qu'ils ne fussent baptisez. Si toutes auoient la retenuë de celles dont ie viens de parler, ce seroit vne grande consolation; mais le mal-heur est que quelques-vnes estant éloignées de nos habitations, se marient à la sollicitation de leurs parents, & tous leurs mariages n'estans pas selon Dieu, se rompent aussi aysément qu'ils ont esté legerement contractez.

Nous en auons confirmé quelques vns dans leurs mariages depuis leur Baptesme; ceux là, comme nous esperons, seront sermes & constans. l'entendois vne sois vne femme instruire son mary sur la Confession, l'estois consolé de voir la candeur de

garde, disoit-elle, de cacher aucun detes pechez, recherche les dans ta conscience, & les dy tous à Dieu; c'est à luy que tu parle, le Pere n'est là que pour tenir salplace, à cause que Dieu ne se fait pas voir en terre; mais sur tout sois bien marry de l'auoir offensé, car situ n'as dou-leur de tes offenses, il ne se fera rien.

Voicy vn poinct qui m'a fort consolé. Les Hiroquois ayant paru proche des trois Rivieres, les Saunages furent convoquez de tous costez; estant r'assemblez, ils firent plusieurs festins de guerre, où il faut chanter, dancer, hurler, & tout cela par superstition pour auoir de l'auantage sur leurs ennemis; comme ils dancent les vns apres les autres, ils fe. donnent le signal, choisissant celuy qu'ils veulent faire dancer apres eux: Il arriua que l'vn de ces danceurs porta le bouquet ou le signal à François Xauier, yn de nos nouueaux Chrestiens; luy le reiette, renonçant à ces dances superstitieuses : on le presente à Ignace Amiskeape, il en fit de mesme: on le presente à quelques autres Chrestiens, tous imiterent la hardiesse de ces braues Athleres, se mocquans des badineries de 88 Relation de la Nouvelle France

leurs Compatriotes, lesquels mettoient leurs esperances en des actions ridicules.

Vne autrefois quelqu'vn de nos Peres ayant eu aduis qu'on faisoit vn grand Festin de viande vn iour de Vendredy dans vne cabane, demanda aux femmes qui en sortoient, si les Chrestiens n'estoient pas des conuiez, elles répondirent qu'ils en estoient en effect, mais qu'ils ne mangeoient point, qu'ils se trouuoient là seulement pour s'entretenir & discourir auec les autres. Le Pere entrant dans la cabane sur la sin du banquet, trouua tous les Chrestiens auec leurs plats remplis de viande sans y auoir touché, ils la reçoiuent pour la donner à ceux qui ne sont pas encor baptisez; bref toute l'assemblée pria le Pere de leur faire rendre graces à Dieu, & de leur declarer quelques poincis de nostre creance.

Ayant quitté la Residence de Sain & Ioseph pour quelques affaires, le Pere à qui i'en laissay le soin me récriuit en ces termes:

On cognoist bien depuis vostre depart ceux des Sauuages qui veulent croire en verité, & ceux qui n'ont que de l'appatence: Ceux là tont assidus aux prieres, & ceux-cy n'y viennent quasi point depuis que vous estes party; pour les Chrestiens ils donnent tres grande edification, ils ne manquent pas aux pricres publiques, & quelques-vns d'eux assistent tous les iours à la saincte Messe des quatre heures du matin; ce qui consond & encourage nos François qui sont icy.

Vn autre Pere laissé au mesme endroit

me manda ces parolles:

l'ay ce matin entendu de Confession vingt deux Sauuages Chrestiens, il aborde icy tous les iours des canots, ie ne puis moy seul suffir à tous, pressez vostre re-

tour s'il vous plaist, &c.

Les Sauuages ayment vniquement leurs enfans, ils ressemblent au Cinge, ils les étoussent pour les embrasser trop étroitement, ils ont encor vn grand respect humain, n'osans donner seurs enfans de peur d'estre blasmez de leurs Compatriotes. Voyant vne bonne semme Chrestienne proche de la mort; ie luy demanday vne sienne petite sille pour la faire éleuer chez les Reuerendes Meres Vrsulines, dont nous auions eu nouvelle de Tadousac; ceste bonne semme me dit : Pour moy i'en suis bien contente, ie sçay bien que vousauez

60 Relation de la Noini. France, vn grand soin des pauures orphelins; mais sçachez vn petit de son Oncle s'il en sera content: de bonne fortune cét Oncle estoit Chrestien, ie luy demanday s'il seroit content que nous sissions élever ceste petite fille auec ces bonnes Religieuses, il me repartit que c'estoit l'enfant de son propre frere, & qu'il ne la pouuoit quitter sans estre blasmé dessiens. Alors ie luy repliquay, que i'estois bien aise qu'elle fust au co luy, & qu'il la feroit éleuer en la Foy, mais ie craignois seulement que Dieu ne luy demandast compte de cét enfant, à raison quesafemme ne la conserueroit pas comme il faut, & que pour moy ie m'en déchargeois sur luy: Ce bon homme étonné me l'a donna sur l'heure pour la presenter à ces bonnes Meres à leur arriuée; ceste action me sit cognoistre que la crainte de déplaire à Dieu s'enracinoit dans l'ame de ces pauures Neophytes.

Vn François voulant faire trauailler vn four de Feste vne semme Sauuage Chrestienne sans sçauoir qu'elle sust baptizée, ceste bonne semme luy dit: T'est-il permis de trauailler auiourd'huy? le François ayant répondu que non, pourquoy donc, dit elle, me veux-tu faire trauailler puisque

en l'année 1639:

iecroy, & que ie prie Dieu, & que i'ay en-

uie d'aller au Ciel aussi bien que toy?

Non requiritur in Christiano initium, sed sinis, dit vn grand Sainct, Ce n'est pas tout de bien commencer, tout gist à bien conclure le dernier periode de sa vie. l'ay parlé és Relations precedentes d'vn ieune homme appelle Paul Aniskavaskysit deuenu aueugle depuis son Baptesme; ce bon Neophyte est mort comme il auoit vescu depuis sa conversion, c'est à dire, fort sainctement. Quand nous luy donnâmes le Sacrement de l'extreme Onction, il prenoit le Crucifix qu'on luy presentoit, le baisoit, l'apostrophoittendrement; c'est toy qui m'a donné la vie, ie te la rends maintenant, tu es bon, ayez pitié de mon ame, iene te demande point la santé, tu es le maistre, fay comme tu voudras. pauure ieune homme a souffert auec la patience d'vn Iob depuis son Baptesme, & nous afait dire à sa mort, qu'il n'y a cour si dur, que le feu du Ciel n'amolisse.

le vay coucher icy le bout d'vne Lettre qui nous apprend que la Foy a bien de la force dans vn cœur, quoy que barbare. L'an passé nous baptisasmes vn ieune garcon âgé d'enuiron quatorze ans, nous estions bien en doute si nous luy accorderions ceste faueur, car il estoit assez peu instruict, mais comme il s'en retournoit en son pays, où se retire la natió des Atikamegues, nous le sismes Chrestien, il sut nomé lacques; ce pauure ieune homme estant tombé malade, a instruit son percle mieux qu'il a pû, l'a fait prier Dieu, & deuant que de rendre les derniers soupirs, luy a recommandé de se venir faire baptiser aux trois Riuieres, ce qu'il a fait : Voicy ce qu'on m'en écrit:

Les Attikamegues ou poissons blancs, c'est le nom de ceux de ceste nation, sont descendus aux trois Riuieres; ie les ay vn peu instruicts, ils m'ont fort contentez; Vn vieillard entre autres nous a si bien pressé, que nous luy auons accordé le Baptesme; c'est le pere de lacques «Passesigan, que nous baptisasmes l'an passé, ce pau-ure garçon a perseueré en la Foy, encor qu'il sust bien éloigné de nous, il a enseigné son Pere, & se voyant surpris d'vane grosse maladie, il luy recommanda à la mort de nous venir trouuer pour se faite instruire, il m'a étonné; il estoit attente instruire, il m'a étonné; il estoit attente

ce que le deuois sçauoir il y a long-temps, iusques icy ie n'ay pas vescu, io ressemblois à vn mort, mon fils a commence à me donner la vie; haste toy mon fils, disoit-il au Pere, de m'instruire, & deme baptiser, car ie ne veux pas aller dans le seu.

CHAPITRE V.

Des premieres Familles rendués Sedentaires.

Crestienne, qui est toute remplie de benedictions en sa naissance. Les deux premieres Familles qui ont seruy de premieres pierres à cét edifice, ou à ceste nouuelle Eglise, non seulement ont perseueré
dans leurs desseins, mais elles en ont encor attiré d'autres qui commencent de les
imiter; tout gist à les ayder. Monsieur

64 Relation de la Nouvelle France, Gand homme vrayement charitable, voyairs le grand bien qu'on opere dans leurs ames, a augmenté nostre secours de quelques hommes qu'il a gagé pour ceste année, & la suiuante. Il voit de ses yeux les difficultez du païs, le peu d'auance qu'on fait dans la longueur & la rigueur des hyuers; & cependant pour iouir du fruiet qu'on recueille de ces nouuelles plantes, il faut de grands fraiz pour les cultiuer. Voicy les premices des deux premieres Familles qui se sont arrestées, & qui donne le bransse aux autres : le les dédie de bon cœur à celuy qui leur a donné le premier secours, & à tous ceux qui fauorisent ce grand dessein.

Premierement, tous ceux qui compofent ces deux Famillessont regenerez dans
le Sang de I e s v s- C i r i s r. Secondement, quoy qu'ils soient en bon nombre
tous logez dans vne même maison, hommes, femmes & enfans, n'ayans qu'vn mé.
me soyer, & vne même table; si est-ce que
iamais nous n'auons remarqué en eux aueun different; la paix qui loge si prosondement chez eux, nous est vne marque
asseurée que Dieu n'en est pas loin: Factus
est un pare leux eius. Ils sont leurs prieres

en l'année 1639.

en particulier, soir & matin à genouil, & ne laissent pas de venir aux publiques; ils entendent pour l'ordinaire tous les iours la saincte Messe, & quelques vns dés quatre heures du matin. Ils frequentent les Sacrements auec amour & respect, & quelques vns d'eux ont la conscience si tendre, qu'aussi-tost qu'ils pensent auoir commis quelque offense, ils s'en viennent accu-ser au Pere qui les gouuerne auec vne candeur nonpareille.

Quelqu'vn de nous sans estre veu entendoit vn iour les Chefs de ces deux Familles se donner courage s'vn à l'autre d'accomplir la loy Chrestienne. Ne perdons point cœur, disoient-ils, nous ne serons pas seuls, les principaux d'entre nous veulent croire & demeurer aupres de nous, quittons nos anciennes façons de faire pour prendre celles qu'on nous enseigne,

qui sont meilleures que les nostres.

Ils se trouverent bien en peine comme ils pourroient garder l'abstinence de vian-de les Vendredis & Samedis; car lors que nous serons dans les bois pour faire nostre provision d'Elan, disoient ils, nous n'aurons rien que de la chair à manger, que serons-nous? l'autre répondit, nous voilà

E

bien en peine, puisqu'il n'y a que deux iours la semaine, il les faut passer sans rien manger, & parce moyen nous garderons l'abstinence de viande: Ce conseil sut trouvé bon, mais non pas du Pere qui les gouuerne, lequel les instruisit de ce qu'ils deuoient saire en telle occasion; Descen-

dons plus en particulier.

Ces deux Familles estant parties pour aller chercher leur prouisson de chair d'Elan, François Xauier iadis nommé des siens Nenaiksmat, retourna auec la plus grande partie de ses gens deux ioursauant la saincte Quarantaine; comme il n'auoit que de la chair & de l'anguille boucanée, nous ne luy parlasmes point de l'abstinence de viande qu'on garde en ce temps là, mais luy l'ayant appris par la communication de nos François, nous dit qu'il desiroit garder ceste loy, puis qu'il estoit Chrestien; nous luy répondismes, que n'ayant ny pain ny pois, en vn mot n'ayant pour tous mets qu'vn peu d'anguille seiche, qu'il n'estoit pas obligé à ceste rigueur: Il repartit, que les mesmes raisons qui nous induisent à ne point manger de viande, l'y obligeoient; puis qu'il n'auoit qu'vne même creance auec nous, & qu'il auoit assez de force pour se

en l'année 1639.

pouuoir passer à vn peu de poisson fumé. Ceste réponse nous touchale cœur, & nous sit resoudre de le soulager luy & sa sille du peu que nous auions, c'est à dire, d'un peu de pain & de pois, & quelquefois d'vn peu de moluë. Voila donc le pere & la fille dans l'abstinence, & par fois dans le ieusne, pendant que le reste de la Famille qui n'estoit pas encortoute baptilée, mangeoit de fort bonne viande. Entrant vu iour qu'ils ieusnoient dans leur chambre, ie les trouuay tous deux retirez à part, faisans collation sur le soir auec vn peu de pain; puis me tournant de l'autre costé, l'apperceu vne grande marmite remplie de langues & de mufles d'orignac, qui rendoient vne fort bonne odeur, ces viandes les plus delicates de la beste estoient preparées pour ses gens: le vous confesse que ce spectacle m'étonna; en effect c'est une chose étonnante de voir vn homme chef de sa Famille, apres auoir bien peiné & sué à tuer tels animaux, en voir manger deuant ses yeux les plus frians morceaux, & se reduire au ieusne sans obligation ny contrainte; & pour collation se contenter d'vi morceau de pain. Mais ce qui m'étonne dauantage, c'est qu'vne ieune fille aagée d'enuiron dix-huict à vingt ans,

E ij

68 Relation de la Nouvelle France,

imitant son pere passe ces quarante iours, partie en ieulne, & toussours en abstinence, & fortmal nourrie dans l'abondance. Nous luy demandasmes une fois si cetemps ne luy sembloit pas bien long, & si elle n'auoit pas beaucoup de peine de se priuer des viandes qu'elle voyoit manger à ses compagnes; elle nous confessa qu'en effect elle en auoit eu vn peu au commencement, mais que cela s'estoit bien-tost passé. Vne autre fois comme on faisoit vn bon festin en leur maison pour receuoir quelques-vns de leurs amis, ie demanday à son peres'il n'estoit pas tenté de goûter vn peu de ce festin, composé de fort bonnes pieces d'Elan, sur lesquelles iliettoit les yeux; il me répondit en souriant, Nikanis au commencement du Caresme ie mis mon cœur sous ceste table, c'est pourquoy mes yeux ont beau voir de la chair, ils n'en souhaittent pas; car ils n'ont plus de cœur, & puis ne faut-il pas que nous souffrions vn petit aussi bien que les autres Chrestiens, nous voulons contenter Dieu aussi bien que vous autres. O Dieu qui eut iamais pensé que ces parolles deussent sortir de la bouche d'vn barbare! & que ceste abstinence eut deuë estre practiquée par vri Sauuage qui s'est autrefois repeu de chair

humaine! Dieu est Dieu, & sa bonté n'a pas de limites, elle se répand sur qui il luy

plaist.

Voicy qui est encor dans se même étonnement: Ce bon hommes estant engagé trop auant dans sa chasse, n'ayant porté qu'vn peu de pain que nous luy auions donné, se trouua sans autre viure que les Elans qu'il auoit tué, il ayma mieux passer deux iours sans manger, que de rompre son abstinence de viande; & quoy que nous luy eussions dit qu'il n'estoit point obligé à cestre austerité, il ne laissa pas vne autresois en semblable occasion de faire le mesme.

Sa fille estant allée suivant la contume du païs aucc quelques-vnes de ses compagnes pour tirer des bois la viande des animaux que son pere auoit tué, sut retenue du mauvais temps plus de iours qu'elle ne pensoit, si bien qu'ayant consommé sa petite prouision de Caresme, elle setrouva sans autre nourriture que de la viande; il restoit encor enuiron deux iours de grand travail devant que d'arriver à la maison, il falloit tirer à viue force de grosses traisnes de chair dessus les neiges; on la pressa fort d'en manger, mais ceste pauvre fille, suivant l'exemple de son pere, n'en voulut iamais goûtet.

Relation de la Nouvelle France, Ceux qui cognoissent plus particulierement les Sauuages, & qui voyent ces actions, sont contraints de confesser que la grace est plus forte que la nature. Quelques-vns de nos François voyans ceste coustume, disoient que si iamais ils repassoient en France, qu'ils reprocheroient cent & cent fois aux Heretiques & aux mauuais Catholiques, que les Sauuages gardoient le Caresme cependant qu'ils mangeoient de la chair comme des chiens. Au reste ces pauures gens, ne sont nullement obligezaux loix du ieusne, car ils n'ont le plus souuent que du poisson tout seul sans pain ny autre sauce que de l'eau, ou de la viande toute seule, & le plus souventils n'ont rien du tout : Les descrts qu'ils ont commencé à défricher, les tireront auec le temps de ces grandes miseres.

Ie serois trop long si ie voulois remarquer toutes les bonnes qualitez de cét homme vrayement Chrestie unous entretient quelques ois des regrets qu'il a de voir les sinistres opinions que quelques-vns de sa nation ont de nous autres : Il deplore la dureté du cœur de ceux qui ne prestent point l'oreille à l'Euangile : Du reste il est homme adroit, sort industrieux, bien éloigné de la paresse & de la faineantise naturelle

aux Sauuages; s'il estoitsecondé, ilse tireroit bien tost de la misere commune à ses barbares; mais il a fait rencontre d'vne femme de fort peu de conduite; le secours qu'on luy donne maintenant, le fera reussir. Il admire nos façons de faire. C'est chose étrange, disoit-il vn jour, que vous sçachiez tout ce que vous deuez faire par le son d'vne cloche sans qu'on vous die rien, & sans vous parler les vusaux autres: Sitost que vous entendez ceste cloche, les vns sortent, les autres entrent; les vns vont au trauail, les autres vont prier; elle vous faitle. uer & coucher, & sans parole elle fait par yn mesme son tous les commandements qu'il faut faire: Il n'en est pas de mesme parmy nous autres, si ie veux induire mes gens au trauail, il faut bien dire des paroles, & aprestout cela iene suis gueres obey.

Vn ieune homme de sa Nation luy demandant sa fille en mariage, il luy dit, maintenant que ie suis Chrestien, ie respecte Dieu, ie luy veux obeir; or il ne veut pas que ie donne ma fille sinon à vne personne qui croye en luy, & qui se resolue de ne la quitter iamais s'il répouse; regarde si tu as assez de courage pour te resoudre à ces deux conditions; le ieune homme répondit, qu'il

72 Relation de la Nouvelle France n'auoit pas assez d'esprit pour retenir tout ce que nous enseignions; & qu'il n'osoit quasi esperer le Baptesme. Le Neophyte Iny repartit; Cen'est pas le defaut de ta memoire qui t'enspéchera de iouir de ce bonheur; au commencement i'estois dans le mesme erreur, mais l'ay recognu par apres que quand on prioit Dieu, il donnoit de l'esprit, & qu'il aydoit à sçauoir ce qui est necessaire pour estre baptisé: on me dit aussi qu'il n'estoit pas besoin que ie sceusse tant de choses, mais que i eusse vne bonne vosonté, & vne grande affection de bien obeir à Dieu, & nele point offenser. Ce n'est pas le defaut d'esprit que l'apprehende en toy, mais la resolution de seruir Dieu toute ta vie, & de iamais ne quitter ma fille pour en épouser vne autre; regarde si tu as assez de constance pour ce poinct. Ce pauure ieune homme seigna du nez, comme on dit, il ne pût iamais seresoudre à se ietter dans le sien d'vn mariage indissoluble. Or remarquez que ce n'est point le Neophyte qui nous a raconté ce procedé, c'est le ieune homme mesme, lequel a tâché depuis de renouer ceste affaire, mais il n'en a encor pû venir à bout. O que les mariages des Sauuages nous donneront de peine! C'est assez parlé du

en l'année I 639.

pere, disons deux mots de ses enfans. Cér homme de bien en auoit plusieurs, il luy en estoit resté quatre; Dieu a pris pour soy ceste année les deux plus ieunes, si bien qu'il n'a plus qu'vn fils aagé de vingt à vingtdeux ans, & vne fille, dont nous venons de parler, aagée d'enuiron dix-huict ans. Ce ieune homme estant monté aux trois Rivieres cét hyuer dernier, pour aller à la guerre. contre leurs ennemis, s'en alla tout droit loger chez nos Peres, sans que personne luy eut donné ce conseil; Il leur dit, que s'il se retiroit dans les cabanes des Sauuages, il se mettoit en danger d'offenser Dieu, que l'exemple de la icunesse fort dissoluë le peruertiroit, & par consequent qu'il les supplioit de luy donner le couuert: De plus que deuant bien tost partir pour aller en guerre auecses Compatriotes, il souhaittoit qu'on luy conferast le sain & Baptesme, pour ne mettreson ame dans les dangers où il alloit engager son corps. Nos Peres le receurent à bras ouuerts, le trouverent bien instruit; & ayant consideré de présses de portements, iugerent qu'ils ne pouvoient en saine conscience luy refuser ce Sacrement: qu'il demandoit auec tant d'instance. Le voila donc fait Chrestien, & nomme Vin-

Relation de la Nouvelle France, 74 cent; son pere en ayant eu la nouuelle, s'en réiouit fort, mais non pas moy; car i'auois resolu de ne le point baptiser qu'il ne fust marié pour la dissiculté que ie preuoyois, & dans laquelle ie le vois de trouuer vne femme Chrestienne qui luy agrée, ou qui ne soit passa parente; Neantmoins Dieu m'a fait cognoistre iusques à maintenant que sa grandeur passoit la petitesse de mon cœur, peut-estre trop étroit & trop rétrecy dans ces rencontres; car ce ieune homme assisté. des graces qu'il tire des Sacrements, a perseueré dans la resolution de n'épouser aucune fille iusques à maintenant qui ne fust Chréstienne; s'il se conferue dans la netteté. de conscience que Dieu luy a donnée depuis son Baptesme, ses parolesseront trouuées veritables; Nostre Seigneur luy en fasle la grace.

Quant à l'autre Famille, dont le Chef se nommoit Negabamat; mais il porte maintenant le nom de celuy qui les a secouru, & qui les secoure encor puissamment; il a pris pour son Parain Monsieur Gand, en ceste consideration l'a nommé Noël, il sut baptise aucc sa semme & son sils aisné le iour de l'immaculée Conception de la saincte Vierge; ils estoient tous vestus à la Françoise des Baptelme; sa femme sut nommée Marie, & son fils Charles; il auoit trois enfans de soy, & deux adoptez; tous ont esté regenerez en I e s v s. C h R I S T, nous en parlerons maintenant.

Cét homme est bien fait, & divn bon naturel, comme on l'interrogeoir en son Baptesme, & sur tout qu'on luy recommandoit. de ne mettre son esperance qu'en Dieu, & non pas au secours temporel des hommes, il répondit d'une voix haute: l'ay passé vne bonne partie de mon aage, ie ne suis pas pour viure long-temps en ce monde; c'est pourquoy ie n'appuye ma croyance ny ne fonde mon esperance sur les hommes, qui ne mesçauroient prolonger la vie, mais sur celuy qui a tout fait, lequel m'en peut donner vne eternelle. Quoy que les femmes soient naturellement honteuses, la sienne ne parut iamais s'estonner, encor qu'elle se veit dans vn habit à la françoise, qu'elle n'auoit iamais porté la presence de nos François, qui remplissoient l'Eglise ne l'émeut point; elle répondoit aux interrogations qu'on luy faisoit d'vne voix forte, & d'vn visage remply de ioye: Nous luy demandasmes pat apres d'où prouenoit qu'elle ne s'étoit pas

Relation de la Nouu. France, montrée craintiue deuant tant de monde; elle répondit : le ne pensois pas du tout à ceux qui me regardoient, ie disois seulement en mon cœur; Ien'iray pas en Enfer, riray au Ciek, tous mes pechez vont estre pardonnez; & puis il ne faut pas, disoit-elle, que ceux qui croient en Dieu soient honteux de dire leurs creances. Cette bonne femme a de grandes marques de sa predestination; elle prie Dieu volontiers, entend volontiers la parole, ayme la frequentation des Sacremens; elle est par fois retournée de bien loin tout exprés pour se confesser & communier, s'ennuyant fort quand elle est empeschée d'entendre la Messe. dans les bois pour faire seicherie d'Orignac, & voyant qu'elle retardoit trop long temps, elle s'en vint à Kebec pour communier, le Pere qui l'entendit de Confession, par mégarde ou pour l'éprouver, la laissa là sans la faire approcher de la saincte Table: Cette pauure femme luy disoit; Iesuis venuë de si loin, & auec tant de peine, pour iouir d'vn si grand bien, & vous m'en priuez; ay-ie donc fait quelque offence qui merite ce châtiment? Elle s'en alla trouuer vn autre Pere; & luy fit ses plaintes auec vne telle candeur, qu'ilen demeura tout edifié.

faut confesser que ces deux bonnes ames m'ont trópé, ie ne croyois pas que la Foy fut si fortement enracinée dans leurs cœurs; à peine estoient-ils Chrestiens, que Dieu les a visité ou éprouvé fort rudement. nouueau Chrestien parlant vn iour à vn sien parent de nostre doctrine, & du secours que nous donnions aux Sauuages pour les reduiredans vne bourgade, luy dit que lesentiment commun de la pluspart de ceux de sa nation, estoit que tout ce que nous en faisions n'étoit qu'vn voile pour couurir nostre malice, & que nous ne pretendions que la ruine du pays, & la mort de tous les habitans: Et qu'ainsi nesoit, dit il à Noël, tu verras bien-tost tes enfans mourir deuant tes yeux, tu suiuras parapres, & si nous leur prestons l'oreille aussi bien que toy, nous passerons par le mesme guichet. bruit qui court, disoit ce causeur. Noël me vint racoter tout cecy sans se troubler, m'exhortant à prescher fort & serme contre cét erreur. Or soit que le Diable cognut la disposition du corps de ses enfans, ou que Dieu voulut tirer sa gloire de la foy & de la constance de ces nouueaux Chrestiens: Quoy que s'en soit, de cinq enfans qu'ils auoient, les voila quasi reduicts à vn. Bien tost

78 Relation de la Nouvelle France? apresce discours, I'vn deses enfans fut pris d'vne fiebure etique qui luy ostera la viè dans peu de jours, car il n'a plus que les os qui luy percent la peau en plusieurs endroicts. A quelque temps de là vn autre qui estoit au seminaire, fut saisi d'une autre maladie qui luya duré depuis cinq mois, & pour le present on ne luy donne plus que peu de iours de vie. Son fils aisné âgé d'enuiron quatorze ans, qui estoit aussi nostre Seminariste, luy seruoit de consolation dans ses aduersitez, car en verité c'étoit vn enfant bien fait, & d'vn excellent esprit: vne defluxion ou vne pleuresiele saisit inopinément, & apres luy auoir fait souffrir de grandes douleurs, l'emporta dans peu de iours dans nostre Maison, où on l'auoitapporté pour estre pensé plus commodement. Son pere ne bougea d'auprès de luy tandis qu'il fut malade; sa mere le venoit visiter tous les iours de plus d'vne grande lieuë. C'est dans cette maladie que nous reconnusmes la foy du pere & de l'enfant, la siéure estant deuenuë si chaude & si violente? qu'elle le faisoit par sois extrauaguer. Sitost que ce pauure enfant auoit quelque relâche, son pere nous appelloit, & nous prioit de luy parler de Dieu pour bien disposer

son ame à la mort. Ie l'ay veu par sois se jetter à genoux auprés de son lict pour priex Dieu, & le faire prier à son fils; sa mere prioit de son costé, & tous deux firent vn vœu à Dieu pour la santé de leur enfant, mais auec vne tres-grande resignation à la volonté de Dieu: Ce n'est pas nous, disoient-ils, qui commandons à la vie, si tu preuois, ô grand Capitaine du Ciel, que nostre enfant venant sur l'aage, ne te vueille pas obeir, nous ne te demandons point sa santé; mais comme tu es bon, donne luy secours & pour son corps & pour son ame. L'enfant de son costé estoit fort bien disposé, témoignant qu'il ne craignoit point la mort, il se confessa, receut le Corps de Nostre Seigneur & l'Extréme-Onction aucc bon iugement, se remettant à la volonté de Dieu, sans luy demander la vie, si on ne luy faisoit demander. Sa priere ordinaire estoit, I E s v s aye pitié de moy, fay moy miseri. corde, ie suis marry de t'auoir offensé: En finse sentant proche de la mort, il nous dits. ien'en puis plus, tenez, touchez mon corps, il est dessa froid, ie me meurs; on le fit. confesser derechef, & l'absolution receuë, sa défluxion l'étouffatout d'vn coup: Estant mort, Faduerty François Xauier, qui se trou-

80 Relation de la Nouvelle France, ua present de consoler son pere, craignant que ce coup ne l'ébranlast, mais François me dit, Noël ale cœur bon, si tost qu'il a veu expirer son fils, il m'a dit que pendant qu'il le voyoit souffrir, la tristesse affligeoit son ame, maisquele voyant mort, & hors de tout secours humain, son cœur s'estoit senty soulagé. En effect, ce bon homme me vint trouuer, & nie dit; Nixanis, tu diras à nostre Capitaine, il parloit de Monsieur le Gouuerneur, que iele remercie de ce qu'il a visité mon fils dans sa maladie, & tu l'asseureras que mon cœur est tout libre, & que ie me souuiens bien de la parole que i'ay donné à Dieu de le seruir toute ma vie; ie ne suis pas vn enfant pour la reuoquer; ie le prieray tousiours, c'est luy qui dispose de nos vies, nous n'ensonmes pas les maistres. Ces paroles consolerent grandement Monsieur le Cheualier de Montmagny, que ie nomnierois volontiers le Cheualier du sain & Esprit, tant iele vois porté aux actions sainctes & courageuses, & remplies de l'esprit de Dieu.

Apres cestemort, il se trouue que sa fille adoptiue a vne toux dangereuse, & que son plus petit fils s'en va mourant: en verité ce bon homme peut bien dire: Probasti me, & cognouisti me: C'est ce qu'on luy inculquois

louuent

souuent que Dieu vouloit éprouver sa foy. Ces coups de fléches luy estoient tirées du Ciel par amour. Ce n'est pas tout, sa femme subsistoit parmitoutes ces maladies, & secouroit ses enfans; Dieu la voulut affligeraussi bien que les autres; elle fut prise de la petite verole qui couroit, & fut la premiere qui entra dans l'Hospital nouuellement étably à Kebec. Deuant ces grandes atteintes, son mary auoit desia receu quelques attaques de ses gens; car estant descendu à Tadoussac, les Sauuages se mocquoient deluy, sçachant qu'il prioit Dieu, disans qu'il vouloit deuenir Iesuite; qu'il vouloit paroistre auoir de l'esprit, & que tout ce qu'il en faisoit, n'estoit que pour viure long-temps çà bas en terre, mais qu'il se trouveroit trompé. Vn de ses Compatriotes luy dit vn iour ie ne sçay quoy qu'il auoit veu en songe, luy enioignant de l'executer s'il ne vouloit bientost mourir; Cela nel'étonna point, il répondit qu'il demanderoit au Pere qui se gouvernoit si la chose estoit permise, qu'en ce cas il l'accompliroit, autrement non. On luy dessendit de la faire, il obeitsansscrupule & sans replique: Voila ce qu'opere la grace dans vn cœur qu'on appelle barbare, disons plustost dans les enfans de Dieu, puis qu'ils sont rendus tels par le Baptesme.

Iepensois finir le discours de ces deux Familles, mais puis que les vaisseaux me donnent encor loisir de parler, il faut que la douleur & la ioye qui partagent maintenant mon cœur, soient la conclusion de ce Chapitre. Quelques Sauuages de l'Isle retournant du pais des Abnaguiois, ont rapporté icy vne petite verole extrémement contagieuse; Ce mal qui tuë par tout ces pauures peuples, est descendu iusques à Sillery, c'est à dire, en la Residence de Sainct Ioseph, où nous r'assemblons les Sauuages. Apres nous en auoir enleué quelques-vns, apres nous auoir rauy vn vray Apostre de ces contrées, il s'est ietté sur les Chefs de ces deux premieres Familles Sedentaires auec vne telle fureur, que nous n'en sçauons pas encor le succez. François Xauier iadis Nenaskemat, a esté pris le premier, on le fit incontinent porter à l'Hospital pour y estre promprement secouru: à peine y estoit-il en-tré, que Noël Negabamat se sentit assailly du mesme mal; comme ie me disposois pour l'emporter à Kebec dans vn canot, afin de le loger auec les autres mala-

des, on m'écriuit que François Xauier me demandoit, & que si ie le voulois voir pour la derniere fois, que ieme dépéchasse. A mesme temps, voicy quatre Familles de Sauuages qui arriuent à Sillery à dessein de se rendre Sedentaires, & de grossir nostre Bourgade encommencée. Les conseils de Dieu sont étranges, il oste, il donne, il destruit, il bastit; en vn mot il est le Maistre, il fait ce qu'il veut, qu'il soit beny à iamais, s'il n'eust affligé le bon lob, iamais ce grand flambeau n'eust éclairé le monde; s'il n'eust secoué les premieres Colomnes de ceste nouvelle Eglise, & de cét arrest ou reduction des Sauuages, on n'en eut pas veu la fermeté. Il me fallut iouer vn étrange personnage, car faisant profession d'arrester les Sauuages, il me fallut chasser ceux qui se presentoient. Allez, mes chersamis, leur dis-je, retirez-vous, autrement la maladie vous pourra égorger: l'amour que ie vous porte me fait vous donner ce conseil; ne vous éloignez pas neantmoins beaucoup, afin que nous puissions auoir de vos nouuelles, ils me promirent de m'obeir de poinct en poinct; & là dessus se r'embarquent & s'en vont, me nommant le lieu où ils se retireroient. Ce-

84 Relation de la Nouvelle France, la fait, ie m'en vay dire à toutes les autres Familles arrestées auprès de nous, qu'il seroit bon qu'ils s'éloignassent pour vn temps; le ne sçay pas quels estoient les mouuemens de moname, mais iesçay bien que Dieu ne veut pas que le cœur de l'homme s'attache à quoy que ce soit. Ayant donc chasse, pour ainsi dire, & banny pour vn temps ces pauures brebis bien desolées? le Pere Vimont qui nous estoit venu voir à Sillery, & moy & vn ieune Sauuage, prenons nostre malade dans yn canot, & le portons en la maison de charité & de misericorde, c'est à dire, à l'Hospital, si tost qu'il fut placé, ie m'approche du list de François Xauier, & le voyant en vn tres-pitoyable état, ie me couure la face de mon mouchoir, & m'appuye la teste sur son cheuet sans luy pouvoir parler.

Ceux qui trauaillent au salut des ames, ont des tendresses pour leurs Neophytes aussi bien que les meres pour leurs enfans. Ce bon Sauuage vrayement Chrestien, se tournant vers moy, me dit; Nikanis, ne t'attriste point, ie meurs fort volontiers, ie ne crains point la mort, ie m'ennuye sur la terre, i'espere que i'iray au Ciel: Ie vous aisse à penser si ces paroles me per çoient

le cœur, le voyant fort oppressé: ie prie nos Peres qui estoient presents de luy apporter le sainct Viatique, pendant qu'on l'alloit querir, ie le confessay. Monsieur le Gouverneur, Monsieur le Chevalier de l'Isle, & quantité de nos François se trouuerent présents à ceste action: le malade ayant receu son Createur, ie priay encore qu'on allast querir les sainctes Huiles pour luy donner l'Extréme-Onction; pendant ces allées & venuës, ce bon Neophyte fit son action de grace à Dieu, & comme ie luy eut declaré qu'vne Dame d'eminente qualité, Niepce d'vn des plus grands du Royaume, auoit enuoyé ces bonnes Religieuses pour le secourir & tous les siens; ie ne pouvois luy faire entendre la grandeur de Monseigneur le Cardinal, & de Madame la Duchesse d'Aiguillonsous autres termes, il s'écria: Vous qui auez tout fait, donnez vostre Paradis à ce grand Capitaine, & payez bien au Ciel tous les biens que nous fait sa Niepce en terre. Vous estes tout bon, ayez encore pitié de celuy qui nous a lo-gé, & tous nos enfans. Apres qu'il eut fait ses prieres, ieluy demanday s'il se souuenoit bien de ceste grande veuë du Paradis, & de l'Enfer, qu'il auoit eu vn peu apres son Bap-F iij

86 Relation de la Nouuelle France, tesme il y a plus d'vn an: ie luy recommanday sur tout qu'il se donnast bien garde de mentir ayant l'ame sur le bord des lévres, & nostre Seigneur encore present dans soncœur. Nikanis, ilse peut faire que ien'ay pas dit vray, me fit il, car iet'ay dit que l'auois veu la demeure du grand Capitaine du Ciel; ie ne sçay pas si c'estoit sa maison, mais ce que i'ay veu estoit si beau & si rauissant, que ie creu que c'estoit là sa de meure, il n'y a rien de semblable en terre, ray encore ceste beauté si imprimée en l'esprit, que iene croy pas en perdre iamais la memoire. En fin nous luy donnâmes l'Extréme-Onction, qu'il receut auec de grands ressentiments de douleur d'auoir offensé Dieu. Comme il voyoit bonnombre de nos François prians Dieu pour luy à genoux à l'entour de son list, il éleva sa voix, & leur dit: Mes amis, vous me faites plaisir de me visiter, & de prier Dieu pour moy; ie vous asseure que si ie vay au Ciel, comme i'espere, iele prieray pour vous: Ces paroles & la deuotion de ce bon Sauuage en toucha plusieurs iusques aux larmes, nous n'attendions pas de voir ces conucrsions de nos iours. Ce n'est pas tout, à quelque temps delà, il sit venir ses ensans, qui se iet-

terent à genoux aupres de son liet, luy demanderent pardon, & le prierent de leur donner sa benediction, il leur donna de tres-bons conseils, leur recommanda la perseuerance en la Foy, leur enioignit de nous obeir, comme à luy mesme, de viure en paix & enamitié l'vn auec l'autre, & de ne rien mettre dans sa fosse apressa mort; puis faisant le signe de la Croix sur eux, il leur dit: Adieu mes enfans, ie prieray pour vous en Paradis.

Quelque temps apres, comme ie le visitois, ie luy demanday ce qu'il pensoit; ie pense en Dieu, me fit il, mon cœur est tousiours en luy, ie tasche de faire comme vous; il mesemble que vous pensez tousiours en luy, ie veux faire le mesme, quel subie & de confusion a vn cœur lasche comme le mien.

A même temps que cecy se passoit, sa femme accoucha toute seule sans ayde d'aucune personne, elle accoucha le matin, & sur le midy ie la vy trauailler, elles estoit retirée sous vne méchante écorce qui ne l'abrioit d'aucun vent; à deux iours de là elle porta elle-mesme son enfant à Kebec pour estre baptisé, mais pour augmenter l'afsliction de ceste Famille, ceste pauure creature tomba bien. tostapres en phrenesie, qui

88 Relation de la Nouvelle France, luy dura quelque temps; de l'heure que l'écry cecy, elle est en son son sens, mais nous sommes encor dans l'incertitude de la santé

ou de la mort de son pauure mary.

Reuenons à nostreautre Neophyte Noël Negabamar, si tost qu'il se sentit frappé de la maladie, il me dit: Nikanis, ie m'en. vay à la mort aussi bien que les autres : comme iel'exhortois à diuertir son esprit de ceste pensée, ilse mit à rife; Cela scroit bon, dit-il, si ie craignois la mort; nous autres qui croyons en Dieu ne la deuons pas craindre: Tu sçais bien, adiousta-il, que plusieurs. Sauuages croyent que vous estes les Autheurs des maladies qui nous font mourir; sois asseuré que ceux qui ont la foy n'ont point ces pensées; souvienne toy seulement de tenir ta parole, & d'auoir pitié de nos enfansapres nostrémort; ie ne parle pas pour moy, car les miens sont morts, ou peu s'en faut, mais pour François Xauier. Il ne faut point perdre la resolution que tu as prisé d'afrester ses Sauuages: Là dessus, il me nomma vne Famille, & me dit, quand ieseray mort, ceste Famille prendra ma place. Pour les presens que nostreroy nous a faits, lefils de François portera l'habit de son peres quand on fera quelques prieres publiques pour le Roy, & vn tel Sauuage qu'il me nomma portera le mien; conseruetousiours; ces habits, afin que nos descendans sçachent combien le Roy nous a aymez. Ie vous confesse, que ie fus bien étonné quand i entendistenir ce langage à ce pauure homme. Sa maladien'a pas esté si forte ny si pressante, que celle des autres. Le Pere de Quen qui visite souuentefois le jour les malades de l'Hospital, me mande que ce bon Neophyte s'est confessé & communié, & qu'on espere qu'il retournera bien-tost en sa maison à Sillery, mais que sa femme est retombée, & qu'elle est en danger de mort. Voila d'étranges épreuues, mais pour vne marque asseurée que Non est malum in Ciuitate, quod non fecerit Dominus, que Dieu est l'Autheur de ces afflictions: C'est que la foy de ces nouueaux Chrestiens que nous pensions deuoir estre ébranlée dans les tempestes, a fait comme les arbres qui iettent de plus profondes racines, plus ils sont combattus des vents; elle s'est affermie iusques à nous consoler sensiblement dans les plus viues sources de nostre douleur.

En fin nous esperons le calme apres ceste bourasque, Dieu ne démolit point que pour mieux rebastir. Vous diriez que ces calamitez attirent les Sauuages. Ie me tiens desia comme asseuré que nous en aurons au double & au triple l'an prochain, si nous auons dequoy les assister; ils nous ont donné leurs paroles, & desia quelques-vns se sont rapprochez en attendant que le froid dissipe le mauuais air que les malades ont apporté auec eux. I'essere que deuant que les vaisseaux soient arriuez en France, que nostre petit troupeau se r'assemblera, & se trouuera accreu de plus de personnes qu'il n'en est mort. Ainsisoit il.



CHAPITRE VI.

Du Baptesme d'vn ieune homme Algonquin.

E couchay bien amplement dans la Re-Lation de l'an passé les grandes dispositions de ce ieune homme, lequel n'estant encor que cathecume, ne paroissoit desia remply des graces bién particulieres que Dieu accorde à ceux qui sont laués dans le sang de son Fils. Ie ne m'estonneray pas si apres auoir sisouuent parlé des grandes simplicitez de ces peuples, ilse trouuent en France quelqu'vn qui reuoque en douteles biens que nous en publions, puisque moy mesme qui voit les merueilles de mes yeux, ne les puis quasi croire qu'en faisant reflexion sur la grandeur de Dieu, Qui non est personarum acceptor, qui d'vn berger en faict vn grand Roy & vn grand Prophete, d'vn pecheur vn grand Apostre, & d'vn Sauuage vn Ange de son Eglise. Ce jeune homme dont nous parlons voyant l'Automne passé que nous retardions son Bal presme, prit resolution de s'en aller aucc

92 Relation de la Nouvelle France, vne escouade de ses gens chercher quel-que prouisson dans l'espaisseur de leurs grandes Forests, il ne fut pas bien loing, queson cœur transi de crainte, le fit rebrousser chemin: ie ne sçaurois plus, nous fit-il, m'essoigner de vous, que ie ne sois baptisé. Quand ie iette les yeux sur les pechez que ray commis depuis que ie suis au monde, & que ie me represente le Baptesme comme vn bain qui les doit lauer, ie ne sçaurois quitter ceux qui me doiuent conferer vn sigrand bien, i'ay resolu de demeurer icy jusques à ce que vous m'ayez ouvert les portes de l'Eglise. Nous le remismes à la Feste de tous les Saincts. Dans cette attente comme il nous visitoit souvent, & que par fois nous le faissons manger en nostre maison, il nous tint vne fois ce discours. Mes compatriotes s'imagineront peut estre que le vous viens voir pour tirer de vous quelques commoditez temporelles, & peut estre encor vous autres pourriez vous auoir cette pensée, mais ie vous supplie de croire que ie ne vous demanderien, & que ien'atteds de vous que la seule instruction de mon ame, si Dieu paroissoit ç'a basen terre, ie vous quitterois là pour l'aller trouver, ou plustost ie

vous inniterois de le venir recognoistre auec moy: car vous estes l'ouurage de ses mains, comme tout le reste des autres creatures: mais puisque Dieu ne se fait pas voir enterre, & que nous n'auons pas la cognoissance de ses volontez, il faut de necessité que nous visitions & que nous importunions ceux qui nous la peuuent donner.

Vne autrefois il nous parla en ces termes: Mon cœur est fait d'vne autre facon qu'il n'estoit il y a quelque temps, car auparauant que ie vous eusse cogneu, i'employois tout mon esprit à rechercher les commoditez de cette vie; à peine estois-ic en vn endroit, que ie pensois trouuer mieux en vn autre, maintenant en quelque lieu que ie transporte mon corps, mon ame demeure tousiours auec vous, elle n'a point de repos qu'en vos discours, iamais elle ne se lasse de vous ouir parler de Dieu, nos cabanes me semblent des maisons estranges; & encor que iesçache que Dieu est partout, neantmoins il me semble que le suis plus prés de luy quand iene suis pas esloigne de vous. Quelquesvns de mes gens me reprochent que ie deviens françois, que ie quitte ma nation, 94 Relation de la Nouvelle France,

& ie leur responds, que ie ne suis ny françois, ny sauuage, mais que ie veux estre enfant de Dieu. Tous les François ny leur Capitaine ne sçauroient sauuer mon ame, ce n'est pas en eux que ie crois, mais en celuy qui les a fait eux mesmes. Il nous tint ces discours en meilleurs termes en sa langue, que ie ne les rapporte en la nostre.

Le voyant tres-mal couuert dans vn froid fort picquant, ie luy demanday s'il n'auoit point d'autre robbe que celle qu'il portoit; ton frere, me fit-il, m'en a donné vneil y a desia long temps, mais ie ne la porte point pour deux raisons. Premierement ie crains mon corps, si ie luy donné se saises, & que ie le couure chaudement, il me sollicitera de luy procurer tousiours le mesme bien, & si ie ne le puis recouurer par mon industrie, il m'induira doucement à vous frequenter plustost pour son bien particulier, que pour le salut de moname, c'est ce qui m'a fait resoudre de de ne me point seruir de vos presens.

Secondement si ie me montre affectionne à vos dons, ie seray incessamment importuné d'vne semme qui n'agueres d'esprit, laquelle me pressera de tirer de vous sout ce qu'elle croira que vostre bonté me pourra accorder; De là vient que i'ay pris resolution de mépriser mon corps pour mieux penser aux biens de mon esprit.

Au commencement, disoit-il, que i'allois voir vos Peres qui sont aux trois Riuieres; ie pensois à part moy, peut estre, que ces gens-cy s'imaginent que ie les viens voir soubs esperance de quelque secours temporel; ils setrompent bien, disois-ie en mon cœur, ce n'est pas mon corps qui m'ameine icy, mais le desir de sauuer mon ame, ie pensois aux biens de l'autre vie, & non pas aux commoditez de celle-cy que nous menons en terre. Parlons de son Baptesme.

Il s'y disposa de longue main par de grands desirs d'estre fait ensant de Dieu & de son Eglise, & par de grands regrets de ses offenses, il admiroit les essets de ce Sacrement que nous luy auions expliqué, il souhaittoit d'en auoir la ioüissance. En fin le iour destiné s'approchant, il ieusna la veille, nous le menasmes à Kebec pour y receuoir ce Sacrement en la presence de nos François. L'ail sut nommé Ignace par Monsieur Gandson Parrain. Sa modestie accompagnée d'une saincte liberté luy faisoit respondre auec grace & frantée luy faisoit respondre de luy faisoit respo

Relation de la Nouvelle France, chise à toutes les interrogations qu'on luy sit. Il sut baptizé le Dimanche dernier iour d'Octobre, & le lendemain iour consacré à l'honneur de tous les saincts, il se communia publiquement en la Chapelle de Kebec, les occupations que nous auons en cetemps-là furent cause que ie ne pûs pas sitost l'interroger des sentimens que Dieu luy auoit donné dans la reception de de ces deux grands Sacremens. le le fis deux iours apres par maniere de discours, luy demandant si son cœur n'auoit point ressenty de ioye dans son Baptesme: Sa face s'épanouit à cette demande, & son ame goustant vne autrefois les contentemens qu'elle auoit receuë en ces mysteres sacrés, sit sortir ces paroles de sa bouche. Estant à la porte de l'Eglise où on fait demeurer les Cathecumenes deuant leur Baptesme, il m'estoit à voir qu'on me cenoit là pour cognoistre ma derniere volonté; & pour sçauoir si ie croyois & si en effect ie voulois estre Chrestien, mon cœur sentoit vne grande presse d'entrer vistement dans la maison de Dieu, comme si quelqu'vn m'eut incité viuement à faire vne chose à laquelle toute mon affection estoit portée.

de l'année i 639.

97

le prenois vn singulier plaisir à toutes les interrogations qu'on me faisoit. Ie disois en moy mesme, en sin Dieu a eu pitié de moy, en sin la porte me sera ouuerte, ie seray bien tost de la famille des croyas, & de la nation des enfans de Dieu, quand on m'imprimoit le signe de la croix au front, il mesembloit que le Diable s'enfuyoit, & qu'il n'auroit plus doresnauant de pouuoir sur moy; comme on me sit entrer en l'Eglise, ie m'estonnois comme ie ne descendois point plustost dans les enfers, tous mes pechez se representans à ma memoire, mais ie prenois vn sigrand plaisir qu'ils s'en alloient tous s'effacer en vn moment, que ie ne sçaurois l'expliquer, ie m'estonnois comme Dieu m'auoit tant attendu pour me faire tant de biens tout en vn coup. Tout aussi-tost qu'on eut verse les eaux Sacrées sur ma teste, mon cœur se sentit tout change. En effect il est tout autre qu'il n'estoit: car depuis ce temps-là il me semble qu'il n'attend pas que le peché vienne iusques à luy dans les occasions de mal faire: mais vous diriez qu'il sort hors de moy pour aller au deuant des choses mauuailes, pour les repousser & les essoigner auec vne tel-

Relation de la Nouvelle France, 98 le force, qu'il m'est aduis que cen'est pas moy qui resiste. Il me semble aussi que ie suis deuenu commesourd & aueugle, car ie ne prend point garde à ce qui se passe deuant moy. Hier il se fit vn grand bruit dans nostre cabane; les enfans faisoient vntel tintamarre que tous mes gens s'en fâcherent, & se mirent à crier & faire plus de bruit que les enfans mesmes, ie ne prenois point garde à tout cela, si on ne m'en eut aduerty, si bien qu'il me vint vne pensée si ie ne deuenois point sourd, mais ie m'aperceu bien que mon cœur me parloit si fort que ie n'escoutois point les creatures. Magnus Dominus & magnitudinis eius non est finis. O que Dieu est grand, & qu'il est bon; si les sauuages pouuoient tirer ces pensées & ses sentimens d'vn autre endroit que du Liure viuant qui est Iesus-Christ, ie douterois s'ils disent vray, mais ils n'ont ny liure imprimé ny escrit à la main, & quand ils en auroient, ils n'y cognoissent rien, ils n'ont commercé auec aucun homme de la terre qui leur puissent donner ces pensées; c'est ce qui me fait dire que cette diuine source de lumiere & d'amour verse par soy mesme, ou par le ministere des bons Anges, ces sainctes

penses, & ses doux sentimens dans des cœurs iadis remplis de barbarie, & main-

tenant possedez de Dieu.

Pour la Communion, comme on commença de l'instruire sur ce mystere vray. ment adorable, il s'écria tout remply d'étonemet, ô Sauuages, serez vous tousiours des chiens; n'aurez-vous iamais d'autre nourriture que celles des chiens : Et comme on luy recommandoit de ne point declarer cette doctrine à ces compatriotes, qui n'ont pas encor la Foy: Non, non, fit-il, ne craignez point, ielçay bien qu'ils ne sont pas tous capables de ce que vous m'enseignez: C'est pourquoy ie ne leur dy rien que ce qu'il faut dire à des fols pour les guerir de leur maladie. Cette responce non attendue nous fit rire, car il la donnoit auec assez de grace & de candeur. Comme il voulut s'approcher de cette table, Monsieur Gand le Parrain le conduisant, Dieu luy donna vn grand sentiment d'humilité, il me sembloit, disoit il, que ie n'estois qu'vne pauure petite puce, & ie m'estonnois qu'vn si grand Capitaine voulut entrer dans le cœur d'vn si petit animal, ie ressentois neatmoins yn si grand desir de m'approcher de luy que le ne le

Gij

100 Relation de la Nouvelle France, sçaurois declarer. Il apportoit cette comparaison, si on retenoit long-temps vn homme dans vn pais estranger esloigné de ses parens & de ses amis, si apres auoir esté bien tourmenté, il trouvoit moyen d'euader & de retourner en sa patrie, auec quelle affection s'y porteroit-il, de quel doux plaisir ne jouiroit-il pas à la veue de ses parens & de ses amis? Voila comme estoit mon ame, il me sembloit qu'elle sortoit d'vne rude captiuité, & qu'elle courroit de toutes ses forces après celuy qu'elle alloit receuoir, & nonobstant toute son ardeur, il luy sembloit qu'on la pressoit encor interieurement de s'approcher de luy quand elle l'eutreceu, elle se trouua contente & satisfaite comme vne personne qui n'a plus rien à souhaitter. Regi saculorum immortali soli Deo honor & gloria, amen. Que le Dieu des Dieuxsoit à iamais beny. Ie ne m'attendois pas de voir le reste de mes iours des effets si puissans de sa grace dans le cœur d'vn barbare. Toutes les peines qu'on a prises, toutes les despenses qu'on à faites pour le salut des Sauuages, sont plus que sussificamment payez par la conversion de ce seul homme. Passons outre. Depuis son Baptesme, il a mené vne

vie conforme à ces graces, en voicy quelques preuues. Les Algonquins de l'Isle qui sont ses compatriotes, estans descendus en grand nombre aux trois Riuieres, il se mit à les instruire aucc vne telle ardeur que ses gens le tindrent suspect, si bien que quelques-vns le soupçonnerent de s'allier aucc nous pour les faire mourir. Ils espioient toutes ses actions, prenoient garde où il alloir, ne l'abordant qu'en crainte, comme on feroit vn Negromantien. On ne l'inuitoit plus aux festins comme vn tres-meschant homme dont ils se déficient, c'est vn deshonneur estans parmy eux que d'estre exclus de ces banquets, mais il ne s'en mettoit guiere en peine; bref ie cognoissois l'amour ou l'auersion que quelqu'vn auoit de nostre creace par le bon ou mauuais visage qu'on luy portoit, ayant cette consolation la plus douce qu'vn homme puisse auoir en ce monde de se voir aymé ou hay pour lesus. Christ. En fin les faux bruits que le Diable semoit contre la Doctrine de Iesus Christ se dissipans, ceux qui auoient quelque desir de leur salut l'escoutoient volontiers. Il preschoit auec vne liberté vrayment apostolique, reprenoit hardiment

102 Relation de la Nouvelle France, les vices deuant les plus apparens & les

plus orgueilleux de sa nation.

Qui pensons nous estre, disoit-il vn iour, voulez vous que le vous declare qu'elle est vostre grandeur? Il prenoit vn pois chiche en sa main, & le tenant suspendu sur vn grand brasier, il s'escrioit; voila ce que nous sommes entre les mains de Dieu. Si ce pois que le tiens de mes deux doigts s'en orgueillissoit, s'il estoit capable de receuoir mon commandement, & qu'il me refusalt obeissance, s'il me disoit qu'il n'a que faire de moy qui le soustiens au dessus de ce seu, ne meriteroit-il pas que ie le laissasse tomber dans ce brasier. Voila ce que nous deuons attendre de la main de Dieu qui nous soustient & qui nous conserue, si nous refusons d'embrasser la Foy & d'obeyr à ses volontez.

Il travailloit sour & nuict pour la conuersion de ces pauures gens, il agissoit, & aupres de Dieu, & aupres de nous, & aupres d'eux. Il faisoir des oraisons pleines de larmes, s'en alloit dans le fond du bois, & là prenoit vn chastiment surson corps auec des ronces pour attirer la misericorde de Dieu, & appaiser sa colere contre son peuple.

Il nous venoit auertir de ceux qui estoiét mieux disposez, & nous donnoit aduis comme il se falloit comporter enleur endroit. Helas, leur disoit-il, par fois s'il ne tenoit qu'à donner ma vie pour vostre salut, que ie le ferois volontiers; Quand il vit que la necessité les contraignit de s'esloigner de nous, les Nauires tardans trop à venir, il s'écrioit auec vn grand sentiment: Il me semble qu'on m'arrache les entrailles, faut-il que tant d'ames se perdent faute de secours, le Diable qui ne les à pas creés sera-il tousiours leur maistre? Les Hiroquois leur ennemis leur venans faire la guerre, il dit au Pere qui l'auoit particulierement instruit aux trois Riuieres, qu'il falloit faire paroistre que ceux qui estoient baptisez n'estoient point poltrons, que Dieu leur donnoit du courage. Il se confessa, puis alla recognoistre l'ennemy l'approchant de si pres qui luy eut peu parler. Iamais on ne le vit troublé, ny iamais saisi de crainte, il leur reprocha par apres que le peu de côfiance qu'ils auoient eu en Dieu les auoit perdu.

Les Sauuages sont fortliberaux les vns enuers les autres, mais ils font leurs presens à leurs parens ou à leurs amis, ou à Relation de la Nouvelle France, ceux dont ils esperent le reciproque. Nostre Neophyte ayant fait quelque bonne chasse, ou quelque bonne pesche, partage les malades & les pauures necessiteux

tous les premiers.

Il avoit vne sœur qu'il aymoit vniquement, il taschoit de luy procurer le Baptesme, mais deuant que ce bonheur luy arrivast elle mourut, s'estant essoignée du lieu où elle peut receuoir ce Sacrement; cela le troubla fort notamment de ce qu'elle estoit morte deuant que ses pechez luy fussent pardonnez. Comme il cstoit dans cette angoisse, il s'approcha de la Communion, & sortant de la table, il eut cette pensée, si ma sœur est damnée ce n'est pas la faute de Dieu, car il est tout bon, & n'a pas manqué de luy donner les moyens necessaires pour se sauuer, c'est donc elle qui a failly de son costé: or puis qu'elle a resusé l'amitié de Dieu, ie nela veux plus aymer, car ie ne veux point auoir d'autres amis que les amis de Dieu; ie suis de son party. Depuis ce temps il perdit entierement la memoire de cette sœur qu'il auoit tant cherie.

Quelque iour apres cette mort, vn Sauuage son beau frere l'abordant luy fit beau-

en l'année 1639. coup de reproches de ce qu'à son dire il ne luy faisoit point part des meubles de sa sœur, dont il pensoit qu'il fut saisi: Tu dis, luy faisoit-il, que tu crois en Dieu, & cependant tu commets vne espece d'auarice ou de larcin, retenant pourtoy seul ce qu'auoit ta sœur, si tu croyois comme tule dis, tune comettrois pas ces actions. Ignace entendant ce discours, & plusieurs autres iniures & reproches que cet homme luy sit, repartit en cette sorte sans se troubler; Tu dis que ie croy en Dieu, tu le dis auec reproche, mais ie croy auec verité, & si ie n'y croyois pas, ie te ferois bien ressentir les iniures que tu me donne, mais ie t'asseure que mon cœur n'est point alteré, qu'il ne te veut aucun mal, & qu'il souffre auec plaisir tous ces reproches que tu m'as fait; il y a quelque temps que ie n'aurois pas enduré tes iniures, pour le present iete donne parole que non seulement ie ne te veux aucun mal, mais que ie prieray Dieu pour toy, & que dans les occasions iete feray tout le plaisir qui me sera possible. Quand est du bagage de ma sœur, ie ne 'ay pas, sçache où elle l'a mis en depost, & l'emporte, i'aymerois mieux perdretout ce que i'ay, que de te voir offenser celuy qui à tout fait. Il disoit par fois au Pere qui l'ainstruit plus particulie-rement. Mortisse moy en public deuant les autres, asin que ceux qui veulent estre baptisez se persuadent qu'il faut exercer la vertu quand on est enfant de Dieu. Voila de grands esfets de la grace. Que Dieu soit beny à iamais des hommes, & des Anges, des Schytes & des Barbares, aussi bien que des Grecs. Ainsi soit-il.



CHAPITRE VII.

De la Conuersion d'un Capitaine, & de toute sa Famille.

I L y a de deux sortes de Capitaines par-I my les Sauuages, les vns le sont par droit denaissance, les autres par élection. Ces peuples ne sont point si barbares qu'ils ne portent du respect aux descendans de leurs Chefs, sibien que si le fils d'vn Capitaine a quelque conduite, sur tout s'il a quelque eloquence naturelle, il tiendra la place de son peresans contredit. Celuy dont nous parlons, est Capitaine d'extraction, il est d'vn bon sens, homme de courage; mais comme il n'a pas le babil en main, aussi n'est-il pas dans la souueraine gloire des Capitaines; ces barbares font bien souuent plus d'état d'vn grand causeur que d'vn homme de bon sens; ils honorent neantmoins celuy-cy, & l'ont en estime, luy deferant beaucoup en leurs conseils. Nous auons tâché vn fort long-temps de le gagner à Dieu, mais il nous faisoit tousiours

108 Relation de la Nouvelle France, de la resistance. Vn Sauuage voyant vn iour que nous pressions fort ce Capitaine d'embrasser la Foy, nous dit parapres en particulier, si celuy là vous donne sa parole, tenez-vous asseurez qu'il croit, car il ne vous déguisera point sa pensée: en effect iamais il ne nousa donné grande esperance de sa conversion, iusques à ce que Dieu l'acontraint dese rendre. Nous l'auions destiné pour estre le fondement & la base de la reduction de sainct loseph, croyans qu'il s'arresteroit en la maison qu'on y faisoit bastir: Nous luy promettions du secours pour l'aider à défricher la terre; il nous prestoitassez l'oreille, écoutoit volontiers, notamment ce qui concerne l'autre vie, mais il n'auoit point de paroles pour nous répondre: En fin nous luy auons demandé depuis son Baptesme d'où venoit qu'il faisoit tant le retif; peut estre, luy dissons-nous, que tu croyois que nous estions des menteurs, non pas cela, répondit-il, ie n'ay point douté de vos paroles ny de vos promesses; mais ie vous diray franchement, que le craignois que mes gens me tinssent pour François; c'est pour quoy ie ne voulois point quitter les saçons de saire de ma Nation pour embrasser les vostres, quoy que

en l'année 1 6 3 9. 109

ie les iugeasse meilleures. Ie ne laissois point de croire dans mon ame ce que vous enseigniez de celuy qui a tout sait. Il faut auouer qu'il a donné souuent des preuues de sa foy. Deuant qu'il fust Chrestien, ilapportoit luy-mesme ses enfans en la Chappelle pour estre baptisez; que s'ils estoient trop malades, il nous appelloit en sa cabane, ila procuré le mesme bien à l'vne de ses femmes, car il en auoit deux: Il a veu iusques à quatre deses enfans mourir Chrestiens deuant ses yeux: Il entendoit les blasphemes deses Compatriotes contre ces caux sacrées, leur attribuans la cause de leur mort; & nonobstant tout cela, pas vn des siens n'est passé en l'autre vie sans estre laue du Sang de les vs - Christ. Vne sienne fille aagée d'enuiron dix-huict à vingt ans, pressee d'vne forte maladie qui luy arrachoitla vie par violence, ne vouloit en aucune façon ouir parler du Baptelme, s'imaginant que ceste medecinesacrée de nos ames n'ayant point guery les corps de ses freres, luy seroit fatale & nuisible; son pauure perclavoyant en danger de mort, la pressoit fort de la receuoir, quoy qu'il ne la demandast point pour soy-mesme: Ne crains point, ma fille, luy disoit-il, ce n'est

Relation de la Nouu. France, pas l'eau qu'on te versera sur la teste qui te fera mourir, en voila tant qui sont réchappez apres le Baptesme ; c'est pour le bien de ton ame qu'onte veut baptiser, & non pour abbreger tes iours; & comme elle sembloit vn peu condescendre à ces paroles, il nous pressoit de la baptiser au plustost. En fin nous luy dismes que quand on la baptiseroit cent fois pour vn iour, ces eaux sainctes ne luy seruiroient de rien, si elle ne croyoit en son cœur, & si elle n'auoit regret d'auoir offensé Dieu, qu'au reste elle n'en donnoit aucune marque. Ce pauure homme entendant cela, la pressa tant, & la catechisa si bien, qu'à la parsin elle nous donna de suffisans indices de sabonne disposition, on la sit Chrestienne; & peu de temps apres, elle mourut. Or comme la maladie continuoit ses rauages, nous vismes toute la cabane de ce pauure Capitaine dans l'affliction; nous baptizalmes pour vn iour treize personnes de ses parents & alliez; & comme il se trouuoit mal aussi bien que les autres, en fin il se resolut de prendre pour soy ce qu'il auoit procuré pour tant d'autres; il se nommoit en sa Langue Etinechkavat, & le nom de Ican Baptiste luy sut donné au Baptesnie. Ayant traisné fort longtemps dans sa maladie, Nostre Seigneur luy rendit la santé; il l'en vint remercier dans la Chappelle de Kebec, si tost qu'il pût marcher; mais il ne tarda pas longtemps sans estre éprouvé: Fili accedens ad seruitutem Dei sta in iustitia & imore, & prapara animam tuam ad tentationem: Ces paroles du Sage se verifient tous les iours deuant nos yeux. Ce Neophyte n'auoit plus que trois enfans, c'estoient trois filles; Ivnemariée, l'autre aagée d'enuiron trois ans, & l'autre d'vn an: La plus aagée est morte sans enfans en la fleur de son aage; son pauure pere la voyant trépassée, nous a renuoyé son corps de quarante lieuës loing pour estre mis au cimetiere des Chrestiens. Il nous donna celle qui n'auoit que trois ans pour estre éleuée chez quelque Famille Françoise; & afin qu'elle ne s'ennuyast pas, il luy donna pour compagne vne autre petite fille sa parente, dont Monsieur Gand, vray pere des pauures, prit le soin payant sa pension, comme nous faisons de ceux que nous tenons chez quelques Familles. Dieu a pris pour soy la fille de ce Capitaine, & a laissé l'autre; si bien qu'il neluy reste plus qu'vn enfant qui est encor à la manmelle d'yngrand nombre que Dieuluy auoit don-

Srannois Jo

né: Au bout du compte toutes ces afflictions ne l'ont point ébranlé. Le Pere qui residoit à Sillery, où s'est fait la Reduction des Sauuages, entrant vn iour dans sa cabane, le treuua tenant & baisant vn petit Crucisix qu'on luy auoit donné; voyant le Pere, il luy dit: Nikanis, i'ay recours en mes afflictions à celuy qui est mort pour moy; sois asseure que ie croy en luy du fond de mon cœur; ie ne vous ay point menty quand ie vous ay donné parole que ie ne

quitterois point la Foy.

Quelques Sauuages venus de Tadoussac logez dans sa cabane, n'auoient guere d'inclination à nostre creance, se gaussant quand on en vouloit-parler; luy, pour leur imposer silence, dit tout haut qu'il croioit en Dieu, & qu'il le vouloit prier, inuitant le Pere qui se trouualà de l'instruire, & de le venir voir tous les iours pour le mesme subiect; le Pere prenant donc la parole, demanda à ses nouueaux hostes, pourquoy Dieu auoit creé le Soleil, pourquoy il auoit formé les animaux: Ces grands causeurs en matiere de badineries n'eurent point de réponse à ces interrogations; nostre Neophyteles voyant muets, prit la parole, & discourut fort bien de la Creation du monde, comme Dieu auoit

en l'année 1639. auoît fait le Soleil pour nous éclairer, les animaux pour nous nourrir, pensant à nous comme vn bon pere pense à ses enfans. Son discours nous fit cognoistre que la Foys'enracinoit tous les iours de plus en plus dedans son cœur. Il tient aucc soy vne sienne parente baptisée à l'extremité. Ceste femme estant retournée en santé ne se soucioit guiere de son ame, quand on luy parloit des Sacrements elle se gaussoit, la Confession luy servant de risée; Nostre Neophyte la reprit luy imposant silence pour vn temps, mais il ne luy changea pas le cœur; elle perseueroit tousiours dans ses railleries, se riant notamment du Sacrement de Penitence: En fin elle sut surprise tout en vn coup d'vn catarre qui luy ferma quasi le conduit de la respiration, & luy osta la parole; ayant perdu la langue, Dieu luy ouurit les oreilles. Le Pere qui l'instruisoit l'allant visiter, l'épouuenta: En sin te voila prise à la gorge, c'est à ce coup que le Diable te veut empécher tout de bon de te confesser, tu as refusé de le faire estant en santé, peut estre ne le pourras tu plus faire estant malade. Ceste pauure semme touchée de Dieu, sit signe qu'elle desiroit décharger sa conscience, & tout sur l'heu114 Relation de la Nouvelle France,

re, & dans sa cabane, le Pere luy donna les signes qu'elle deuoit faire aux interrogations qu'il luy seroit. Comme elle auoit fort bon sugement, non seulement elle les gardoit, mais elle s'esforça en telle sorte qu'elle recouura vn petit la parole; bref, ayant purisié son cœur, Dieu l'a remit en santé; elle se comporte maintenant comme vne personne qui croit en Dieu, & qui a vo-

lonté de luy obeir.

Le Gendre de nostre Neophyte auoit bien de plus grandes dispositions à la Foy que ceste femme: Cé bon homme retournant des bois pour se confesser, le Pere auquel il s'adressa luy demandant s'il ne prioit pas Dieu en sa cabane: Non, dit-il, ie ne le prie pas, pource que ie ne sçay pas encore ce qu'il luy faut dire; mais ne pense-tu pas quelquesois en luy, repliqua le Pere: Ah, Nikanis, répondit-il, i'y pense incessamment, i'ay assez de regret de ce que ie ne scay pas ce qu'il faut dire. En quelque lieu que l'aille, ie pense toussours qu'il me voit; i'espere tousiours en luy, mon cœur veut toussours parler à luy, maisil ne sçait pas ce qu'il luy faut dire. Le Perefut bien consoévoyant que ce bonhomme faisoit oraisos ans le cog noistre

en l'année 1639.

La derniere personne de la Famille de nostre Neophyte, qui a esté baptisée, c'est sa femme, laquelle est bonace & simple, se laissant conduire aisément au bien; plaise à nostre Seigneur répandre sur elle sa saincte benediction, & sur son mary, & sur tous

ceux de sa cabane ou maison.

Quelques Sauuages ont voulu persuader à ce braue Capitaine de prendre vne seconde femme, à quoy il sembloit quasi obligé selon les loix ou les coûtumes de sa Nation; la femme mesme l'en a sollicité, & cela luy est acriué par deux fois à l'occasion de deux femmes qu'on luy a voulu donner en diuers temps: mais il répondit en ces termes: Vous venez trop tard, i'ay donné ma parole à Dieu, ie ne sçaurois plus m'en dedire: Ie luy veux obeit; ie luy ay dit; ie t'obeiray, ie le veux faire. Quiconque a cognoissance de la liberté des Sauuages, & le besoin qu'ils ont de plusieurs femmes pour leur ménage, dira que la grace est bien forte qui renuerse les coûtumes du pais, brideles loix de la chair, & conibat le propre interest.

CHAPITRE VIII.

De la Conuersion & du baptesme d'vn Sorcier.

'Ay ditsouuent qu'on donnoit icy le norm desorcier à certains Iongleurs ou charlatans qui se mélent de chanter, & desouffler Ies malades, de consulter les Diables, & de tuer les hommes par leurs sorts. Ie me persuade qu'en effect il y en a quelqu'vn entre eux qui a communication auec les Demons; mais la pluspart ne sont que des trompeurs, exerçans leurs iongleries pour tirer quelques presens des pauures malades, & pour se rendre recommandables, ou pour se faire craindre. Celuy dont ie vay parler estoit de ceste cathegorie, il estoit redouté deses gens, & tenu pour vn méchant homme; i'en ay souuent parlé és Relations precedentes, car nous auons eu quelques prises auec luy en la presence de ses Compatriotes; mais comme son art estoit fondé sur le mensonge, & que nous estions apen l'année 1639.

117

puyez sur la verité, nous le battismes si rudement, qu'il se rendit. Il nous venoit trouuer en particulier pour se faire instruire; mous croyons au commencement qu'il n'auoit pas tant de desir de nous auoir pour amis, qu'il craignoit de nous auoir pour ennemis; mais Dieu qui est le Maistre des cœurs le touchoit interieurement, & le disposoit à vn bien qui surpasse nostre cognoissance: Nous quittant pour aller à la guerre, il nous asseura qu'il auroit recours à Dieu, & qu'il croyoit en luy sans feintise; il cognut bien que nous prenions ses paroles comme yn compliment de Sauuage, qui ne fait pasdifficulté de mentir; C'est pour quoy se trouuant par aprés dans les difficultez, & s'adressant à Dieu, illuy disoit: Les Peresne pensent pas que l'aye recours à toy, & que ie te prie, mais ils sont trompez; ne laisse pas pourtant de me secourir. Or comme pluseurs choses luy sont arrivées l'espace de deux ans qu'il a poursuiuy son Baptesme, l'en rapporteray succincrement vne partie: Voicy ce qu'il nous a raconté.

Comme nous vous eusmes quitté pour aller à la guerre, ie dy à mes camarades surle soir qu'il falloit faire les prieres qu'on-

H iij

118 Relation de la Nouvelle France, nous auoit enseigné; ils se mocquerent de moy; ce qui fut cause que iene priois Dieu qu'en mon cœur. Quand nous fusmes arriuez au pais de nos ennemis, nous estans ictteztropauant, nous nous vismes en vninstant inuestis de tous costez; alors ie sis lesigne de la Croix, & dis à Dieu: Tu es toutpuissant, secoure moy, tu le peus faire : le combat s'anima tout à coup, les fléches voloient par l'air comme la gresse tombe sur la terre, elles passoient à l'entour de moy comme la foudre sans me toucher, ie voyois tomber mes camarades à mes pieds; les vns tuez les autres blessez, sans que ie receusse aucun dommage: en fin trouuant iour au trauers de l'ennemy, ie me sauue auec quelques-vns de mes gens, & comme nous estions poursuiuis nous allions comme la tempeste; ceux qui m'accompagnoient, me disoient souuent qu'ils n'en pouuoient plus; pour moy leuant souvent mon cœur à Dieu, il me semble qu'il me fortifioit en sorte, que ie ne senty iamais aucune debilité, ny pour la faim, ny pour le trauail que nous endurions; estans arriuez au lieu où nous auions laissé nos canots, nous n'auions rien du tout à manger; ic dy derechef à ceux qui estoient restez auec moy,

qu'il se falloit adresser à Dieu; mais ils n'en tindrent conte. Ie ne laissay pas de l'inuoquer, luy presentant ceste priere: Toy qui as fait les oyseaux, i'en ay besoin, tu m'en peus donner situveux; si tu ne veux pas, il n'importe; ie ne laisseray pas de croire en toy. Ayant dit cela, ie fay le signe de la Croix, & me iette dans vne Isle pour chasser; ie n'allay pas bien loing que ie rencontray vne vache sauuage; ie la faissaillir à l'eau où nous la tuasmes; la voyant morte, ie remerciay celuy qui nous l'auoit donnée; & mes gens surent contraints de confesser que ce present venoit de sabonté.

Apres nous estre vn petit rafraichis, nous poursuiuismes nostre chemin, arriuez que nous sus sus grand sleuue, nous descendismes dans les Isles du Lac, où nous trou-uasmes quelques Sauuages pressez de la saim; nos gens leur dirent qu'ayant fait ma priere à Dieu, il nous auoit donné à manger, ils me presserent fort de le prier pour eux, voyans leur necessité & la nostre; car nous auions dessa consommé ce qui nous restoit de chair de ceste vache sauuage. Ie luy dis ces paroles: Ces gens sont à toy; car tu as sait tous les hommes; ils ont saim,

H iiij

120 Relation de la Nouvelle France, & nous aussi; donne nous à manger si tu veux; tu peus tout, si tu as de bonnes pensées pour nous, nous en trouuerons; sinon, nous n'en trouverons point, mais il n'importe, quand tu ne m'en voudrois point donner, ie ne laisserois pas de croire en toy: Ma priere finie, ie m'en vay chasser, ie ne trouuay rien, ie pensois à part moy, il ne m'en veut pas donner, mais il n'importe : C'est luy qui est le Maistre. Comme ie remontois dans mon canot, ie veisiene sçay quoy flotter sur la riuiere, ie pensois au commencement que ce fust vn bois, mais voyant qu'il couppoit le fil de l'eau, ie le poursuiuy; ie trouuay que c'estoit vn cerf qui trauersoit d'vne Isle en vne autre: nous le milines bien-tost à mort, auec l'étonnement de mes gens qui en firent curée auec moy.

Au partir de là, ie me retiray vers les Algonquins, où la contagion commençoit desia. Or comme ie vous auois frequenté, on me demandoit souvent quelle estoit vostre creance, leur exposant ce que vous m'auiez enseigné de l'autre vie : ils se mocquoient de moy,

s'estonnans que ie fusse si hebeté de croire des choses si éloignées des sens. Si ces Peres nous disoient, faisoient ils, croyez en Dieu, & vous viurez long temps en terre; vous ne serez point malades, vo aurez tous les cheueux gris deuant que de mourir; cette doctrineseroit bonne, tout le monde les croiroit, mais ils parlent d'une autre vie, & nous font perdre celle que nous viuons çà bas par leurs prieres. Voila ce qui ne vaut rien: Et toy-mesme, me disoient-ils, tu mourras bien-tost, puis que tu leur veux croire. le disois à part moy entendant ces discours, ie ne pense pas que Dieu qui est si bon, me tue pour croire en luy, & pour luy vouloir obeyr: en effectil m'a conserué, & tous ecux qui parloient contre luy sont morts. La maladie nous pressa si fort, qu'on laissoit les corps des Trépassezsans sepulture; on ne les osoit aborder, & moy ie les enseuelissois & enterrois sans rien craindre, priant Dieu qu'il me conservast ce qu'il a fait. Voila ce que ce Neophyte nous racontoit.

Quittant le pays des Algonquins, il s'en vint aux trois Riuieres, se presente à nos Peres pour estre instruit, ils le rebuterent au commencement comme vn sorcier qu'ils

Relation de la Nouvelle France croyoient trop attaché à ses badineries, mais sa perseuerance l'emporta; on l'instruit en particulier, & Dieu l'éprouue en public; sa femme & ses enfans, & son frere, meurent de peste, il seur procure à tous le Baptesme sans s'ébranser.

Vn Capitaine le fait prier de souffler vn malade, luy offrant vn grand collier de porcelaine, il renuoye le present, & dit tout haut en public que son art de sorcier est vn art de trompeur, qu'il a abusé autrefois ses Compatriotes, & qu'il ne le veut plus faire.

Comme il se voyoit molesté de ses gens aux trois Riuieres, il descendit à Kebec, où il sit des merueilles au commencement; mais en sin les semmes qui ont depraué le cœur de Salomon le penserent perdre; il en voulut épouser vne à laquelle vn autre pretendoit, ilse laisse emporter au ieu: bres il nous donna vn tel mécontentement, que nous le chassasmes de la maison où nous l'a-uions logé, & luy sismes quitter l'habit à la françoise qu'il portoit. Comme il se veit traité de la sorte, il ouure les yeux, & parle au Pere qui l'enuoyoit en cette sorte. En me chassant de cette maison, me fermez vous la porte de l'Eglise; resusez vous de m'in-

struire? Le Pere luy repliquant qu'on ne laisseroit pas de l'enseigner s'il vouloit obeir: il s'écria; Voila qui va bien, ie ne craignois que ce poinct, pour vostre maison & vostre secours, & vos habits, c'est dequoy ie ne me mets pas en peine, dit-il, ie pourray viure sans cela; mais i'auois grand peur que vous resusssiez de m'enseigner le chemin du Ciel: Ie voy bien que ie fais mal, mais ie ne veux pas perseuerer dans mon peché.

Comme nous crions certain iour contre leur façon de faire, il nous dit; Escoutez-moy à vostre tour, ie veux parler; si vous n'a-uiez non plus la connoissance des Escritures que nous autres, si Dieu ne vous auoit pas enseigné dauantage; si vos ancestres no vous auoiét laissez que le ventre & la guerre comme à nous, peut-estre ne seriez vous

pas plus gens de bien que nous.

Vne autrefois vn des Peres qui l'auoit enseigné passant auprés de luy sans luy rien dire, comme en le méprisant pour auoir perdu sa ferueur, il l'arresta tout court, & luy dit d'vne voix haute; Qui pense-tu que soit Pigarsich? (c'est ainsi qu'il se nommoit deuant son baptesme) c'est vn gros arbre fortement enraciné dans la terre, crois-tu

124 Relation de la Nouvelle France, le ietter à bas tout d'vn coup? Donne, donne de grands coups de hache, & continue long-temps, & en fin tule renuerseras; il a enuie de tomber, mais il ne peut, ses racines, c'est à dire, ses meschantes habitudes, le retiennent malgré qu'il en ait; Ne perds

pas courage, tu en viendras à bout.

Au mesme temps que nous le rebutions, il fut sollicité de retourner à ses iongleries; on luy sit des presents, on luy promit que le tout se feroit en secret, cependant quoy il cut vne grande disette des choses qu'on luy presentoit', iamais neantmoins on ne lesvoulutaccepter, ny reprendre son tambour. En fin nous n'auons pas reconnu qu'il air perdu la foy nonobstant ses débauches ou ses libertez: Il prioit Dieutous les jours soir & matin en sa Cabane, & par tout où il se trouuoit-il publioit nostre creance sans craindre ses compatriores. Le respect humain qui fait icy bien du mal, aussi bié qu'en France, ne l'empêche guiere de dire ce qu'ib pense; C'est vn esprit prompt, hardy, que la crainte de l'enfer a retenu dans quelque deuoir-depuis que la Foy s'est emparée de son ame: Or comme il voyoit que nous le renuoyons de temps en temps pour son baptelme, il nous a fort presiez., & par

de bonnes raisons. Puis que vous enseignez, disoit-il, que Dieu fait misericorde, & esface les pechez de ceux qui croiét en luy, & qui sont baptisez, pour quoy me refulez vous le baptesme, moy qui tesmoigne publiquemet le regret que l'ayde l'auoir offésé? Si vous hayssez mes malices baptisez-moy, & elles seront esfacées, & vous n'aurez plus dequoy hair en moy. l'ay commis plusseurs pechez que ie n'aurois pas commis si vous m'eussiez baptisé, car i'ay toussours eu cette resolution si iamais iele pouuois estre, que ie respecterois mon haptelme, mais ne l'estant pas, ie suis comme vn chien, c'est pourquoy iemelaisse aller à mes passions, auec regret neantmoins. Nous le reprismes vne fois publiquement d'vne faute qu'il faisoit en nostre presence, luy sans s'estonner nous dit deuant tous ses gens. le ne croyois pas que cette action fut mauuaise, mais puis qu'elle l'est, i'ay regret de l'auoir commis, & iamais plusil ne m'aduiendra de la commettre. Et puis il nous vint trouuer en particulier pour sçauoir la raison pourquoy nous condamnions cette action; luy ayant donné, il s'accusa soy; mesme, s'estonnant de sa bestise.

126 Relation de la Nouvelle France,

Le voyans vn certain iour tout pensif & affligé, nous luy demandalmes ce qu'il auoit; mon cœur est triste, respondit-il, car il me semble que Dieune nous ayme pas, puis qu'il nous commande des choses que nous ne sçaurions garder: il y a bien des pechez que ie ne crains point, mais il y en a qui me font peur. le ne crains point l'yurongnerie, ny les festins à manger, ny la consulte des Demons, ny nos chanteries, ny l'orgueil; ny le larcin, ny le meurtre, mais ie crains les femmes; Dieu nous commande de n'espouser qu'vne seule femme, & si elle nous quitte, de n'en point prendre d'autre; me me voila donc contraint d'estre seul, car nos femmes n'ont point d'esprit. De viure parmy nous sans femme, c'est viure sans secours, sans mesnage, & tousiours vagabond. Nous luy demandasmes s'il ne pensoit pas auoir assez de force auec la grace de Dieu, de ne point quitter sa femme au cas qu'il en eut espousé vne chrestienne: Ouy dea, repartit-il, car ie n'ay pas enuie de l'abandonner. Or luy filmes nous, si Dieu est assez puissant pour te donner la perseuerance au mariage aues vne seule femme, pourquoy ne en l'année 1639.

127

pourra-il pas donner la mesme sorce à vne femme si elle est chrestienne? Vous auez raiso, repliqua-il, ie ne perdray point courage, mon esperance est en luy, & quand mesme ie deurois est re seul le reste de mes

iours, la vie n'est pas longue.

Le temps destiné pour son Baptesme s'approchant, nous le sondasmes plus particulierement, nous luy dismes certain iour que s'il tomboit malade estant chrestien, qu'il s'imagineroit que nous luy auions causé cette maladie; il est vray, ditil, qu'on vous croit les autheurs de la contagion qui recommence, mais ie me ris de tout cela, vous n'estes pas des Dieux pour disposer dela vie des hommes. Tes gens te diuertiront de la Foy, luy dismes-nous, tu es inconstant, tune tiendras point serme. Il est bien vray que ie n'ay point d'est prit, respondit-il, mais quand tous les Sauuages me diroient, nous te tuërons si tu te fais baptiser, ie leur dirois, tuez moy, il n'importe, ie veux estre baptisé; puis que le grand Capitaine du Ciel le veut ainsi, ie luy veux obeyr, & non pas à vous autres qui n'auez ny force ny credit sur nos ames. Mais d'où vient, luy dismes-nous, que tu n'est pas aymé de tes Capitaines? 128 Relation de la Nouvelle France,

le n'en sçache qu'vn, respondit-il; qui me haisse, & celuy là me décrie aupres des autres, ila depit de ce que ie veux aller au Ciel, voyant bien qu'il ita en enfer s'il ne quitte ses semmes, ce qu'il ne fera iamais; il dit qu'il veut estre baptisé, mais si vous ne le baptisez auec deux semmes, il ne le sera de long-temps: Or comme il void que ie suis pour estre baptisé deuant luy, quoy que vous ayez commencé de l'instruire deuant moy, il me porte envie de ce que ie veux aller le premier en Paradis. Sa responce nous sit rire. Cen'est pas neantmoins la raison pour quoy il est moins aymé. Cela provient de ce qu'estant libre, & d'vne humeur hardie il paroist altier. Or les Sauuages ne sçauroient supporter en aucune façon ceux qui paroissent vouloir prendre quelque ascendant sur les autres, ils mettent toutela vertu en vne certaine douceur ou apathie, ne recognois sant quasi point de peché plus enorme que la colere.

En sin ce bon homme apres auoit frappé long-temps à la porte, sut admis au Sacrement de Baptesme, on luy sit porter le nom d'Estienne au sortir de ce bain Sacré, il nous dit; Il me semble que se suis

antre

autre que ie n'estois, que i'ay vne autre vie en moy, c'est tout de bon que ie veux obeir à Dieu. Nous luy filmes entendre qu'il estoit à propos qu'il tesmoignast à ses Compatriotes ses bonnes resolutions. le l'ay desia fait, repliqua-il, i'ay publié par tout que ie voulois quitter mes meschantes habitudes, & qu'on m'auoit appris que les eaux du Baptesme ne me seruiroient de rien, si iene voulois viure selon la Loy de Dieu & de son Eglise: mais ie leur diray encor vne fois puisque vous le desiz rez, ie leur feray festin, & declareray tout haut que ie suis enfant de Dieu, & que ie veux garder tout ce qui me sera commandé, renonçant à toutes nos sottises, & & foulant aux pieds toutes nos vieilles façons de faire. Dieu luy en face la grace.

Quelque temps apres son baptesme, nous l'auons marié en face de l'Eglise à vne veufue chrestienne. Les sainctes ceremonies que nous gardons en l'administration des Sacremens, suiuant l'ordre ou le Rituel Romain, rauissent & touchent ces bonnes gens. Luy & sa femme frequentent maintenant les Sacremens, i'espere que Dieuleur donnera sa saincte

CHAPITRE IX.

Du Seminaire des Sauuages.

Seminaires des Montagnais, des Algonquins, & des Hurons. Les Seminariftes sont de conditions bien differentes aussi bien que d'aages, les vns nous sont donnez pour tousiours, & nous les auons esseuez chez quelque familles, à cause de leur ieunesse; les autres demeuroient auec nous asin d'estre instruits en la Foy, & és vertus chrestiennes: les vns n'ont respiré que la liberté, les autres se sont receu le sainct Baptesme: Bres, ie puis dire que le Seminaire s'est veu dans la bonace & dans la tempeste, dans la prosperité & dans l'aduersité: Mais pour descendre en particulier.

Celuy des Hurons qui a reussi par excellence, estoit vn homme aagé d'enuiron cinquante ans, il n'y a point d'aage qui ne soit propre pour le Ciel, on a tant crié qu'il falloit auoir soin particulierement des ieunes plantes, qu'on ne deuoit esperer aucun en l'année 1639.

131 fruict des vieilles souches, & Dieu nous fait souuent cognoistre le contraire; Ce bon homme ayant ouy parler de Dieu en son pais, prit resolution de descedre à Kebec, & d'y passer vn hyuer, afin d'apprendre à le cognoistre. En chemin il rencontra Ioseph Tesatirhon qui sortoit du Seminaire, qui le confirma fortement dans son dessein, luy donnant vn chappelet pour marque de son amitié: Estant arrivé aux trois Rivieres, ilse presente pour estre receu, le voyant si aagé nous le rebutasmes, les Sauuages ne se font pas escoduire trois fois, s'ils n'ont vne grande passion d'obtenir ce qu'ils demandent; nous refusalmes celuy cy plus de quatre, & cependant iamais il ne perdit courage; il s'adressoit à nos François afin d'auoir entrée chez nous par leur moyen, mais le Perequi deuoit auoir charge de luy, le voulant conduire entierement, luy dit qu'il estoit trop aagé, & qu'il auoit l'esprit trop pesant pour retenir ce qu'on luy enseigneroit. De plus, qu'ayant cognoissance de la Riviere, ils'en pourroit enfuir, & desrober ce qu'il pourroit attraper en nostre maison, come d'autres auoient faict, & par consequent qu'il s'en retournât en son pais pour se faire

Relation de la Nouuelle France, instruire par nos Peres qui estoient là. A tout cela il repartit auec iugement: Il me semble, fit-il, que tu n'as pas raison de preferer des enfans à des hommes faits. Les ieunes gens ne sont point escoutez en nostre pays, quand ils diroient des merueilles, on ne les croiroit pas; mais les hommes parlent, ils ont l'esprit serme, on croit ce qu'ils disent, c'est pourquoy ie feray mieux mon raport de vostre doctrine estat deretour au pais, que non pas les enfans que tu techerche. Pour la crainte que tu as que ie ne m'enfuye, & que ie ne desrobe, ie laisseray des gages entre les mains des Fraçois qui vaudront bien ce que ie pourrois emporter, si ie voulois estre meschant. Quand est de me faire instruire en nostre bourgade, c'est chose penible pour les diuertissemens qui suruiennent, tant d'vn costé des affaires, que de la diversité des opinions, & des sentimes de mes Compatriotes, qui n'ont pas la mesme volonté que moy: c'est ce qui m'a fait resoudre de venir ç'a bas pour traiter auec vous en paix,& hors du bruit d'vne chose de si grande importace, si bien que i'ay resolu quand vous m'escoduiriez de chercher quelque François qui me reçoiue en sa maison, du moins

pour vn hyuer, afin qu'on m'enseigne ce que ie ne puis sçauoir de moy mesme. En effect, comme ce bon homme vit que nonobstant ses responces nous ne le voulions pas admettre au Seminaire, il s'allie d'vn françois qui le loge en sa maison, auec dessein d'aller tous les jours apprendre quelque chose de nostre creance chez vn truchement françois. Cependant nous attendions de iour à autre qu'il s'en iroit, estant homme desia âgé, & qu'il s'embarqueroit auec quelques-vns de ses compatriotes qu'il voyoit tous les iours arriver, & s'en retourner en leur pais, ayans leurs traites ou leurs marchandises. Mais enfin Dieu l'auoit choisi & escrit au Liure de se Es leuz. Comme nous vismes que ses gens ne l'ébransoient point, nous le receusmes, & fismes descendre à Kebec, où sans mentir il a fait paroistre vn naturel bien esloigné de tout ce qu'on conçoit d'vn Sauuage; il a aussi donné des indices d'vne grace si particuliere, qu'à peine l'aurions nous pû croire, si nous ne l'aujons veu de nos yeux. Il estoit doux, courtois, facile, prompt à faire plaisir à qui que ce fut, iamais oisif, il admiroit la beauté de nostre Foy: & voyat nos veritez si conformes à la raison, il les

134 Relation de la Nouvelle France, goûtoit auec plaisir, se voyant suffisam-ment instruit pour le Baptesme, il se demandoit auec vne affection si cordiale qu'on ne luy pût refuser. Nostre Seigneur nous donna vn beau sujet de recognoistre sa constance. Quinze ou seize Hurons de ses compatriotes se trouuans engagez das le commencement de l'hyuer parmy les François, & ne pouuant retourner en leur pais, demeurerent assez long temps proche du Seminaire, come la pluspart avoiét plustost des pensees de guerre, où ils vou-Joient encoraller, & d'où ils venoient, que dela paix Euangelique. Ils se mocquoient de nostre Neophyte, lequel leur donnoit de bons coleils, auec vne prudence & vne dexterité fort remarquable: Mais voyant que les paroles tomboient à terre, il s'elloignoit doucement de leur compagnie pour n'estre participant de leurs sottises. Ils luy reprochoiet qu'il n'estoit plus Huron, qu'il auoit renonce a son pais, mais ce bon Cathecumene ne se souciant guiere de leur blasme, leur respondoit doucement qu'il ne se despouilloit pas de l'amour de sanation, mais qu'il en quittoit les vices: Voicy comme en parle le Pere qui auoit soin du Seminaire Huron, il reprenoit ses compagnons de leurs fautes auec autant de ptudence qu'on auroit peu desirer. Vne sois
entr'autres, il me demanda deuant vnieune Seminariste son compagnon, si les enuieux & les menteurs n'alloient point en
enfer; luy ayant respondu que Dieu punissoit ces crimes selon leur demerite; il ne
sit que ietter les yeux sur ce ieune homme
lequel se sentit tellement repris de ce seul
regard, qu'il ne parut point de tout le reste
du iour dans la maison.

Iel'ay souuent entendu repeter durant la nuict ce que le luy auois enseigné pendant le iour. Il portoit vne telle affection à nostre Seigneur, que la pluspart de ses songes n'estoient que de luy, recherchant mesme en dormant les moyens de luy plaire. Il prenoit grand plaisir, dit le mesme Pere, d'assister au seruice Divin, il ieus noit deux fois la sepmaine en Caresme, deuant qu'il fut baptisé: & comme on luy eut accordé le Baptesme pour la veille de Pasques, il voulutieusnertoutelasepmaine Sainete, ie ienele pouuois quasi cotenter tant il auoit desir que le l'entretinsse des choses de son salut: En sin il sut fait chrestien, & nommé Pierre Ateïachias, & le iour d'apres son Baptesme, il communia auec de grands res136 Relation de la Nouvelle France, sentimens de ces augustes mysteres. Comme ie luy eu parlé des œuures de misericorde, il se mit en devoir de les pratiquer, si bien qu'il donnoit à quelques pauures le poisson mesme qu'on destinoit pour le disner de nos Seminaristes, & l'en ayant repris ne m'auez vous pas dit, faisoit-il, que c'estoit bien fait d'estre charitable, ne vous ay-ie pas veu vous mesmes faire de semblables aumosnes, pourquoy dont ne feray-iepoint ce qu'on m'enleigne Il prenoit par fois vne hache, & s'en alloit coupper du bois de chaufage pour quelques personnes necessiteuses, il secouroit tous ceux qu'il pouuoit, & auec vnetelle dem ostratio d'amour, que tout le model'aimoir.

Depuis son baptesme, il assistiottous les iours à la saincte Messe, recitoit deux fois le iour son chappelet, visitoit souuent le S. Sacrement de l'Autel: bref, il estoit dans de grandes resolutions d'estre à iamais sidelle à nostre Seigneur quand il nous sut rauy, par vn miserable accidét selon les hômes, & peut estre par vn trait dyn grand amour, & d'vne douce prouidence selon Dieu. Se disposant pour s'en aller en son pais, & choisir ceux qu'il iugeroit propres pour amener au Seminaire, vn coup de vent

en l'année 1639: 137 renuersa son canot; dans lequel il estoit auec vn ieune Algonquin: Celuy-cy se sauua à la nage, quittant aysément sa robe qu'il portoit volante à la façon des Sauuages, mais nostre pauure Neophyte estant vestu à la Françoise ne pût resister à la tempeste, si bien qu'il fut noyé dans le grand Fleuue qui a seruy de sepulchre à son corps: Pour son ame, ie ne puis quasi douter qu'elle ne soit au Ciel; car outre qu'il estoit nouuellement baptisé, & encore tout remply du sainct Esprit; vous eussiez dit que Dieu le disposoit à ceste mort; car vn peu deuant que de s'embarquer, le Pere le voulant faire déieuner pour ce qu'il auoit trauaillé; il le resusa; & comme le Pere le pressoit, il luy dit: l'ay pris resolution de ieusner auiourd'huy pour communier demain; ce qu'il sit: & peu de temps apres Nostre Seigneur l'appella à soy.

Venons à nos ieunes Montagnets & Algonquins: Ces ieunes enfans aagez de douze à quinze ans pour la plus part, nous ont appris deux belles veritez; l'yne, que si les animaux sont capables de discipline, beaucoup plus les ieunes enfas Sauuages: l'autre, que la seule education maque à ces pauures enfans, ayans l'esprit aussi bon que nos Eurogentages.

138 Relation de la Nouvelle France, peas; come on verra par ce que je vay dire.

Vn petit Asnonsauuage n'est pas né dans vne plus grande liberté qu'vn petit Canadien; ce pendant quand ces enfans se voyent dans vn seminaire, ils se rangent doucement aux petits exercices qu'on exige d'eux: Ils font leurs prieres à deux genoüils soir & matin; cinq d'entre eux estant baptisez assistoient tous les jours à la Messe: Quandils estoient au seminaire, deuant le Baptesme, ils ne l'entendent que iusques apres l'Euangile; ils seruent au Prestre à l'Autel auec autant de grace & de modestie, que s'ils auoient esté éleuez dans vne academie bien reglée. Ils se trouuent aux heures qu'on les instruit, s'entrayment les vns les autres; mais aussi leur faut-il donner la liberté de se recréer; & comme on ne les meine pas par la crainte, il faut prendre son temps pour les tanger par amour, à quoy ils sont assez prompts, demandans humblement congé à leur maistre quand ils se veulent vn peu éloigner du logis. Comme on fait le Catechisme aux petits François les iours de Dimanches ou le matin, ou bien apres Vespres, ils ont voulu estre de la partie; si bien qu'on expliquoit la doctime de les vs - Christ en deux Langues;

& nos Seminaristes, ialoux de Phonneur qu'on faisoit aux petits François, quand ils répondoient bien, leur voulurent tenir teste, demandans melme qu'on leur donnast par écrit quelque poinct du Catechilme, comme ils voyoient qu'on en donnoit aux autres pour l'apprendre pendant la semaine; & en tout cela ils reusissoient auccautant de grace & de gentillesse qu'aucun François, repondans aux questions qu'on leur faisoit auce vne petite grauité, & vne modestie qui gagnoit le cœur, & attiroit l'affection des spectateurs. Ils se confessoient assez souvent, & ceux qu'on iugeoit capables de la saincte Communion s'en approchoient auec preparation & respect.

La crainte du peché entroit profondement dans leurs ames; deux ou trois d'entre eux estant allez voir ces Hurons dont i'ay parlé cy-dessus, ils leurs presenterent ie ne sçay quel potage ou sagamite dans laquelle il y auoit de petits morceaux de chair. Or comme c'estoit vn iour auquel il n'estoit pas permis d'en manger, & que d'ailleurs c'est vne grande inciuilité parmy eux, & vne marque d'orgueil ou d'inimitié de resuser ce qu'on presente; ils prirent le bouillon détournant doucement les petits Meantmoins estans sortis de là, leur ame fut saisse d'vn scrupule, si bien qu'ils de manderent le soir au Pere qui auoit soin du Seminaire Montagnets & Algonquin, s'ils n'auoient pas offensé Dieu d'auoir mangé de ce boüillon; pour moy, disoit s'vn, ie n'ay point mangé de chair; l'autre disoit qu'il en auoit aualé vn petit morceau par mégarde; bref ils témoignerent que leur cœur n'estoit pas content de ceste action, & prirent resolution de ne plus frequenter ceux qui les pouuoient porter au mal.

Pour ce que ie disois de la bonté de leur esprit, i'entire la preuue des interrogations qu'ils faisoient à leur maistre: En voicy quelques vnes qu'il m'a donné par écrit. Ie confesse que ces enfanssont éueillez, & qu'ils font paroistre beaucoup d'esprit, mais ie n'eusse pas creu qu'ils cussent tant raisonné, notamment en niatiere de nostre creance. Escoutons seurs demandes: Vous nous dites que le Baptesme est absolument necessaire pour aller au Ciel, s'il se trouuoit yn homme si bon, que iamais il n'eut offensé Dieu, & qui mourut sans Baptesme, iroit il en Enfer, n'ayant donné aucune fâcherie à Dieu? s'il va en Enfer,

Dieu n'ayme pas tous les gens de bien, puis

qu'il iette celuy-là dans le feu.

Vous nous enseignez que Dieu cstoit auant la Creation du ciel & de laterre, s'il estoit, où se logeoit-il? puis qu'il n'estoit ni au ciel ni en la terre? Vous dites encore que les Anges ont esté crees au commencement du monde, & que ceux qui desobeirent surent iettez en Enser: d'ailleurs, vous mettez l'Enser dans le sond de laterre; cela ne se peut pas bien accorder; car si les Anges ont peché deuant la Creation de laterre, ils n'ont pû estre iettez en Enser, ou l'Ensern'est pas où vous le placez.

De plus vous asseurez que ceux qui vont en Enfer n'ensortent point, & ce pendant vous nous racontez des Histoires de quelques damnez qui ont paru au monde,

comment cela se peut-il entendre?

Ceux qui liront cecy en croiront ce qui leur plaira; mais il est vray que ces demandes ont esté faites par de ieunes Seminaristes Sauuages âgez de douze à quinzeans. Comme on leur expliquoit que les Diables n'auoient pas de corps, & que se voulant faire voir aux hommes, ils se couuroient de sigures dissormes; ils demanderent si quand ils paroissoient en forme d'hommes ou d'a significant en forme d'hommes en forme d'hommes en forme d'hommes en forme d'hommes et le significant en forme et l

142 Relation de la Nouvelle France, nimal, on ne les pouvoit point tuer: Ah! que les tuërois volontiers, disoit l'vn d'eux, puis qu'ils font tant de mal! Mais quand ils sont faits comme des hommes disoient-ils, & qu'ils viennent parmy les hommes, sentent-ils encore le seu d'Enfer? D'où vient qu'ils ne se repentent point d'auoir offensé Dieu? s'ils se repentoient, Dieu ne leur feroit-il pas misericorde? Si Nostre Seigneur a souffert pour tous les pecheurs, pourquoy ceux-là ne trouuent ils pas de pardon auprés de luy. Voilà encore vne autre question bien remarquable pour des enfans. Vous dires que la Vierge Mere de IESVS-CHRIST, n'est pas Dieu, & qu'elle n'a iamais offensé Dieu, & que son Fils a racheté tous les hommes, & payé pour tous; si elle n'a fait aucun mal, son Fils ne l'a pû racheter, ni payer pour elle? En verité toutes ces demandes m'étonnent, quand le les considere en la bouche d'vn enfant qu'on appelle Sauuage & barbare. Ie ne fay point mention des réponses que leur donnoit leur Directeur, tant pour n'estre trop long, que pour autant que ie ne pretends point parler icy directement de nos actions, mais de celles des Sauuages. Or comme nos Seminaristes viuoient dans vne douce tranquillité, sauançans de jour à autre en la cognoissance de Dieu, & en l'exercice des vertus proportionnées à leur aage, la maladie & la mort vindrent troubler nostre iove; I'vn d'eux traisna assez long-temps d'vne maladie fortlanguissante; ses compagnons l'auoient au commencement en auersion; mais comme on leur eut enseigné que Dieu prenoit plaisir aux actions de charité, ils le visitoient, luy portoient à manger, & si pour sa foiblesseil ne pouvoit pas faire la benediction devant son repas, ils la faisoient pour luy; en fin la mort l'enleua le cinquiéme de Mars: il fallut pour le mettre au sepulchre chercher la terre sous six pieds de neige, tant il en est tombé ceste année.

144 Relation de la Nouvelle France, ou six plus petits qui ont encor esté attaquez de catarres & de rhumes, tant il est difficile de faire subsister ces pauures Seminaristes hors de la maison ou des cabanes de leurs parens. Le Diable voit bien le fruict qu'on en peut esperer, c'est pour quoy il fait iou er tous les ressors de sa malice pour renuerser cestesaincte entreprise, il n'y perdra que

ses peines.

Outre ces enfans, nous secourons tousiours quelques Sauuages proches de nos habitations; ce pauure peuple est le vrayobiect de la misericorde, il a besoin d'estre puissanment aydé. La charité a des bras puissants, ie ne dy que deux mots à tous ceux qui s'en seruent: Date, & dabitur vobis, mensuram bonam, & confertam, & coagitatam, & superfluentem dabunt in sinum vestrum. Donnez d'vne main, & receuez de l'autre; les vs-Christ y est engagé, il verifiera ses paroles: Quiconque fera fructifier sa Croix, & son Sang, sera payé à bonne mesure.

CHAPITRE X.

De la creance des superstitions, & de quelques coustumes des Sauuages.

Es Relations des années precedentes estant remplies des façons de faire de nos Sauuages, ie ne pretends pas en parler icy plainement, mais bien coucher en peu de paroles ce que l'ay appris de nouueau sur cesuiet: que si i vse de quelques redites, c'est que i'ay perdu la memoire de ce que

i'ay récry par cy-deuant.

Premierement, pour ce qui touche leur creance, quelques-vns se figurent vn Paradis remply de blucts; ce sont petits fruicts bleus, dont les grains sont aussi gros que les plus gros grains de raisin. Ie n'en ay point veu en France, ils sont d'vn assez bon goust; c'est pour quoy les ames les aymét fort. D'autres disent que les ames ne font que dancer apres le depart de ceste vie; il y en a qui admettent la transmigration des esprits, comme faisoit Pythagore, & la pluspart s'imaginent que l'ame est stupide, ayant quitté le

146 Relation de la Nouvelle France corps; tous croyent pour l'ordinaire qu'elle est immortelle. Ils distinguent plusieurs ames dans vn même corps. Vn vieillard nous disoit il y a quelque temps que quelques Sauuages auoient iusqu'à deux &trois ames, que la sienne l'auoit quitté il y auoit plus de deux ans pour s'en aller auec ses parents defuncts, qu'il n'auoit plus que l'ame de son corps qui devoit descedre au tombeau auec luy. On cognoist par là, qu'ils s'imaginent quele corps a vne ame propre, que quelques-vns appellent l'ame de leur Nation,& qu'en outre il y en vient d'autres qu'ils le quittent plustost ou plus tardselon seur fantaisie. En effect, i en ay ouy quelques-vns qui asseuroient n'auoir point d'ames, ils entendoient parler de ces formes assistantes, dont ils se persuadent par fois qu'ils sont possedez, le Diable se seruant de leur fantaisie, & de leurs passions ou de leur melancolie, pour operer quelques effects qui leur parois. sent extraordinaires: Ils s'imaginent que cela prouient de la diuersité de leurs anies, s'ils cessent de songer, ou d'estre poussez de quelque passion non comune, ou de quelque Demon, ils disent que leur ame les a quitté, si le Diable réueille leur fantaisie, leur ame est de retour. le pense auoit desia remarqué

qu'ils se represent l'ame comme vn ombre quia des pieds & des mains, yn corps, vneteste, des dents; aussi croyent-ils qu'elle mange, ils ont trouvé de la viande rongéeparles ames, ils les ont ouy sifler, comme ces petits grillets qu'on entend quelquefois à la campagne; ils s'en trouuent qui ont des pensées encore plus raualées que tout cela touchant les ames; car ils disent que le Diable se repaist de leur ceruelle, mettant aulieu des fueilles d'arbres seiches; c'est pour quoy ces paunres ames sont folles & étourdies, n'ayans point de ceruelle. Voila les tenebres où se perdent les hômes qui ne sont point éclairez du flambeau de la Foy. Ceux qui se souviendront de la creance des anciens, tant Grecs que Romains, & des sottes opinions que ces Sages du monde ont eu touchant la Diuinité, & touchant nos ames, diront que toute la sagesse des homes n'est que folie: Sapientia huius mandi stultitia est apud Deum. La Foy découure les veritez du Ciel & de laterre.

Il y a des superstitios en l'ancienne France aussi bien qu'en la nouuelle. Vne semme Françoise estant icy malade, vne autre semme luy dit qu'elle gueriroit, si on luy pendoit au col vn trousseau de cless; voila 148 Relation de la Nouvelle France, qui vient de vostre France, en voicy de la nostre.

Quelques Sauuages malades voulans recognoistre d'où procedoient leurs maladies, mirent des os de Castors bien secs dessous vne couuerture, puis l'vn de la trouppe se glissant dessous, mistle seu à ces os auec des charbons bien allumez; ce pendant ses camarades chantoient & hurloient à leur mode; en fin ces os reduits en cendre, celuy qui s'estoit caché, sortit, leua la couuerture, ietta les cendres, & le feu au vent, s'écriant qu'on prit bien garde d'où venoit la maladie; le Pere qui vit faire ceste superstition, demanda prou comment on pouuoit recognoistre par ceste badinerie d'où leur mal procedoit, mais on ne luy voulut pas apprendre ce secret.

Le mesme Pere voyant quelques Algonquins bien empéchez, frappans sur leurs
cabanes auec des bastons, leur demanda
ce qu'ils faisoient; ils répondirent qu'ils
tâchoient de chasser l'ame d'une femme
trépassée qui rodoit là autour. On dit
qu'il y en a de si simples qu'ils tendent
des rets à l'entour de leurs cabanes, asin
que les ames de ceux qui trépassent chez

leurs voisins s'y prennent, si elles veulent entrer dans leurs demeures. Les autres brûlent quelque chose puante pour diuertir les ames par ceste odeur, voire ils mettent sur leurs testes ce qui sent mal, afin que les ames ne les abordent. Vn Iongleur brandilloit vn iour son épée dedans l'air, s'imaginat. qu'il épouuenteroit vne ame nouuellement sortie de son corps. Ils ont grand peur que ces ames n'entrent dans leurs cabancs, ou n'y tassét quelque seiour, car elles emmeneroiet quelqu'vn auec elles en leur pais. Vn certain ayant veu vne fusée en l'air, & ne sçachat pas d'où elle estoit partie, ne pouuat croire d'ailleurs que les François pussent lancer du feu si haut, asseuroit qu'il auoit veu vne ame qui s'egaroit dedans le iour; c'est ainsi qu'ils noment l'air. Les femmes pendent au col de leurs petits enfans vn petit bout du nombril qu'ils apportent en leur naissance; s'ils le perdoient, leurs enfans seroient tous hebetez & lans esprit, à ce qu'ils pensent: Quad on marche dans les tenebres, on ne fait guiere de passans chopper. l'ay déjatrop parlé de ce qu'ils font pour la guerison de leurs malades, nous auons veu ceste année vn ieu solennel ou vn défy entre deux nations qui s'échaufferent fort & ferme pour guerir vn pauure K iij

150 Relation de la Nouvelle France, patient. Les ioueurs & les parians s'en allerent en sa cabane au son du tambour, & de l'écaille de tortue, qu'ils accompagnerent de cris & de chants à leur mode. Ceux qui parioient ou qui gageoient estoient assis de part & d'autre, regardans leurs ioueurs, chacun fauorisant so party auec plusieurs gestes & plusieurs crissuiuans leur passion & leur affection: La conclusion fut, que l'ame des deux nations perdit quantité de porcelaine, & d'autres choses qu'ils auoient mis au ieu; car pour le malade il ne receut autresoulagement, sinon d'auoir la teste bien rompuë de tout ce grand tumulte. Apres que ces beaux medecins furent sortis, il enuoya querir vn de nos Peres qui auoit commencé de l'instruire, il luy demande le Baptesme; le Pere le voulut tancer, & rebuter, voyant ceste sotte superstition, mais le pauure patient luy dit: Ce n'est pas moy qui les ay appellez, ma mere a songé que ie guerirois, si on faisoit vnieu solennel; c'est pourquoy elle m'a amené tout cét embarras sans m'en rié dire.

Au reste la creance, & les superstitions des Sauuages n'est pas bien prosondement enracinée dans leur esprit; car comme toutes ces réueries ne sont fondées que fur le mensonge, elles tombent d'elles

en l'année 1639.

151

mesmes, & se sondent, ou se dissipent aux rayons des veritez qu'on leur propose tresconformes à la raison. Je n'ay veu que quelques vieillards bien opiniastres, dont le cerueau désciché dans leurs vieilles maximes, n'auoit plus d'humeur pour receuoir l'impression de nostre doctrine, si quelques vns retombent par fois en leurs badincries, c'est plustost par habitude que par vne grande creance qu'ils ayent en seurs superstitions, notamment depuis qu'on les instruit.

Pour ce qui concerne leurs coûtumes, c'est vne affaire de plus grande haleine, il est plus aysé de bannir l'erreur de l'entendement, que d'oster les mauuaises habitudes de la volonté: Il n'y a pas beaucoup de peines à recognoistre & approuuer le bien, mais on en trouue à le practiquer. Video meliora probóque deteriora sequor. Il est vray qu'il y a quelques coûtumes parmy les Sauuages qui s'aboliront aysément, d'autres non. En voicy de diuerses façons. La passion du jeu est violente, aussi bien en nostre France, qu'en la vostre. l'ay veu vne semme Sauuage ayant perdu tout ce qu'elle auoit, se iouer elle mesme; non pas

K iiij

fon honneur, mais bien son service, c'est à dire, qu'elle eut esté comme esclaue ou serviante du vainqueur sielle eut perdu; ils disent qu'il arrive par fois qu'vn homme ou vne s'estans iouez eux mesmes, celuy qui les gagne, les retient vn ou deux ans, & les employe à la pèche, à la chasse, aux petites affaires domestiques; puis leur donne liberté. Les Sauvages ne sçauroient exercer de seuerité, ny exiger auec rudesse aucun service de leurs Compatriotes.

Vn Huron ayant ioué toutes ses riches-ses, mist sa perruque en jeu, l'ayant perduë, le vainqueur le raza iusques au cuir de la teste. On m'a dit qu'il y en a qui iouent iusques à leur petit doigt de la main, & que l'ayant perdu, ils le donnent à coupper, sans monstreraucun signe de douleur. Ie croirois bien qu'vn Sauuage d'vne Nation pourroit bien coupper le doigt à vn Sauuage d'vne autre; mais ie ne sçaurois me persuader qu'il exerce ceste cruauté enuers aucun homme de son païs, ils se respectent ou se craignent trop les vns les autres, pour les étrangers ils les méprisent sort.

Pour conclusion de ce poinct, ie puis di-

re que les Sauuages, quoy que passionnez pour le ieu, l'emportent par dessus nos Europeans. Ils ne font quasi paroistre iamais, ny de ioye pour leur gain, ny de tristesse pour leur perte, iouans auec vne tranquilité exterieure tres remarquable, fideles au possible, sans se tromper les vns les autres. Ie ne sçay si i'ay fait mention d'vne coutume qu'ont les Sauuages, de resusciter ou faire reuiure leurs amis trespassez, notamment s'ils estoient hommes de consideration parmy cux. Ils font porter le nom du defunct à quelque autre; & voila le mort resuscité, & la tristesse des parens entierement passée. Remarquez que le nom se donne dans vne grande assemblée ou festin, on adioûte vn present qui se fait de la part des parens ou des amis de celuy qu'on fait reuiure, & celuy qui accepte le nom, & le present, s'oblige d'auoir soin de la famille du defunct, si bien que les pupils le nomment leur pere. Cette coustume semble fort louable pour le bien des pauures orphelins.

Ils gardent les mesmes ceremonies quad quelque braue homme a esté massacré par leurs ennemis; s'il auoit quelque Collier de porcelaine, ou autre chose de valeur, ses Relation de la Nouvelle France, amis l'offrent à quelque bon guerrier, ou luy font quelque present de leurs propres moyens, si cét homme les accepte auec le nom du defunct qu'on luy donne publiquement, il s'oblige d'aller à la guerre, d'y mener ceux qu'il pourra, & de tuer quelques ennemis à la place du trespassé qui reuit en sa personne.

On me dit encor que les Sauuages changent souuent de noms. On leur en donne vn en leur naissance, ils le changent en l'aage viril, & en prennent vn autre en leur vieillesse; voire mesme si quelqu'vn est bien malade, s'il n'échappe de cette maladie, il quittera par fois son ancien, non comme s'il luy portoit malheur pour en prendre vn autre de meilleur augure.

Si vn Sauuage se remarie deuant trois ans apres le decez de sa femme, il n'est pas bien voulu des parens de la desuncte, ils tiennent cela comme vne espece de mespris, cét homme faisant voir qu'il n'aimoit point leur parenté, puis qu'il s'allie sitost d'vne autre. Que si vne semme apres le decez de son mary en prend vn autre deuant ce terme sans le congé des parens du trespassé, non seulement ils luy sçauent mauuais gré, mais ils villent son mary

en l'année 1639.

s'ils le rencontrent, & cette coustume est tellement passée pour loy, que nous l'auons veu prattiquer deuant nos yeux: en sorte que celuy qui s'estoit ainsi marie, vit prendre ses Colliers de Porcelaine, & tout ce qu'il auoit, sans dire autre chosessinon que c'estoit luy qui se faisoit ce tort,

pour auoir enfraint leur coustume.

Quand vne fille ou vne femme agrée quelqu'vn qui la recherche, elle se fait couper les cheueux à la façon que les portent les filles en France pendant dessus le front; ce qui a fort mauuaise grace, tanten l'vne qu'en l'autre France, S. Paul defendant aux femmes de faire paroistre leurs cheueux. Les femmes portent icy leurs cheueux en pacquets derriere la teste, en forme d'vne trousse qu'ils ornent de Porcelaine quand elles en ont; Si se marians à quelqu'vn elles le quittent mal à propos, ou si s'estans promises, & ayans accepté quelque present, elles ne tiennent leur parolle, leur pretendu mary leur couppe par fois ces cheueux; ce qui les rend fort mesprisables, & les empesche de trouuer vn autre espoux. Cette coustume se garde plus estroitement chez les Algonquins, que parmy les Montagnets. Les

Relation de la Nouuelle France, Sauuages ne s'allient pas aysément de leurs parens, iene sçay pas encor les degrez ausquels ils se peuuent marier sans reproche deleurs Compatriotes, mais il me semble qu'ils sont bien plus reseruez que nous en certain cas. Par exemple, si vn pere à deux enfans, ils s'appellent frere & sœur, consme parmy nous, mais leurs enfans se nommeront aussi freres & sœur, & les descendans de ceux-cy porteront le mesme nom de frere & de sœur, & iamais ne se mariront ensemble, s'ils gardent les bonnes coustumes de leur nation, que s'ils les enfraignent, on ne leur dit autre chose sinon qu'ils n'ont point d'esprit. Vn Sauuage ne fait point de difficulté d'espouser deux sœurs à mesme temps, ou s'il en a desia espousé vne, il peut prendre l'autre du viuant de sa premiere femme, car s'il attendoit apres sa mort, il la reputeroit comme sa niepce, & ne l'espouseroit pas sans blasme. Ils enterre leurs morts en sorte que la teste du trespassé regarde l'Occident, c'est afin que l'ame cognoisse le lieu où elle doit aller. Ils croyent comme i'ay dit qu'elle s'en va où le Soleil se couche, c'est là le pays des ames à leur dire. En effect estans priuez du flambeau de la Foy,

en l'année 1639.

157

ils descendent, in regionem umbræ mortis, où le Soleil de Iustice est couché pour eux eternellement.

Ils sont fort portez à croire les choses extraordinaires. Vn Sauuage de l'Isle nous disoit, iln'y a pas long-temps que le bruit estoit par tous les païs plus hauts iusques dans les Nipisirimens, qu'vn de nos Peres d'icy bas auoit vescu cinq aages d'hommes, que le poil luy estoit tombé quatre sois, qu'il grisonnoit pour la cinquiesme : là dessus il luy demandoit combien de sois encor il retourneroit en l'aage viril deuant que de mourir.



CHAPITRE II.

Ramas de diuerses choses qui n'ont peu estre rapportées sous les Chapitres precedents.

Voy que les remarques que ie vay faire n'ayent quasi point de liaison les vnes auec les autres, elles donneront neatmoins toussours quelque iour & quelque lumiere pour mieux recognoistre l'esprit des Sauuages. Vn Capitaine des Algonquins de l'Isle, homme d'esprit & bien eloquent pour vn Sauuage, ayant eu quelque different auec vn autre Algonquin, receut vn coup de hache à la teste qui luy pensa oster la vie. Et en effect il l'auroit perduë n'eust esté qu'yn Saurage detournant le bras de l'aggresseur empescha la violence du coup. Cet homme se voyant tout baigné dans son sang, ne se troubla point, il s'assit froidement dans la cabane de celuy qui l'auoit frappé, sans faire paroistre aucun mouuement, ny de crainte, ny de vengeance, celuy qui auoi

fait le coup s'assit vn peu plus loing, ne paroissant nullement alteré. Vn de nos Peres aduerty de cette dispute, s'encourt droit à la cabane, entre dedans, trouve tout le monde dans le silence aussi paisible & aussi froid que marbre, il n'eut pas creu qu'il y eut eu aucune querelle entre des gens si froids, & si paisibles en apparence, s'il n'eut veu le sang ruisseler de la teste de ce pauure miserable; il luy demande qui luy à fait cette playe, point de responce, l'aggresseur prit la parolle, & luy dit; c'est moy qui l'ait fait, par ce qu'il m'a fâché. Cela dit, ilse teut. Le Peretâcha de les reconcilier, enfin ce Capitaine sortant, tint ce discours à ses gens. Mes nepueux, ne tirez aucune vengeance de l'iniure qui m'a esté faite, c'est assez que la terre ait tremblé du coup qui m'a esté donné, nela renuersez point par vostre colere. Quelque temps apres, cét homme superbe au possible estant guery, & voyant que les François vouloient tirer quelque satisfaction du Sauuage qui auoit mis l'an passé la corde au col du Pere Hierosme Lallemant; cet homme rehaussant sa voix, harangua en cette sorte: le m'estonne que ceux qui font estat de prier Dieu, & qu'ils

Relation de la Nouvelle France, disent qu'il faut pardonner les offenses puisque Dieu les pardonne, vueillent tirer vengeance d'vne iniure qu'on leur à fait il y a desia long-temps, on cognoist assez qui ie suis, on sçait bien que c'est moy qui tient la terre affermie de mes bras, & cependant ayant receu il n'y a pas long-temps vn coup qui me pensa diuiser la teste en deux pieces, ie ne m'esmeu point, ie ne conçeu aucun desir de vengeance, pourquoy n'imiterez-vous pas cet exemple? Que si le coup eut fait sortir mon ame de son corps, ma bouche eut prononcé ces dernieres parolles. Mes nepueux, ne troublez point la terre à l'occafion de vostre oncle qui la tousiours maintenuë: ie dy dauantage, si i'eusse senty la terre esbranssée, ie me fusse efforcé de l'arester, & de la mettre en son repos, auec les deux bras de mon ame; & si ie n'eusse peu en venir à bout, ie me susse escrié tout est perdu, le monde est renuersé. Je ne me mesle plus d'affaires, ie me suis acquitté de mon deuoir, i'ay pardonné l'iniure qu'on ma faite, i'ay donné conseil, on n'a pas voulu estre sage, la faute n'est point de mon costé. Voila, disoit cet homme plein de faste, comme les hommes d'esprit

en l'année à 639

16E

d'instruire, il arreste la colere, il semble donner de la patience; & au bout du contre, il ne fait rien qui vaille, iettant les home mes dans des tenebres plus sombres que la nuict; & seur faisant proferer des impertinences qui n'appartiennent qu'à des fols, & à des éceruelez. Changeons de discours.

Les Hiroquois ayant emmené vne pauure vieille femme aagée de plus de soixan? te & dix ans, luy arracherent les ongles des pieds, & des mains, luy appliquerent des flambeaux de feu en plusieurs endroits de son corps, ils la menoient auce d'autres prisonniers en leur pais; comme ils vindrent à passer un saut ou vine cheute d'eau où tout le monde met pied à terre ceste pauure semme sans faire semblant de rien, ramassa vne coquille qu'elle rencontra sur la greue, la scirre sans mot de re, & la nuict tout le monde estant couché, elle couppe doucement les liens auec ceste coquille, & s'enfuit à la dérobbée dans le bois; elle sit si bien que ses ennemis ne la purent retrouver, elle arriva aux crois Riuieres le sixième jour apres auoir quit té les Hiroquois, ayant en partie cheminé tout ce temps là, en partie nauigé toute seule dans vn méchant canot d'Hiroquois qu'elle trouva, & celasans manger: En verité c'est vne chose bien étonnante qu'vne femme aagée prés de quatre, vingt ans, trauerse quasi toute nue tant de brossailles, ayant les pieds pleins de douleur, & les orteils sans ongles, estant toute brûlée par les costez!, assaillie de mille esquadrons de mousquilles, dont ces pais sont infestez, & passer cinq ou six iours dans ces trauaux sans prendre aucune noutriture.

Quelque temps apres son arrivée, nous assemblames vne vingtaine de vieilles femmes, dont la plusieune auoit prés de soixante & dix ans pour les instruire en la Foy, sur le declin de leur aage; celle cy estoit du nombre, comme on luy vint à décrire les feux d'Enfer, encorvaudroit il bien mieux, disoit-elle, cstre brûlé des Hiroquois que des Diables. Pour conclusion, elle fut baptisée auec quelques autres, & nous fit dire que tous les Demons & tous les hommes ne scauroient détourner la bonté de Dieu, quand il plaist à sa Divine Providence de mettre vue ame au nombre de ses éleuz. Vne autre femme vn peu moins aagée que celle cy, courut aussi grand risque de sa vie,

en la défaite de ses genses Comme elle vit que les Hiroquois estoient aux prises aucc cux, elle se iette dans l'épaisseur d'une grosse sapiniere, d'où elle entendoit les cris & les coups des combattans; let de peur que ses pas ou ses vestiges ne parussent, elle se cache dedans des caux fangeuses & croupissantes qu'elle rencontra; comme elle n'estoit pas loing du Fort des Hiroquois, elle n'osoit partir de ceste triste demeure: En fin l'ennemy estant party, elle ensort deux iours apres le combat pour tirer vers l'habitation de nos François, elle n'estoit pas bien loin, qu'elle entend yn grand cry, elle crût que c'estoient encore les Hiroquois, se va ietter dans sa taniere, où elle passe encor vn iour entier; le lendemain pensant que tout estoit en paix, elle quitte ces caux froides & bourbeules; mais comme elle approchoit des François, elle entendit tirer de grands coups de canons, Ceste pauure creature s'imagina que les Hiroquois attaquoient le Fort, & qu'on se battoit fort & ferme, elle se va replonger vne autre fois dans la fange, & y passer deux autres iours suiuans: Bref, la misere la contraignant de sortir, elle s'en reuint doucement, tâchant de découurir à la dérobbée

Relation de la Nouvelle France, 364 si elle ne verroit pas l'ennemy; elle fut bien étonnée quand approchant de nostre demeure, elle vit ses gens cabanez en asseurance, elle les aborde, & leur conte son desastre; & eux luy declarent comme les cris qu'elle avoit entendu estoient des gens de sa Nation, & non des Hiroquois; & que le canon qu'elle auoit ouy se tiroit pour honorce la venue de Monsseur nostre Gouuerneur aux trois Riuieres. Cét erreur eut esté capable de faire mourir vn homme bien robuste, & ceste semme n'en receut autre mal, que celuy qu'elle endura dans sa triste solitude. Il faut que ie touche icy en fassant un trait de simplicité de quelque Sauuage: Comme on leur faisoit voir dans la Chappelle vn tableau où Nostre Seigneur est representé au milieu des Docteurs de la Loy; ils consideroient sa ieunesse, & la vieillesse de ces Docteurs; & comme ils estoient tous peins auec vn liure en main, & nostre Seigneur aussi; ils prindrent garde que les Docteurs regardoient tous dans leurs liures, & les tenoient ouverts, & que Nostre Seigneurne regardoit point dans le sien; cela leur fit dire ces paroles: Le Pere a raison de dire que ce ieune enfants çauoit tout; tenez, prenez garde, faisoient-ils, comme il ne iet-

te point les yeux sur son liure, & ces vieillards regardent les leurs fortattentiuement, La naifueté de ces bonnes gens est par fois agreable. Il est temps de finir. La flotte nous laisse dans la tristesse, & dans la ioye; L'Hospital est chargé de tant de malades, qu'on est contraint d'en loger dehors sous des cabanes d'écorces. Les Sauuages sont grandement affligez, on dit qu'ils meurent en tel nombre és pais plus hauts, que les chiens mangent les corps morts qu'on ne peut enterrer. Les Religieuses Hospitalieres se sont portées auec vne telle ferueur dans ces pressantes necessitez qu'elles en ont alteréleursanté. Ceux de nos Peles qui visitent & qui assistent ces pauures gens empestez, ne se portent pas mieux; ceste contagion seule se vouloit glisser parmy nos François. Quelques ieunes femmes nées sur le pais en sont attaquées. Tout cela peut donner de la tristesse. La resignation de nos pauures Sauuages, le recours qu'ils ont au Baptesme, le desir qu'ont quelquesvns d'aller au Ciel, le mépris de la vie, la perseuerance en la Foy dans ces tempestes, iont capables d'essuyer nostre douleur. La croix porte des fruicts agreables en tout temps. Si iamais ces paunres gens ont be-L iij

166 Relation de la Nouvelle France, soin d'estre secourus de bonnes ames qui s'interessent, & se liguent sainctement pour leur salut, c'est en cetemps de calamité. Il faut que la Foyse prouigne à la façon qu'elle a esté plantée, c'est à dire, dans les calamitez, & pour ce qu'on ne voit point icy de Tyrans qui massacrent nos Neophytes, Dieu y pouruoit d'ailleurs, tirant des preuues de leur constance par des afflictions biensensibles, qu'il soit beny à iamais. Nous supplions tous V.R. & tous nos Peres, & nos Freres de sa Prouince, voire de toute la France, & tant d'ames sainctes, dans l'association desquelles nous sommes entrez, de prier pour ces pauures peuples, & pour nous, & en particulier, pour celuy qui est de toute son affection,

De V. R.

Tres-humble & tres-obeissant seruiteur selon Dieu,

PAVL LE IEVNE.

A Sillery, autrement en la Residence de sainet Ioseph, en la Nouvelle France, ce 4. de Septembre, 1639.

RELATION

DE CE QVI S'EST PASSE' DANS LE PAYS

DES HVRONS,

pays de la Nouvelle France.

PERSON ENGINEER PASSING TO A COMMISSION OF THE PASSING TH



RELATION

de l'employ des Peres de la

COMPAGNIE DE IES VS, QVI SONT AVX HVRONS païs de la Nouuelle France.

Depuis le mois de Iuin 1638. iusques au mois de Iuin 1639.

Adressée au R. P. Paul le Ieune, Superieur des Missions de la Compagnie de IESVS en la Nouvelle France.

ON REVEREND PERES

Me voila donc obligé de rendre compte à V. R. de l'employ des Religieux de nostre Compagnie en ces contrées : ie le

Relation de la Nouu. France,

feray d'autant plus volontiers, vn peu plus au long cette fois, qu'estant encore pour le present inutile à autre chose, ce ne mesera pas peu de consolation de seruir au moins à declarer le bien que la diuine misericorde commence à faire à ces peuples parmy lesquels nous viuons, par l'entremise des autres de nos Peres qui sont icy. le croy que vostre Reuerence y trouuera dequoy benir Dieu, & s'affectionner de plus en plus à nous assister de ses soins & charitez, & sur tout de ses S. S. & prieres, que ieluy demande tres-humblement, & à tous nos Peres & Freres de par delà, pour tous tant que nous sommes icy, & particulierement pour celuy qui en 2 le plus de besoin, c'est

M. R. P.

De la Resid de la Conc. de N. Dame, au Bourg d'Osofaué aux Hurons ce 7. de Iuin 1639. Vostretres-humble & tres-obeissant seruiteur en N. Seigneur. Hitrosma Lalemant.

CHAPITRE PREMIER.

De la situation du pais, & du nom de Huron.

On dessein n'est pas de redire icy; ce qui se peut trouuer dans les precedentes Relations, ou dans les autres Liures qui ont desia traité de ce sujet : mais seulement desupleer au defaut de certaines circonstances sur lesquelles i'ay reconnu

qu'on desiroit quelquesatisfaction.

Par le mot du pais des Hurons, se doit entendre à proprement parler, vne certaine petite portion de terre dans l'Amerique Septentrionale, qui en longueur d'O-. rient à l'Occident, n'a pas plus de 20. ou 25. lieuës, & en largeur de Septentrion au Midy, n'est pas en plusieurs endroits considerable, & en pas vn ne passe sept ou huict lieues. Son esseuation dans le cœur du pais, s'est trouvée de quarante-cinq & demy. Que si quelques-vns par le passé luy ont donné quelque peu moins; pour accorder les deux, il faut dire que ceux qui la mettent à quarante-quatre & demy ou Relation de la Nouu. France,

enuiron, l'ont prise à quelque nation voissine plus Meridionale, censée du nombre des Huronnes, comme nous dirons ey-

apres.

Quant à sa longitude, on ne l'a pû encore establir, selon les Regles de Geographie, pour ne s'estre appliqué par accord en France, & icy, à l'exacte observation des eclypses. On attend la response des observations qui en ont esté faictes l'année dernière, & cependans nous nous figurons estre essoignez de France d'enuiron treize cent lieues, tirant de la France à nous en droite ligne vers l'Occident, sous vn mesme parallelle d'esseuation; & de Quebec, la principale demeure de nos François en la nouuelle France, de deux cent lieuës, quoy qu'on en fasse d'ordinaire plus de trois cent pour arriver de làicy, à raison des détours qu'il faut prendre, pour euiter la rencontre des ennemis de ces peuples.

Dans cette petite estendue de terre, située à l'Est quart de Suest d'vn grand lac, appellé par quelques-vns Mer douce, se trouuent quatre Nations, ou plustost quatre diuers amas ou assemblages de quelques souches de familles par ensemble, qui toutes ayant communauté de langue, d'en-

en l'année 1638. CT 1639.

nemis, & de quelques autres interests, ne sont presque distinguées que par diuerses sources d'ayeuls & bisayeuls, dont ils conferuent cherement les noms & la memoire; elles s'augmentent toutes ou diminuent par l'adoption de quelques autres familles, qui se ioignent tantost auec les vnes, & tantost auec les autres, & qui s'en separent aussi quelques pour saire bande & nation à

part.

Le nom general & commun à ces quatre Nations, selon la langue du païs est (vendat) les noms particuliers sont Attignagantan, Attigneenongnahae, Arendahronons, & Tohontaenrat. Les deux premiers sont les deux plus considerables, comme ayant receu en leur pais, & adopté les autres. L'vne depuis cinquante ans en ça; & l'autre depuis trente. Ces deux premiers parlent auec asseurance des demeures de leurs Ancestres, & des diuerses assietes de leurs bourgades au delà de deux cens, ans, car comme il se peut remarquer dans les precedentes Relations, ils sont contraints de changer de place au moins de dix ans en dix ans. Ces deux Nations s'entrequalifient dans les conseils & assemblées, des noms de frere & de sœur. Elles sont les

6 Relation de la Nouu. France,

plus peuplées pour auoir dans le cours du temps adopté plus de familles, & ces familles adoptées rétenant toussours les noms, & la memoire de leurs souches, font encore diuerses petites Nations dans celles ou elles ont esté adoptées, s'y conséruant vn nom general, & la communauté de quelques petits interests particuliers, auec dependance à leurs deux Capitaines particuliers, l'vn de guerre, l'autre de conseil, ausquels se rapportent les affaires publiques de leur communauté.

Mais venons au nom de Huron, attribué originairement à ces nations principales

dont nous venons de parler.

Il y a enuiron quarante ans que ces peuples pour la premiere fois se resolurent de chercher quelque route asseurée pour venir traiter eux-mesmes auec les François dont ils auoient eu quelque cognoissance, particulierement par le rapport de quelquesvns d'entr'eux, qui allant à la guerre contre leurs ennemis, auoient donné par occasion iusques au lieu ou pour lors les François tenoient la traite auec les autres barbares de ces contrées. Arriuez qu'ils surent aux François, quelque Matelot ou Soldat voyant pour la premiere sois cette en l'année 1638. & 16; 9.

sorte de barbares, dont les vns portoient les cheueux sillonez; en sorte que sur le milieu de la teste paroissoit vne raye de cheueux large d'vn ou deux doigts, puis de part & d'autre autant de razé; en suite vne autre raye de cheueux & d'autres qui auoient vn costé de la teste tout razé, & l'autre garny de cheueux pendants iusques sur l'espaule, cette saçon de cheueux luy semblant des hures, cela le porta à appeller ces barbares Hurons: & c'est le nom qui depuis leur est demeuré. Quelques-vns le rapportent à quelque autre semblable source, mais ce que nous en venons de dire semble le plus asseuré.

Ce n'est donc pas de merueille si dans les Autheurs anciens il ne se trouue rien du nom de ces peuples; car pour ce nom François, ils ne l'ont que depuis le commencement de ce siecle. Pour leurs noms en leur langue, comme leur demeure est bien auant dans les terres, y ayant plus de vingt iournées de leur païs aux endroits de Mer les plus proches, dont presque les seuls riuages iusques icy ont esté conneus à nos Europeans. Leurs noms propres aussi bien que leurs personnes & leurs païs ont esté par le passé inconneus, particulierement a iiij

Relation de la Nouvelle France, estant si peu considerables en l'estenduë de leur terre, & façon de viure toute dans le commun des Sauuages & Barbares de cette partie Septentrionale de l'Amerique. Ces Sauuages continuans devenir tous les ans à la traite, on s'appriuoisa bien-tost aueç eux, & prist-on en suite resolution d'enuoyer quelques François, pour hyuerner dans leur païs, & prendre de plus particulieres connoissances de ces peuples, & de leur langue, laquelle ayant esté reconnuë conuenir encore à d'autres nations voisines, de là vint que dans la suite des années, le nom de Huron s'estendit dauantage, & s'appliqua encore aux peuples voisins qui auoient communauté de langage auec les susdites nations, quoy qu'elles sussent separées d'interests.

Mais ce nom dans les idées des Religieux de nostre Compagnie s'estend encore bien plus auant; car y ayant deux sortes de Barbares dans ce tiers du nouueau monde, compris sous le nom de Nouuelle France, sçauoir les Errans & les Sedentaires; nostre Compagnie s'estant proposé la conuersion des vns & des autres, elle y a deux missions principales, l'vne pour les Barbares Errans & vagabonds, que l'on tasche ensemble de

en l'année 1638. & 1639.

reduire & de faire Chrestiens; l'autre pour les peuples plus Sedentaires. La premiere comprend tous les pais qui sont depuis l'embouchure du fleuue de sain & Laurens dans la Mer Oceane iusques à nous, ce qui faict vn espace de plus de trois ou quatre cent lieuës d'Orient en Occident; sans parler de la latitude, particulierement du costé du Septentrion. Et la seconde qui porte le nom de Mission des Hurons; comprend en suite tous les autres peuples qui sont particulierement vers l'Occident & le Midy, țant que la terre se peut estendre, & au delà, s'il s'y trouue des Isles habitées de creatures racheptées du Sang de Iesus-Christ, capables du Paradis.

Cela presupposé, ie laisse à iuger, si nous auons raison d'esseuer les yeux & les mains au Ciel, pour prier le Maistre de la moisson d'enuoyer des Ouuriers à son champ, & si nous n'auons pas en suite sujet de nous es-crier à qui il appartient sur terre, messis qui

dem multa, operarij autem pauci.

Que si l'on demande, quand est-ce que nous serons venus à bout de ce grand dessein, veu qu'à peine auons nous encore faict vne démarche, & auancé d'vn pas dans ce païs depuis que nous y sommes? 10 Relation de la Nouvelle France,

A celaie respons premierement, que quand bien cela ne deût estre accomply, qu'vn peu deuant la fin du monde, si faut-il toûjours commencer deuant que de finir. En second lieu ie dis, que s'il plaist à Dieu donner autant de benediction à ce second siecle de l'aage de nostre Compagnie, dans lequel nous allons entrer, qu'il en a donné au premier; tel est maintenant en vie, qui pourra voir le tout & l'accomplissement dece dessein. le dis en outre, pour le temps du progrez & aduancement, qu'il sera quand il plaira à Dieu, de qui seul depend le tout, puisque neque qui plantat, neque qui rigat est aliquid, sed qui incrementum dat Deus: & qui veut que tous ceux qui trauaillent & contribuent à l'establissement de sa gloire, esperent de la sorte en luy, qu'ils soient dans vne entiere resignation à son bon plaisir, & dans vne genereuse attente des remps & des moments arrestez par sa sain-Ete prouidence, sans bransler dans cette disposition, ny se lasser pour quelque retardement ou difficulté qui arriue.

Ie croy toutesois pouvoir dire auec verité, qu'en ces 4. ou cinq ans que l'on s'est appliqué assiduement à se rendre capable de contribuer à la conversion de ces Peuples, plustost qu'à y trauailler effectiuement, on a plus faict encore cependant pour leur salut, qu'en quelques autres endroits, ou on a passé les 20. & trente ans deuant que d'en faire autant : quand il n'y auroit que quelques centaines d'enfants, qu'on y a baptisé, & qui incontinent après le Baptesme s'en sont enuolez au Ciel.

Aureste, iene pense pas qu'il se rencontreicy moins de dissicultez capables d'arrester le cours de l'Euangile, qu'en aucun autre lieu du monde. Comme on pourra facilement reconnoistre par ce qui en a esté dit dans les precedentes Relations: là où on pourra voir, que nous auons affaire à des Barbares, à qui on n'a encore iamais presché l'Euangile; Barbares semblables à ceux de la Floride, & autres de l'Amerique, dont plusieurs histoires sont mention, auec presque vn general desespoir de pounoir iamais rien profiter aupres d'eux en fai& de Christianisme, sinon auec des assistances & des procedures du tout extraordinaires qui font souuent douter de la solidité de leur conuersion; & cependant pour en venir à bout nous n'auons ny le secours extraordinaire du Ciel par le don des langues & des miracles; ny ne pouuons auoir, au defaut de ce moyen, celuy de l'esclat, puissance, & Majesté de l'Eglise & de nostre France, pour la grande & insurmontable dissiculté des chemins, non pas mesme, pour cette mesme raison, vn secours & assistance mediocre pour subsister dans cette barbarie, ou nous sommes à tous coups menacez de mort, ou au moins de bannissement: de sorte qu'ayant les mesmes dissicultez que les autres, nous sommes destituez des secours & assistances ordinaires & extraordinaires pour les surmonter.

Apres tout ie ne sçay ce que c'est, ny ce que Dieu veut faire, ny par quel moyen; mais nous sommes tous pleins d'esperance, qu'auec patience & courage celuy à qui rien n'est impossible, & qui de rien faict tout ce qu'il veut, fera plus que nous n'oserions dire. Ce qui s'est passé cette année nous donne plus de suiet que iamais de le penser de la sorte.

CHAPITRE II.

De l'employ en general des Religieux de nostre Compagnie en ces quartiers.

Rriuant icy le 26. d'Aoust de l'an passé 1638. Ly trouuay sept Religieux Prestres de nostre Compagnie distribuez en deux Maisons ou Residences establies aux deux Bourgs les plus considerables des deux principales Nations, des quatre qui composent les vrais Hurons, ainsi que nous auons deduit au Chap. precedent. le sis donc le huictiesme: & enuiron vn mois apres arriuerent le P. Simon le Moyne, & le P. François du Peron, qui accomplirent le nombre de dix. Six ont la pluspart du temps demeuré en la Residence de laConception au Bourg d'Ossosane, le P. François le Mercier, surnommé parmy les Sauuages Chauosé. Le P. Antoine Daniel, surnommé Antsennen. Le P. Pierre Chastelain surnommé Arioo. Le P. Charles Garnier, surnommé gracha. Le P. François du Peron, surnommé Anonchiarra: Et moy à qui on a donné le nom d'Achiendassé. Et quatre en la Residence de S. so-seph au Bourg de Teanaustaiaé. Le P. Iean de Brebeuf, surnommé Echon. Le P. Isaac Iogues, surnommé Ondessone. Le P. Paul Ragueneau, surnommé Aondecheté, & le P. Simon le Moyne, surnommé vane.

La raison de ces surnoms vient, de ce que les Sauuages ne pouuant ordinairement prononcer ny nos noms, ny nos surnoms, pour n'auoir en leur languel'vsage de plusieurs consonantes qui s'y rencontrent, ils font le possible pour en approcher, que si ils n'en pequent venir à bout, ils cherchent en la place des mots vsitez dans le païs, qu'ils puissent facilement prononcer, & qui ayent quelque rapport ou à nos noms, ou à leur signification. Mais d'autant qu'il arrive quelquefois qu'ils rencontrent assez mal à propos, la confirmation ou le changement des noms qu'ils ont donné pendant le voyage, se faict dans le pais. Mais c'est assez de ce sujet; venons à nos occupaçions ordinaires en ces conrrées.

Depuis les quatre heures iusques aux huist du matin, le temps est employé aux Messes & autres deuotions particulieres. Sur les huist heures la porte de la Maison

en l'année 1638. & 1639. s'ouure aux Sauuages qui par le passé ne se fermoit plus iusques aux quatre heures du soir, tant pour se redimer de la vexation, que autrement on apprehendoit, les Sauuages ne semblant pas capables d'vn refus d'entrer, au moins de jour, dans les cabanes qui sont dans leur païs, qui ne sont pour lors ordinairement fermées à personne, que pour prendre occasion de profiter de cette coustume, car autant de Barbares qui nous viennent voir, cesont autant de Maistres & d'escoliers qui nous viennent trouuer, & vous deliurent de la peine de les aller chercher. Maistres, dis-ie, pour l'vsage de la langue; Escoliers, pour les affaires de leur salut & du Christianisme.

Tourefois l'importunité de ces Barbares faineants au dernier point, deuenant insupportable, & presque d'oresnauant inutile, depuis qu'on a trouvé le secret de leur langue, on a pris vne honneste liberté de n'y plus admettre que ceux auec lesquels on espere prositer. On a eu vn peu de peine d'arriver à ce point, mais Dieu luy-mesme semble auoir conduit cette affaire, de sorte que nous en sommes heureusement en posession, auec vne consolation grande du dedans & dehors de nos maisons, excepté

16 Relation de la Nouvelle France,

peut-estre de quelques-vns entre ces Bar

bares qui ont l'esprit plus mal faict.

Ceux de nos Peres qui sont de garde, se tiennent à leur tour à la cabane, & particulierement celuy qui tient la petite escole des enfans, des Chrestiens & Catechumenes: les autres s'en vont au Bourg, faire la ronde & les visites de leur quartier, le Bourg estant diuisé en autant de parties qu'il y a de personnes intelligentes à la langue, & par consequent capables de trauailler. Mais pour le peu d'ouuriers, qu'il y a pour maintenant, tel se trouue qui est chargé de quarante cabanes, dans plusieurs desquelles se trouuent quatre & cinq feux; c'est à dire, huist ou dix familles, ce qui leur tailleroit beaucoup plus de besongne qu'ils n'en pourroient expedier; si leur courage ne leur donnoit des forces pour cela, & au delà.

Ces visites consistent premierement à voir, & à faire que pas vn, soit enfant, soit plus aagé, malade ne meurent sans Baptesme, ou sans instruction; pour à quoy arriuer plus facilement, on les secoure & assiste temporellement de tout ce que l'on peut, & particulierement de remedes, & saignées, qui ont de fort bons essets. En 2.

lieus

lieu, on veille à prendre les occasions d'instruire ceux qui se portent bien, & leur
inculquer sur tout, les matieres des derniers Catechismes, ou conseils à parler selon l'air du païs; & les disposer à l'inteiligence des suiuants. Mais sur tout on s'applique à recognoistre les terres ou personnes dans lesquelles le grain & la semence de la parole de Dieu aura pris racine, pour en suite les considerer & cultiuer comme Catechumenes.

A quatre ou cinq heures, selon la saison, onse retire, & les Sauuages qui sont en nostre cabane s'en vont; en suite dequoy on entre en conference, tantost des empeschemens & des moyens d'auanceit la conversion de ces peuples: tantost des cas qui regardent l'establissement d'vne nouuelle Eglise, & le plus ordinairement des preceptes de la langue, & des mots & façons de parler qu'on a entendu de nouueau; dans lesquels exercices, & autres qui regardent le Spirituel, & le deuoir particulier d'vn chacun; le temps se trouue si court, qu'encorequ'il soit veritable. qu'il y ait icy disetté de toutes les douceurs qui sont en France, n'y ayant que les quatre elements; & du reste pas plus

18 Relation de la Nouvelle France,

de nourriture ordinaire, & de couvert que ce qu'il en faut pour ne pas mourir de faim & de froid; ie n'y entens toutes fois qu'v-ne seule plainte. Qu'il n'y a point de temps;

& en effect il n'y en a pas à demy.

Les Catechilmes publies se font plusieurs fois la semaine en ceste maniere. Premierement!, les jours de Dimanche & de Feste, estant destinez pour l'instru-Etion propre & particuliere de nos Neophytes & nouueaux Chrestiens, le matin pendant le temps de la Messe, on leur donne vne instruction en façon de prosne, ou on à esgard à les instruire de ce qu'ils doiuent sçauoir, & tout ensemble former leur esprit à la pieté & deuotion Chrestienne. L'apresdiné, apres les Vespres on les nourrit à ce commencement de la pure parole de Dieu, leur racontant yn Dimanche les histoires & la suite de l'ancien Testament; auec reflexion sur le profit qu'ils en doiuent tirer, & le Dimanche suivant on en fait autant du Nouveau, le tout pour se conformer à ce qui est escrit, Hecest vita eterna, Vt cognoscant te Deum, or quem misisti Iesum Christum.

On prend vn iour ouurier de la semaine, pour faire vne autre instruction pu-

en l'année 1638. & 1639. blique à tous indifferemment, soit fidelles, soit infideles: ce qui se passe en ceste maniere. Sur l'heure du Midy on s'en va crier par le Bourg, ou auec la clochette inuiter, dans les ruës & carrefours, au conseil, mais au conseil des conseils, qui concerne l'affaire importante du salut. Au lieu où il n'y a point de Chappelle, & ou nostre cabane est trop petite, on le fait le plus que l'on peut au dehors, & lors que le temps & la saison ne le permettent, on le fait au dedans; mais pour lors on n'admet que les hommes reservant les semmes & les enfans au lendemain. Le monde estant assemblé, apres l'inuocation du sain & Esprit, on dit ou l'on chante vne Oraison propre à cét exercice en langue Huronne. Apres quoy on commence l'instruction, qui est quelquesois interromipue par l'approbation ou obiections des Sauuages: à la fin de laquelle on leur fait faire quelques prieres, & entr'autres vne petite, ou est ensermé l'acte de contrition. A l'issue de cela, onsemet à chanter le Credo; les Commandemens, le Pater; l'Ane, & autres prieres, tant & si peu qu'on voit les Sauuages attentifs, & en estat d'en faire leur profit.

b ij

20 Relation de la Nouvelle France,

Outre ceste instruction commune, on en sait quelqu'autre jour de la semaine vne moins generale, ou sont inuitées nommement les personnes qu'on desire y assister, qui sont les Capitaines & les plus notables du Bourg qui ont esté recogneus auoir quelque pieuse affection & inclination au Christianisme, & ausquels il importe particulierement de faire bien entendre les mysteres de nostre soy; & qu'ils soient deucment informez de ce que nous pretendons en ce pays, par toutes ces sortes d'assemblées & d'appareil.

Outre tout ce que dessus, au lieu où les Catechumes ne peuuent estre suffisammét instruicts par des conferences particulieres de ceux qui ont soin de leurs cabanes, on les assemble tous les iours le soir, ou en commun on leur donne l'instruction que l'on iuge le plus à propos, touchant ce qu'ils doiuent sçauoir, deuant que d'estre

baptisez.

On ne s'est pas contenté de trauailler dans les Bourgs ou nous auons des residences; mais nous sentans vn peu plus sorts, que par le passé, d'ouuriers intelligens en la langue, on a entrepris des Missions par les Bourgs & villages du pays; particu-

lierement pendant l'Hyuer, qui est les cultemps propre à cela. Les Hurons en ceste seule saison faisant demeure en leurs cabanes, en tout autre temps estants ou à la guerre, ou en traite, ou à la chasse, ou à la pesche. On parcourra premierement tout le païs qui le premier nous a receu, puis on poussera plus auant; & toussours de plus en plus, insques à ce que nostre taselle soit accomplie, qui, comme nous auons desia dit, n'est bornée que des limites du Soleil conchant.

le ne parle point icy du soin du Seminaire érigé à Québéc en faueur de ces peuples ; cest article estant éloigné de nous de 300. lieues. C'est vn ouurage qui vn jour fera vn plus grand esset pour le service de Dieu en ces contrées, que ne se persuadent ceux que Dieu inspire d'y contribuer; quoy que peut-estre ce ne soit pas de la fa-

çon qu'ils l'ont pensé.

Le libertinage des enfans en ces païs est si grand, & ils se trouvent si incapables de reglement & de discipline, Que tant s'en faut que nous puissons esperer la conversió du païs par l'instruction des enfants; qu'il faut des sperer leur instruction, sans la conversion des Parens. Et par confans la conversion des Parens. Et par con-

Relation de la Nouvelle France, sequent, tout bien consideré, la premiere chose à laquelle nous deuons veiller, c'est à la stabilité des mariages de nos Chrestiens, qui nous donnent des enfants, qui de bonne heure soient esseuez à la crainte de Dieu, & deleurs parents. Voila le seul moyen de fournir les Seminaires de ieunes plantes, pour à quoy arriuer; quelques charitez seroient merueilleusement bien employees, par lesquelles on pourroit obuier aux difficultez qui se rencontrent à l'execution de la stabilité des mariages, contre la constume immemoriale du païs, vne trentaine de personnes donnant vne fois pour toutes, chacune vne douzaine d'escus l'vne portant l'autre, donneroient icy cinquante mariages stables, qui feroient, dans quelque temps, vn monde ou

Cependant le Seminaire de Quebec pourraservir, pour y retirer les ensans de nos Chrestiens qui se trouveront de bon naturel: il servira en outre pour des personnes agees, qui desireront tout de bon estre à loisir & plus en repos instruites: &

plustost vn Paradis tout nouueau. Que s'il

y auoit quelque fondation pour cela; en-

core mieux: il en sera ce qu'il plaira à

Dieu.

en l'année 1638. & 1639.

23

pour ce se veulent essoigner du pais pour quelque temps. Aussi bien si ceux qui retourne du seminaire, ne sont promptement liez par le mariage, le torrent des mauuaises coustumes & compagnies est si grand, qu'il faudroit du miracle pour y resister. L'aage en outre de tels seminaristes donnera du poids & de l'authorité à leurs paroles, & au rapport de ce qu'ils auront veu de bien parmy la Chrestienté de Quebec.

Nous auons aussi pensé d'appliquer quelques-vns à la connoissance de nouvelles langues. Nous iettions les yeux sur trois autres des Peuples plus voisins; sur celles des Algonquains espars de tous costez, & au Midy, & au Septentrion de no, stre grand Lac: Sur celle de la Nation neutre qui est vne maistresse porte pour les pais meridionaux; & sur celle de la Nation des Puants, qui est yn passage des plus considerables pour les pais Occidentaux, vn peu plus Septentrionaux: Mais nous ne nous sommes pas trouuez encore assez forts pour conseruer l'acquis, & songer ensemble à tant de nouuelles conquestes, de sorte que nous auons jugé plus à propos de differer l'execution de ce dessein encob iiij

re pour quelque temps, & de nous contenter cependant de prendre l'occasion que Dieu nous enuoyoit à nostre porte, d'entrer en quelque nation de la langue des Neutres, par l'arriuée en ce pais des seanohronons, qui s'y sont resugiez, comme nous dirons cy apres; lesquels faisoient vne des Nations associees à la Nation neutre.

Nous auons d'autant plus facilement quitté la pensée de nous appliquer pour le present, à la langue des Algonquains, que nos Peres de Quebec & destrois riuiers s'y appliquent fortement. Nous esperons de là, quelque braue ouurier, qui
vienne icy rompre la glace, & nous donmer entrée & ouuerture parmy ces peuples qui sont autour de nous, & n'ont
l'vsage d'autre langue, que de l'Algonquine. Plaise à la diuine Majesté donnes
benediction à toutes ces pensées & entreprises.

engong á migo mismans meille seigir í Hossophille seigir ag þalle eiligir í leigir í

in d

CHAP. III.

De l'Estat general du Christianisme en ces contrées.

E Nuisageant de loin les affaires du Christianisme de la Nouvelle France, & particulierement celles des Hurons, elles me sembloient bien à la verité, vn ouurage particulier de la Prouidence diuine. Maisie mesuis beaucoup dauatage trouué confirmé en ceste pensee, les ayant veuz de pres. Qui n'eust dit, sors que pour la premiere fois, nos Peres arriverent en ce pais, que le meilleur oust esté, qui en eusteu le pouuoir, de s'establir dans les premieres & principales places, comme nous sommes maintenant? Mais si cela eust esté, qu'y eussions nous fait n'ayants aucune notion ny vsage de la langue, ny cognoissance des coustumes du pais, & del'humeur des Barbares? Il y a grande apparence, que n'ayants rien d'ailleurs qui nous peût faire subsister dans l'esprit & l'estime de ces Sauuages, nous fussions tombez dans vn tel mespris general de

& 6 Relation de la Nouvelle France,

tout le pais, que nous cussiós eu de la peine de nous en releuer, & nous mettre de long temps en estat de les assister effectivemet. Et en esset, ie ne sçaysi ce n'est point de là qu'est arriué, qu'o a si peu prosité au lieu

où on s'estoit premierement estably.

Dieu donc disposa les affaires de la sorte, que nous fusmes contraints au commencement, d'arrester en vn petit coin du pais; où on a forgé les armes necessaires à la guerres, ie veux dire qu'on s'y est estudié à la connoissance & vsage de la langue, & qu'ony a commencé à la reduire en preceptes, en quoy il a fallu estre à soy-mesme & maistre & escholier tout ensemble, auec vne peine incroyable, & de là au bout de trois années, on est venu, pour ainsi parler, enseigne deployée au bourg d'Ossosané, vn des plus considerables detout le pais; en l'année d'apres au bourg de Teanaustayaé le principal de tous, laissant entierement, & abandonnant la premiere demeure, à faute d'habitans, & de personnes capables de profiter de nos trauaux, tous presque estans dissipez ou morts de maladie. Ce qui semble, non sans fondement, estre vne punition du Ciel, pour le mespris qu'ils ont faict de la

enl'année 1638. & 1639. 27 grace de la visite, que la diuine bonté leur auoit menagée.

De premier abord on a eu grand soing des enfans & des plus aagées malades a l'extremité, qu'on ne laissoit point mourir sans Beptesme, ou au moins sans instruction pour ceux qui en auoient besoin; Nos Peres entrant librement par toutes: les cabanes pour ce suiet. C'est vn bien & yn aduantage qui ne se peut estimer; & ceux à qui il en a pensé couster la vie plusieurs fois, ainsi qu'il se peut voir das la Relation de l'an passé, sont si satisfaits de cesto, conqueste, qu'ils en exposeroient en core mille s'ils les auoient, pour se là conseruer.

Dans les instructions generales & particulieres, comme aussi dans les courses ou missions, on gagne par sois quelques esprits: quoy que pour le present ce ne soient d'ordinaires que mocqueries, & menaces, qui seront, commei espere, la semence qui produira en son temps le fruict de l'Euangile, & la reduction generale de ces peu-

ples à la foy.

Nous auons quelque fois douté, sçauoir sion pouvoit esperer la conversion de ce. pais sans qu'il y eust effusion de sang: le principe receu ce semble dans l'Eglise de

23 Relation de la Nouvelle France,

Dieu que le sang des Martyrs est la semence des Chrestiens, me faisoient conclurre pour lors, que cela n'estoit pas à esperer: voire mesme qu'il n'estoit pas à souhaiter, consideré la gloire qui revient à Dieu de la constance des Martyrs, du sang desquels tout le reste de la terre ayant tantost esté abreuné, ceseroit une espece de malediction, que ce quartier du monde ne participast point au bon heur d'auoir contribué

à l'esclat de ceste gloire.

Mais l'aduoue que depuis que ie suis icy, & que ievois ce qui s'y passe, sçauoir les combats, les batailles, les attaques, & les assauts géneraux à toute la Nature, que souffrent tous les jours jey les ouuriers de l'Euangile, & cependant leur patience, leur courage & leur application continuelle à poursuire leur pointe, ie commence à douter si quelqu'autre martyre est necessaire que celuy-cy, pour l'effest que nous pretendons: & ie ne doute point qu'il ne se trouuast plusieurs personnes qui ayniassent mieux tout d'vn coup receuoir vn coup de hachesur la teste, que de mener les années durant, la vie qu'il faut mener icy tous les iours, trauaillant à la conuctsion de ces Barbares.

en l'année 1638. & 1639. 29

Si vous les allez trouuer dans leurs cabanes; & il y faut aller plus soquent que tous les iours, si vous voulez vous acquiter comme il faut de vostre deuoir: vous y trouuerez vne petite image de l'Enfer, ny voyant pour l'ordinaire que seu & fumée, & des corps nuds deça & delà noirs & à demy rostis, pesse-messez auec les chiens, qui sont aussi cheris que les enfants de la maison, & dans vne communauté de li &, de plat & de nourriture auec leurs maistres. Tout y est dans la poussiere, & si vous entrez dedans, vous ne serez pas au bout de la cabane, que vous serez tout couuert de noirceur de suye, d'ordure & de pauureté.

Leurs paroles souvent ne sont que blasphemes contre Dieu & nos mysteres; &
des iniures contre nous accompagnées
d'ingratitude incroyable, nous reprochants que ce sont nos visites & nos remedes qui les sont malades & mourir; & que
nostre sejour icy est la seule cause de tous
leurs maux. Si vous leur voulez parler
pour les instruire, il saudra quelque sois attendre les heures entieres deuant que de
trouuer l'occasion de leur dire à propos vn
bon mot: & apres toutes vos peines & vos

30 Retation de la Nouu. France,

visites, vn songe, qui est à proprement parler le Dieu du pais, en desera plus en vne nuier, que vous n'aurez auancé en trente iours: & vous pourroit bien, pour toute recompense, procurer vn coup de hache ou de fleche. S'ils viennet en vostre cabane, ne pensez pas que vous puissiez facilement leur refuser vostre porte; ny quand ils sont dedans, les gouverner à vostremode. Ils se mettent où il leur plaist, & n'ensortent pas quand il vous plaist. Il faut qu'ils entrent par tout, & qu'ils voyent tout; & si vous les voulez empescher, ce sont querelles & reproches auec iniures. Et dans tout cela il faut filer doux: vn coup de hache est bien tost donné par ces Barbares: & le feu mis a vne escorce, & derecherche de iustice pour le crime, il n'y en a point dans le païs, & au plus qu'on en pourroit attendre, ce seroit quelques presens. De sorte qu'il faut toussours estre en garde, & sur la patience, & faire estat qu'on n'aicy, & moins encore qu'en tout autre lieu du monde, aucun moment de sa vie asseurés

Adioustez à ce que dessus, que vostre façon de loger, de coucher, & de viure estant en tout semblable à celle des Sauua-

en l'année 1638. & 1639. ges; la nature ne trouve guere de consolàtion parmy tous ces trauaux. Vn peu de bled d'Indeboully dedans l'eau, & pour le meilleur ordinaire du païs, vn peu de poisson puant de pourriture dedans, ou de la poussière de poisson sec pour tout assaisonnement, voila le manger & le boire ordinaite du païs. Pour l'extraordinaire vn peu de pain de leur bled, cuit sous la cendre, sans aucun leuain, ou l'on messe quelquefois quelques febves ou frui & s sauuages: Voila vne des grandes regales du païs. Le poisson frais & la chasse, sont choses si rares, qu'elles ne valent pas le parler, y ayant toutes les peines du monde d'en recouurer pour les malades. Vnenatte sur laterre, ou sur vne escorce, est vostre coucher. Le feu vostre chandelle. Les trous par ou passe la sumée, vos senestres qui ne ferment iamais. Des perches courbées, couuertes d'escorces, vos murailles & vostrelambris, par ou le vents passe de tous costez. En vn mot tout le reste à l'auenant des Sauuages, excepté le vestir, auquel encore faut il commencer à se reduire.

Iene d'y rien de la rigueur des saisons; de l'incommodité des chemins qu'on ne peut saire qu'àpied où sur le dos d'yn autre,

32 Relation de la Nouvelle France? des dangers continuels des Ennemis du païs, qui sont tous les iours à vos portes, & remplissent tout de frayeur, nouuelle arribant à toute heure de quelque massacre ou prisonnier qu'ils ont enleué, & deleur resolution de venir brusser tout le païs. Iene d'y rien dis-ie de tout cela, & d'infinies autres petites disgraces qui accompagnent & s'ensuiuent de tout ce que dessus. Pour conclurre en fin qu'il semble qu'vne seule année de patience & de courage, parmy ces combats & batailles continuelles vaut bien vn petit martyre, & qu'ainsi, quoy qu'il n'y ait point encore de sang de martyrs respandu, nous n'auons pas toutefois suiet de desesperer la conversion de ces Peuples.

Dieu: & on s'attend bien que le fort armé, qui commande absolument dans ce païs depuis tant de siecles, ne laissera pas si facilement eschaper de ses mains tant de vieilles & anciennes conquestes; & qu'il fera tout son possible pour prendre & exterminer tous ceux qui s'opposent à son empire, & quin'en cherchent que la ruine. Mais qu'il fasse du pis qu'il pourra, tost ou tardle tout reüssira à sa plus grande contardle tout reüssira à sa plus grande con-

fusion

fulion, & à l'auancement de la gloire de Dieu, quand ce ne seroit qu'en iustifiant sa bonté & misericorde, sur ce païs. Et rien cependant n'arriuera sans sa permission, pour l'amour duquel mourir, c'est viure; & estre abbatu, c'est vaincre & triompher.

Que si ce que dit vn des SS. Pere de l'Es glise est veritable, que les bien-faits presents de la diuine Maiesté enuers les hommes, seruent de caution & d'asseurance pour ceux de l'aduenir: le repos, la confiance, la ioye & la consolation dans la quelleviuent icy les ouuriers de l'Euangile parmy ce premier genre de martyre, fait qu'on n'a pas suiet de redouter dauantage

le second, que le premier.

Mais deuant que de passer plus auant à declarer l'estat particulier, & le détail du Christianisme en ce pais: ie prie vne sois pour toutes, tous ceux & celles qui iusques icy ont contribué aux moyens d'instruire ces Peuples, soit par leurs prieres, soit par leurs autres charitez & bien-faits; ou à qui Dieu en donneroit doresnauant la pensée, de considerer que le fruist après lequel nous trauaillons, est fruist de l'Euangile, lequel s'il doit estre bon & de durée, ne vien-

Relation de la Nouu. France, 34 dra qu'apres beaucoup de patience: & par consequent de ne se point lasser d'exrcer ceste charité, la plus grande qui puisse estre exercée en ce monde. Enuisageant tousiours ces affaires auec l'œil de la foy, qui seul leur en fera veoir le merite & l'excellence; & que de si grands ouurages ne se sont pas tout d'vn coup. Combien faut-il en France de temps & de peine, pour conuertir vn seul heretique, où bien quelque ieune ouvieux Pecheur? He qu'est-ce de cela en comparaison de la conversion de tout yn monde, terrestre & brutal au dernier point, enuieilly depuis tant de siecles dans ses erreurs & superstitions?

Nous nous trouuons icy comme au milieu d'yne mer, où yn million de personnes se noyent: & ne sçachants auquel courir, nous sentons nos cœurs se sendre, & nous nous trouuons reduits au point d'experimenter ce que dit l'Apostre des Gentils, Charitas Christi wrget nos. Le malheur n'arriue qu'à faute d'ouuriers, ou plustost de moyens de les pouvoir saire icy subsisser, & de les entretenir dans yn Païs, & parmy des peuples, où il faut, par necessité, auec Sainet Paul, renoncer aux droits de l'Euangile, & viure du en l'année 1638. CT 1639.

sien, au moins pour le present: si on ne veut, en vn moment, voir le tout renuersé;

& les affaires reduites au desespoir.

Iesçay bien que les d'ficultez d'apporter de dehors dequoy y substsier, sont extremes: mais apres tout, il ne laisse pas d'y auoir vn monde entier à conuertir; &c n'y a point de porte plus commode pour y passer, que celle où nous sommes auiourd'huy & c'est ce qui afflige nostre cœur &

nostre esprit.

Que si ces pertes nous sont si sensibles à qui ces peuples ne sont rien; combien à on suiet de croire, qu'elles sont considerables à celuy qui leur a donné l'estre, pour les rendre bien-heureux? & de plus vne vie diuine, & sonsang pour leur rachapt. Heureuses les Ames à qui le S. Esprit donné & conserue la devotion de contribuer selon leur pouuoir à estancher la soif de IESVS Christ mourant en Croix; & à ramasser les gouttes de son sang precieux, ou pour mieux dire, la marchandise dont ce sang adorable a esté le prix.

Ie ne puis icy obmettre la louage qui est deuë à Messieurs les associez de la Compagnie de la Nouvelle France, qui continuent plus que iamais, à contribuer de ce

36 Relation de la Nouvelle France, qu'ils peuvent pour vne si sainte entreprile. Et c'est ouurage aussi bien que tous les autres de la Nouvelle France, aura a iamais vne tres particuliere obligation à Monsieur le Cheualier de Mont-magny nostre Gouverneur; à la prudence, generosité, charité & zele duquel, il ne semble pas qu'il soit possible de rien adiouster: toutes lesquelles vertus & belles qualitez se font aussi bien sentiricy à trois cent lieuës, que nous sommes de son sejour, que sur les lieux où il fait sa demeure.

Il y en a encore plusieurs autres, qui meriteroiet vne bone part à la louange de contribuer selon leur pouuoir, à vn si saint ouurage, Mais ce ne seroit iamais fait, & c'est le point, que le liure de vie en coserue pour iamais la memoire. Pour nous, tout ce que nous pouuons, c'est de leuer les mains au Ciel, & de dire de tout nostre cœur, de rore cæli & de pinguedine terra, &

desuper sit benedictio vestra.

CHAP. IV.

De ce qui est arrivé de plus remarquable en la Residence de la Conception au bourg d'Ossossane, et particulierement de la nouvelle Eglise de ce bourg.

maladie en cette Residence, est de 52. dont vingt-sept s'en sont enuolez au Ciel. Celuy des plus aagees qui ont esté baptisez à la mort, ou en extremité de maladie, de septante-quatre dont vingt-deux sont morts, & comme il est à presumer de la bonté & misericorde de Dieu, ont pris le mesme chemin du Ciel. Celuy des Cathecumenes, baptisez en bonne santé, de quarante-neuf.

Deuant que de declarer ce qu'il y a eû de plus remarquable en tout cecy, il faut que ie parle de ceux qui ont dauantage participé à ce bon-heur, & qui nous rendront en suite, plus que iamais, adorables les secrets profonds, & les abysmes de la sagesse, Bonté & Prouidence diuine sur

38 Relation de la Nouvelle France, ses Esleûs.

Les venrôhronons faisoient par le passé vne des Nations associées à la Nation Neutre, & estoient situez sur ses confins. du costé des Hiroquois les Ennemis communs de tous ces Peuples. Tant que cette Nation d'senrôhronons a esté en bonne intelligence auec ceux de la Nation Neutre, elle a esté bastante pour resister aux Ennemis, subsister & se maintenir contre leurs courses & inuasions: mais par iene sçay quel mescontentement, ceux de la Nation Neutre s'estans retirez & separez d'interests auec eux, ils sont demeurez en proye à leurs Ennemis, & n'eussent pas esté encore long temps sans estre du tout exterminez, s'ils n'eussent songé à la retraite, & à se mettre à couuert de la protection, & association de quelque autre Nation.

Tout bien consideré, ils aduiserent qu'ils ne pouuoient mieux choisir que celle de nos Hurons. Ils deputent donc les plus intelligens d'entr'eux, pour en venir faire la proposition: qui sut faite aux conseils & assemblées particulieres & generales de tout le Païs: où en fin il sut conclu, de les receuoir, leur arriuée ne seruant pas de

en l'année 1638. & 1639. 39

peuà la defense & conservation du pais.

En suite de ceste resolution, le temps, sustinfer en suite pris pour les aller querir, & assister en leur voyage: soit pour les soulager, au portage de leurs meubles & enfants, n'y ayant en toutes ces contrées autre voiture par terre, que celle de la teste, ou des espaules des hommes & des femmes; soit aussi pour les desendre de leurs ennemis communs, & leur faire escorte.

Quelque soulagement qu'on leur peust donner', la fatigue & les incommoditez d'vn tel voyage, de plus de quatre-vings lieuës, où estoient plus de six cent personnes, dont les semmes & les petits enfants saisoient le plus grand nombre; surent si grandes, que plusieurs en moururet en chemin, & presque tous arriverent malades,

ou le furent incontinent apres.

Ce Bourg fust le premier du païs où ils aborderent, & aussi-tost que la nouuelle sust venuë qu'ils aprochoient, tout le monde sortit, pour aller au deuant; & les Capitaines s'y trouuerent, & exhorterent leurs gens auec tant d'ardeur & de compassion, à prendre courage, & assister ces pauures estrangers, que ie ne sçay pas qu'eust peusaire dauantage le Predicateur c ilij

Relation de la Nouu. France,

Chrestien le plus zelé pour les œuures de

charité, & de misericorde.

Ils furent incontinent distribuez par les principaux Bourgs du païs. La plus grande part toutesois s'arresta en celuy-cy, comme vn des plus aysez & accommodez de tous: mais par tout où ils surent receus, les meilleures places dans les cabanes leur surent données; les greniers ou quaisses de bled ouvertes auec liberté d'en disposer

comme si elles leur appartenoient.

Le gros arriua en ce bourg, au mesme remps que i'y arriuay auec quelques dome-Riques intelligens à la saignée, & aux remedes, que nous auions amené de France: Ziamais rien nese rencontra plus à propos. Caraussi-tostauec ce secours, on courut aux plus malades, qui estoient en danger de mort, pour auoir entrée par-là, de pouruoir à leur salur. C'est icy que nous parurent premierement les secrets adorables de la bonté de Dieu, sur ces pauures refugiez, car ce secours vint si à propos pour quelques-vns d'entr'eux, tant enfants que plus aagez qu'il se trouua, que depuis leur arriuée iusques à la mort, il n'y eust que le temps qu'il falloit, pour les instruire & baptiser.

en l'année 1638. & 1639. 41

Depuis ce temps, ces malades donnerent tant d'occupation, qu'ils emporterent, l'espace de quelque temps, la plus
grande part de l'employ de nos ouuriers,
qui ne pouuoient retenir les regrets & les
plaintes innocentes, de ne pouuoir pour
cesuiet, vacquer à la culture de ceux de
leur quartier, dont, comme nous auons dit,
vn chacu est chargé. Mais ils ne s'apperceuoient pas, que tandis qu'ils gardent l'ordre de la charité, la misericorde de Dieu
passe par dessus l'ordre de leurs pensées &
industrie, & aduance luy mesme leur tasche, qu'ils estimoient de beaucoup reculer.

Deux mois donc ou enuiron apres l'arriuée de ces pauures estrangers, leurs malades commençant à diminuer: nos ouuriers eurent plus de temps & de loisir, de visiter les champs, que par le passé ils auoient ensemencé. Et voila qu'aussi-tost, contre toute leur attente, ils en aperçoiuent la plus part, tout disposez à la moisson, rencontrants les esprits de plusieurs de ceux qu'ils auoient par le passé cultiué, pleins de satisfaction, & de conuiction des veritez de la Foy, & ne desirans autre chose, que d'estre au plustost baptisez.

42 Relation de la Nouvelle France,

Leur ferueur passa si auant, que nous nous trouuâmes obligez de mettre en deliberation, si nous les différerions iusques aux temps qu'il semble que l'Eglise destine pour le Baptesme des Cathecumenes, sçauoir Pasques & la Pentecoste: mais l'vn & l'autre se trouuoient trop essoigné; tout bien consideré, il fut resolu, d'ouurir à ce commencement la porte à tous ceux qui se presenteroient, à mesure qu'ils s'en trouueroient capables; puis qu'il estoit question d'vne nouuelle Eglise, à laquelle il falloit songer de donner l'estre, deuant que de s'appliquer, à luy donner sa perfection. Que toutefois il y falloit proceder auec beaucoup de retenuë, & nous souuenir tousiours que nous auions a saire à des Sauuages; à la dissimulation & legereté desquels il ne semble pas qu'il y ait rien de pareil.

C'est ce qui nous sit conclure, de n'en receuoir au commencement, que sort peu, & des Anciens & plus considerables des Chess de samilles, & personnes mariées auec stabilité. Crainte que si nous en admettions d'autres, sans vne plus grande experience, les sondemens venans à crouler, nous ne vissions bien-tost tout l'edisice

en l'année 1638. & 139.

4.3

à bas, & sa ruine totale auparauant son establissement, & le sepulchre de ceste nouuel-

le Eglise dans son berceau.

Ayant donc l'œil à toutes ces circonstances, & sur ce que la diuine Prouidence nous presentoit, on donna iour à la feste de S. Martin à trois chefs de samille des plus anciens, & plus considerables du Boug. Donc l'vn sust baptisé auec sa semme, & trois de ses enfants. Des deux autres l'vn estoit veus & sans enfants qui sussent petits; l'autre ne iugea pas que sa semme sust encore capable de ce bien, comme

en effect elle ne l'estoit pas.

Environ vn mois apres, sçauoir à la Feste de la Conception de la saincte Vierge,
se firent les seconds baptesmes de seize
personnes: entre lesquels estoient trois ou
quatre chess de familles, auec leurs semmes & enfans; ce qui joint auec les precedens, en la famille de Ioseph Chihyaterihya, celuy dont a esté parlé amplement en
la derniere relation, faisant une compagnie d'une trentaine de personnes, qui assistement ensemble ce iour là, à la saincte
Messe pour la premiere sois, ou se communierent tous ceux qui estoient en aage
de le saire; il semble que nous auons tout

Relation de la Nouvelle France, subie & de remarque ce sain & iour, destiné à la memoire & à l'honneur de la premiere grandeur de ceste sain & l'est sain & l'est pour celuy de la Naissance de ceste nouvelle Eglise, & du commencement du bon-heur & de la benediction du païs.

Nous auons bien raison de croire, que celle en l'hôneur de laquelle est consacrée ceste Feste, a mis la main à cette ouurage, & la conduit depuis, au point que nous di-rons cy-apres, & que nous voyons de nos yeux, auec vne consolation, qui ne se peut

expliquer.

que nous pretendions, deuant que d'estre parfaictement deschargez de l'obligation de ce que nous auions promis, puis que la Chappelle n'estoit encore acheuée iusqu'au point, qu'on y peut dire la Messe auec bien seance, & ne sembloit estre capable que d'y faire les Baptesmes, qui en

effect y furent faits.

Que louange donc & action de graces soient à iamais rendues à ceste grande Reyne du Ciel, & de la terre, par tous ceux qui ont & auront cy-apres interest à cét ouurage, & quant aux personnes qui ont vne pieuse & saincte affection pour cette entreprise, elles nous obligeront grandement de nous ayder à remercier ceste saincte Vierge de tant de graces que nous auons receu, & receuons continuellement de sa faueur & assistance, laquelle nous fait esperer que son sacré Fils nostre tres-honoré Seigneur & Maistre, qui seul pouvoit mettre le fondement de cét edifice, aura agreable d'y continuer sa benediction, & le conduire iusques au comble & au point de sa persection.

Depuis ce iour on a continué par interualles de baptiser ceux & celles qui se sont presentez, qu'on a jugé capables de ce bon-

46 Relation de la Nouvelle France; heur, en sorte que le nombre des fideles faisant profession du Christianisme, monte presentement en ce Bourg à pres de 60. dont plusieurs sont semroronons, du nombre de ces pauures Estrangers refugiez en ce païs, comme nous auons dit au commencement de ce Chapitre; la diuine Providence les ayant attendu pour donner commencement à cette nouvelle Eglise, comme predestinez de toute Eternité, pour en estre vne partie des pierres fondamentales. Dans ce nombre se sont trouvez encore quelques autres Estrangers de diuerses Nations qui depuis se sont retirez en leurs païs, qui tost ou tard pourront bien seruir à quelque dessein de Prouidence, Bonté & Misericorde de Dieu.

Ied'y pres de 60. Fideles, faisants profession du Christianisme; car de baptisez en extremité de maladie, il y en a beaucoup d'autres dans le Bourg, mais qui ayans recouuré la santé, n'ont fait aucun estat du bien qu'ils auoient receu, auquel touresfois il est croyable, au moins pour quelques-vns, qu'ils luy sont encore obligez de la vie temporelle.

Il faut aduouer que le trauail d'vn ensantementspirituel, est grand pour le regard de ces peuples Barbares & sauuages au dernier point; mais aussi est-il veritable que la consolation est grande de voir ces pauures creatures reduites à la reconnoissance, respect, & obeissance à leur Createur & Redempteur, & se ranger aux deuoirs de veritables Chrestiens.

Seroit-il possible de retenir les larmes de ioye, voyant yn Dimanche matin, arriver chez nous, pour entendre la Messe, ces pauures gens partis de leurs cabanes à point nommé, & quelque temps qu'il fasse trauerser yn espace notable qu'il y a de leur Bourg à nostre demeure, nuds pour la pluspart, comme la main, excepté yne simple peau qu'ils ont sur le dos enforme de mante; & dans la rigueur de l'hyuer quelques peaux à l'entour de leurs pieds, & deleurs iambes.

Mais sur tout quand on les voit se mettre à genoux, ce qui leur est vne posture du tout estrange & extraordinaire, faire leurs prieres à haute voix, en la presence du sainct Sacrement, & se communier pesse messe auec nos François. Il faut confesser que le contentement est tel, que le centuple la dedans, nous est richement payé, & au delà, & que nous n'aurons iamais suier 48 Relation de la Nouvelle France, d'estre en peine de voir en ce point aci complies les promesses de l'Euangile.

Ona soin l'hyuer de tenir en plusieurs endroiets de la Chappelle des soyets pleins de braise, pour remedier aux inconueniens qui s'en pourroient ensuiure du froid, & de leur nudité. Cela les satisfait de la sorté, que quelques-vns demeurent souuent de leur plein gré les heures entieres apres le seruice, à s'entretenir de nos mysteres, & à se faire instruire tous-

iours de plus en plus.

La premiere occasion qui se presenta apres leurs baptesmes, de faire paroistre leur deuotion, fut à la nui & de Noël, laquelle plusieurs passerent partie dans nostre cabane, partiedans la Chappelle nouuelle, qui se trouua en estat de seruir à ceste solemnité. On disposales choses auec le plus d'ornement, & d'esclat qui sut possible, pour leur faire apprehender le merite de ce iour. Et la chose reussit de la sorte, que ces pauures gens ont souuent depuis demandé, quand est-ce que cette nuict reuiendroit, ou plustost ceste sorte de beau iour : car ces peuples n'ayans aucun vsage de chandelles, voyant quantité de lumieres qui brilloient & esclattoient dans

en l'année 1638. & 1639.

dans ceste Chappelle, auoient quelque suiet de doute, s'il faisoit iour ou nuiet.

Nostre Chrestien; ainsi appellons nous Ioseph Chihvatenhya, tant par ce qu'il a esté le premier en ce Bourg, & seul neuf ou dix mois auec sa famille faisant profession du Christianisme, nonobstant tous les discours & les persecutions de langue de ses Compatriotes; que par ce qu'il est incomparablement eminent par dessus tous les autres, en cognoissance & pieuse affection à nos mysteres, & à l'esprit du Christianisme. Ce braue Chrestien dis-ie ne manqua pas en ceste occasions de prendresouvent la parole, & y faire fonction de frere aisné, en instruisant & enseignant ses cadets auec vn aduantage & succez tout particulier; pour auoir tout ensemble l'esprit, la parole, la probité, la reputation, la connoissance de nos mysteres, & l'affection en vn eminent degré; de sorte que nous commençons à le regarder plustost comme vn Apostre, que comme vn Barbare de ces contrées. Ah, disoit-il, mes Freres, que veulent dire ces lumieres brillantes, & esclatantes au milieu de la nuict, sinon que celuy dont nous honorons maintenant la memoire, a par sa naissance dissipéles tenebres & l'ignorance du monde; ce qu'ayant fait pour la premiere sois depuis tant de siecles, il nous va autourd'huy pour la premiere sois en ces contrées, faisant la mesme grace & misericorde. Ce sont des desseins & des iugemens qu'il ne saut qu'adorer, pour quoy c'est qu'il ne l'a pas sait plustost, mais c'est vne grace & vne saueur pour nous, qui ne se peut priser, ny reconnoistre suffisamment, que sa prouidence ait menagé ce bien à nostre païs, pendant que nous sommes encore en vie.

De tels & semblables discours entretint ce bon Chrestien vne bonne partie de la nuist, le petit troupeau de ceste Eglise naissante, laquelle il n'edisia pas moins de ses exemples que de sa parole. Car entreautres ne se contentant pas d'vne Messe, il en entendit cinq tout de suite, la plus part à genoux: Ce qui pour vn Barbare, qui n'a iamais sçeu que c'estoit de ceste contenance, pourroit bien passer pour vn petit martyre. D'autres à son imitation n'en entendirent guere moins, & tous se consesser, communierent, & donnerent en ceste occasion tant de contentement & de satisfaction, qu'on n'en pouen l'année, 1638. & 1639?

troit plus souhaiter dauantage.

Ie puis dire le mesme à proportion, de toutes les grandes Festes & Dimanches, qui depuis ont suiuy, ausquels on garde tout ce qui se peut des ceremonies de l'Es glise; entrautres celle du pain benit, que ces bons Neophytes sont chacun à son tour, auec beaucoup de deuotion, parti-

culierement quelques-vns.

Ce n'est pas que pour conduire le tout de la sorte, il n'y faille apporter beaucoup de peine & de soin, & autant pour le moins qu'à esseuer des enfans malades, mais le contentement d'auoir en sin mis ces enfans au monde, ou plustost dans la grace du Christianisme, & le desir & esperance de les voir deuenir hommes dans l'Eglisé de Dieu, fait qu'on ne sent presque point son mal, & qu'on est tout disposé à en soussir beaucoup dauantage.

Ceste grace de Dieu sur ces peuples, n'est conceuable qu'à ceux qui sçauent iusques à quel point ces pauures Barbares sont terrestres, & d'eux-mesmes essoignez & incapables de conceuoir & estimer les choses de l'esprit & de l'Eternité, mais celuy à qui rien n'est impossible, & qui n'est pas moins puissant en vn temps qu'en va

d ij

Relation de la Nouvelle France, autre, semble en fin agreer, de susciter de ces pierres & rochers des vrays ensans

d'Abraham & de l'Eglise.

Ce qui apres l'assistance du Ciel semble auoir le plus contribué à l'aduancement de cét ouurage sont; Premierement, la patience & le courage des Peres qui ont esté icy par cy-deuant, qui ne se sont pas rebutez ny lassez dans l'attente des temps & des moments de la diuine Prouidence: & qui nonobstant toutes les persecutions & dangers de massacre, dont ils se sont veus à la veille souvent, & particulierement l'année precedente, n'ont rien relasché de leurs soins & charitez à visiter & assister les malades, voire mesme dans les cabanes de ceux qui sembloient leur vouloir le plus de mal.

Et il semble en effet, que Dieu ait voulu tesmoigner que c'estoit là le grain, qui auoit produit ce fruict, disposant les choses de la sorte, qu'au mesme mois d'Octobre, auquel l'année d'auparauant on auoit conclu leur mort, ç'a esté en ce mesme mois, l'année d'apres, que pensants estre encore bien essoignez de la recolte, ils ont aperceu les fruicts tous meurs & prests

à cueillir.

enl'année 1638. ET 1639.

En second lieu, l'exemple de nos François seculiers ou domestiques, n'y a pas de peu seruy. Nous n'experimentons que trop la force de cét article, soit pour le bien, soit pour le mal. Et ie ne doute point que l'affaire ne se fust plustost aduancée, sitous les François qui ont monté en ce pais iusques icy, eussent esté d'vne vie irreprochable. Au moins est-il asseuré que les Barbares ne nous eussent pas si souvent arresté, leur proposant les commandements de Dieu, & representé le contraire de ce que nous enseignons dans les actions & les œuures de quelques personnes. Mais Dieu disposant les affaires au point que nous les voyons, semble auoir inspiré à Messieurs de la Compagnie de la Nouvelle France, de si bonnes pensées & resolutions là dessus, & Monsieur le Cheualier de Mont-magny nostre Gouuerneur y apporte vn si bon ordre, que nous esperons que cette pierre d'achoppement ne se trouuera plus en nostre chemin. Et en effect ceux quisont icy de present, non seulement meinent vne vie irreprochable, mais en outre viuent & se comportent de la sorte, que nous auons tout suier de croire que Dieu en leur consideration,

Relation de la Nouvelle France, a donné vne particuliere benediction à cét ouurage, auquel ils s'estudient selon leur pouvoir & industrie, de prendre vne bonne part.

Ie mets au rang des causes de l'aduancement de ce mesme ouurage, les discours & comportemens de Ioseph Chihvatenhoa, ce bon Neophyte, duquel nous auons desia plusieurs fois parlé, qui semble auoir esté ce leuain de l'Euangile, qui a fai&leuertoute la masse de cette nouuelle Eglise des Hurons, non seulement ence bourg, mais encore par tout ailleurs, ou nous auons trauaillé à faire des Chrestiens, soit en celuy de Teanaustayaé où nous auons vne Residence, soit aux Missions; s'estat trouué par tout aux meilleures occasions, pour faire profession publique, & rendre copte de sa foy & de sa conuersion. En quoy il s'est comporté par tout, auec vne satisfaction pleine & entiere de ses compatriotes, qui ne se lassent iamais de l'entendre. Vous vous rebutez mes Freres, (leur dit-il quelquefois) sur ce que les affaires de vostre saint que vous proposent les François, sont choses nouuelles, & leurs propres coustumes qui renuersent les nostres. Vous leur dites, que chaque païs

ases saçons de faire: que comme vous ne les pressez pas de prendre les nostres, aussi vous estonnez-vous de ce qu'ils nous pressent de prendre en cela les leur, & dereconnoistre auec eux le mesme Createur du Ciel & de la T'erre, & le Seigneur vniuersel de toutes choses. Je vous demande, quand au commencement vous vistes de leurs haches & chaudieres, apres auoir reconnu qu'elles estoient incomparablement meilleures & plus commodes que nos haches de pierre, & que nos vaisseaux de bois & de terre; auez vous pour cela reietté leurs haches & chaudieres, parce que c'estoit chose nouuelle à vostre pais, & la coustume de France de s'en seruir, & non pas la vostre. Que s'il nous pressent de croire ce qu'ils croyoient, & de viure conformement à ceste creance, nous leur en auons beaucoup d'obligation: car en effet si ce qu'ils disent est vray, comme il est, nous sommes les plus miserables gens du monde, si nous ne faisons ce qu'ils nous disent.

Ien'aurois iamais faict, si ie me voulois estendre plus au long sur tous les discours, où plustost sur toutes les saillies de l'esprit de Dieu, qui semble parler souvent par la d'iiij bouche de ce bon Neophyte. Ie d'y saillies de l'esprit de Dieu, car nous ne sçauons que penser autre chose, le voyant quelque-fois se mettre à benir Dieu, & le souer tout en la mesme façon & maniere, que sirent autresois les enfans dans la fournaise, sans que iamais il ait eû connoissance de ce que la saince Escriture nous en apprend.

Ie ne me trouverois pas moins empesché, s'y i'auois entrepris de declarer tous les actes de vertu remarquables; & tous les bons exemples qu'il a continué de faire paroistre, depuis le temps de la derniere Relation, soit en santé, soit en maladie, soit dans la prosperité, soit dans l'aduer-

fité.

Quand il fust question d'aller querir ces pauures estrangers dont nous auons parlé cy dessus, il ne se contenta pas d'aller à my-chemin comme plusieurs autres; mais il sit le voyage entier, & prist tant de peine & de soin à les assister, par des motifs veritablement Chrestiens; qu'estant icy de retour, il en tomba malade d'une sievre qui luy dura 40. iours, pendant lesquels ont le tint par plusieurs sois pour deseperé. Il pleût toutesois à Dieu donner benediction aux remedes & aux charitez

dont nous l'assistances; en sorte qu'au bout des 40. iours ilse trouva entierement hors de danger. Au plus fort de son mal, estant surpris de resuerie, ses discours & extrauzgances n'estoient que des choses de Dieu & de la Foy: il se leuoit quelquesois tout nud, & se tenant aupres du seu: Qu'ils viennent, qu'ils viennent, disoit-il, qu'ils me brussent, & qu'ils voyent si c'est tout de bon, queie croy, où si c'est seulement du bout des levres.

Depuis ce temps, ceste bonne Amenous a semblé de plus en plus se remplir du S. Esprit, & entrer dans le sentier des Saints, dont il a donné plusieurs autres preuues, tant aux attaques contre la chasteté, & la Religion, qu'aux exercices de charité &

de misericorde.

Ienesçayàquoy ie dois attribuer, ce qui luy arriva l'Esté passé lors qu'estant à la pesche, il plût par tout le pais, & specialement tout à l'entour du lieu où il estoit; ce qui causa vn grand degast de poisson; & cependant il ne pleût iamais à l'endroit où il se trouva auec ceux de sa compagnie; & sit sa pesche fort heureusement. Vne chose est asseurée, qu'il n'obmit iamais en tout ce temps de prier,

38 Relation de la Nouu. France,

& faire prier Dieu matin & soir, tous ceux qui estoient auec luy: Outre que tous les iours it se retiroit seul dans le bois, pour vacquerauec moins de diuertissement, &

plus long-temps à l'oraison:

En sin, il semble que ce soit ce bon grain de l'Euangile, & du meilleur, qui rend non seulement 60. mais 100. puis qu'à la S. Ioseph de l'an passé, n'y ayant que luy en sa famille de baptisez, faisants profession du Christianisme, vn an apres au mesme jour, il y en auoit prez de cent, dans le pais, faisants la mesme profession, à la conuersion desquels il n'auoit pas peu contribué.

le ne m'estendray point dauantage en ce Chapitre, ny aux suivants, sur plusieurs autres particularitez des affaires qui se sone passées, nommément sur les Baptesmes tant des enfants que des adultes malades; tant pour éuiter la longueur; que pour ne donner de l'ennuy à ceux qui pourront ietter les yeux sur ce Narré. Car quoy qu'en plusieurs il y ait beaucoup de choses considerables, & qui sont ouurages excellens de la bonté, justice & Prouidence de Dieu sur ses Creatures, il en est toutesois de ces affaires, comme des ouurages de

peinture ou de sculpture, desquels si les traits sont subtils & delicats, ils nese peuuent voir de loin auec contentement, pour excellens qu'ils puissent estre, & demandent des personnes qui ne soient point essoignees, pour les voir de prés, & en conceuoir le merite. Ces cas donc seront reseruez à l'entretien des sain êtes Ames au sejour bien heureux de l'Eternité. Qui cependant nous ayderont encore, s'il leur plaist, à remercier la diuine Maiesté, austi bien des saueurs particulieres & occultes, que des esclatantes & generales.

l'aurois tous les torts du monde, si ie fermois ce Chapitre, deuant que d'adiou-ster vne autre cause de l'aduancement de cet ouurage. Ce sont les saintes prieres & deuotions de tant de bonnes Ames qui sont en France, & qui prennent vne si grande part, & yn si grandinterest à tou-

tes ces affaires.

le mesuis quelquesois estonné de l'ordre que tenoit autresois ce grand Apostre des Indes, S. François Xauier inuitant, & coniurant la diuine Maiesté de l'assister à l'entreprise de la conuersion des insidelles des contrées où il estoit, en vne sienne Oraison qu'il disoit tous les iours à ce suiet.

60 Relation de la Nouvelle France, & quise trouue dans sa vie, il y met en premier lieu les prieres des sainctes Ames, comme les plus puissants moyens qu'il eust de slechir Dieu, & le porter à faire miseri-

corde à ces pauures Errans.

Mais l'experience me fait sortir de l'estonnement, car considerant dans la recolte de ceste année, ce qu'il plaist à Dieu nous faire esperer à l'aduenir de nos trauaux en ces contrées, & cependant le peu de proportion de nos forces auec tels ouurages, ie me sens forcé de reconnoistre que comme dans le Ciel; qui roule dessus nos testes, il y a des Estoilles & des constellations si puissantes, que la premiere & principale vertu productiue de certaines richesses de la terre leur est attribuée; ce qui se fait ordinairement par les Philosophes, lors qu'ils ne rencontrent icy bas aucune cause proportionnée à l'effect: Que pareillement dans le ciel de l'Eglise, il y a des Estoilles & des constellations mystiques si puissantes à influer sur les affaires que nous auons entre les mains, que la premiere & principale vertu productiue des biens que nous pouuons faireicy leur doit estre attribuée, puis qu'en effect nous n'y voyons pointicy bas d'autres causes proen l'année 1638. & 1639.

portionnées à ces effects.

Ie pretens par cecy en faire vne reconnoissance, & vn remerciement general, duquel chaque sainte Ame & communauté, prendra s'il luy plaist la part qu'elle y pretend, & qui luy est deuë, si elle n'ayme mieux quittant ses droits, attendre de Dieu sa recompense.

CHAP. V.

De la Residence de S. Ioseph au bourg de Teanaustayaé. De ce qui s'y est passé de plus remarquable, es principalement de la Naissance es establissement de la N. Eglise de ce bourg.

A resolution estant prise, de quitter la demeure d'Ihonatiria, à faute d'habitans, la pluspart ayant esté emportez ou dissipez par la maladie, comme a esté dit cy dessus, & plus amplement encore en la precedente Relation: on ne sut pas long-temps à aduiser, de quel costé il seroit à propos de tirer. Le bourg de Teanaus stayaé estant le plus considerable de tout le

62 Relation de la Nouvelle France; païs, & qui par consequent estant vne fois gagné à Dieu, donneroit vn grand bransle à la conversion de tout le reste.

Maisquelle apparence d'entamer ceste assaire, & moins encore d'en venir à bout; ce bourg ayant esté vn peu auparauant vne des principales boutiques, où s'estoient forgees des calomnies les plus noires, & les desseins les plus pernicieux contre nous. Iusques la que les Capitaines auoient publiquement exhorté la ieunesse; à nous venir massacrer à ce bourg icy ou nous estions d'Ossosane. Toutesois celuy à qui rien n'est impossible, a donné plus de facilité à l'vn & à l'autre que nous n'eus-siamais osé esperer.

Appuyé donc sur Dieu seul, le P. Iean de Brebeuf se transporte à ce Bourg, parle aux particulieres, puis au Conseil, & faich sibien, qu'il gagne les vns & les autres; de sorte qu'en peu de temps ils arresterent de nous receuoir dans leur bourg, & de nous y donner vne cabane. Ce qui sut executé, la premiere Messey sut dite le 25, de Iuin, au grand contentement de nos Peres, qui auoient de la peine de croire ce qu'ils voyoient; tant vn peu auparauant, ce bourg nous auoit eu en abomination.

Il est vray que ceste cabane est si pauure & sichetiue, que si le Sauueur du mode n'eût autresois pris luy-mesme, dans la necessi-té, le logement de l'estable de Bethleem, nous aurions de la peine de luy donner tous les iours vne espece de nouvelle naissance en ce lieu, qui n'est couvert que de meschantes escorces, par où le vent entre de tous costez. Mais la necessité & l'impuissance de mieux, nous excuse facilement envers la divine Maiesté. Voila la premiere année accomplie depuis l'establissement de ceste Residence: voicy les fruicts qu'elle a porté.

Enfants baptisez en danger de mort, au nombre de 49. dont dix-huist s'en sont enuolés au Ciel. Des autres qui sont réchapez, iene scay si plusieurs n'en ont point

l'obligation au sain & baptesme.

Adultes baptisez dans la maladie, apres auoir esté instruits au nombre de quarante-quatre dont vingt six ont pris, comme il est à esperer, le mesme chemin du Ciel. De ceux qui sont racheptez, quelques-vns ont fait profession d'en auoir l'obligation au sain et baptesme; mais tous ceux qui luy ont ceste obligation, n'en ont pas, à nostre grad regret, tel ressentimet qu'ils deuroiet.

64 Relation de la Nouvelle France;

Adultes cathecumenes baptisez en pleine santé auec leurs enfants, au nombre de vingt-huict.

Venons aux particularitez les plus re-

marquables de ces baptesmes.

Le premier baptisé dans ce bourg ayant esté vn pauure mal-heureux Hiroquois, prisonnier de guerre, qu'on menoit à vn autre bourg voisin, pour le donner en recompense, aux parents de cebraue Taratdane, qui fut pris ces années passes par les Ennemis, comme il a esté remarqué dans les precedentes Relations. Ie ne sçay si e ne dois point vn peu arrester à considerer & admirer l'adorable Providence de Dieu, sur ce pauure mal-heureux, & sur ses semblables, au nombre de 12. ou 13. baptisez par les Peres de ceste Residence; mais i'ayme mieux laisser ceste reflexion à ceux qui ietteront les yeux sur ce Narré, & m'arrester seulem et à remarquer quelques circonstances de ces rencontres qui les rendent plus considerables.

De long temps, les Hurons n'ont eu plus de bon-heur & dauantage sur leurs ennemis, que l'année derniere. Estants assez à la guerre auec quelques Algonquains leurs voisins, ils prirent pour vn

coup;

en l'année 1638. & 1639.

65

vingts; qu'ils amenerent en vie dans le païs. Outre cét aduantage le plus considerable de tous, ils en ont eu d'autres de moindre importance, qui en tout leur ont de de moindre importance.

donné plus de cent prisonniers.

Tous ceux qui ont esté destinez pour les Bourgs ou nous auons des residences, ou pour les voisins; ont esté, graces à Dieu; instruicts & baptisez; & presque pas vn sans des rencontres si particulieres, qu'il y a suiet de croire; qu'il y auoit en leur fait quelque conduite spéciale de la divine Prouidence & de leur predestination. En plusieurs on n'a eu que le temps precisément qu'il falloit pour leur instruction & baptesme: d'autres après estre baptiséz, se sont trouvez si consolez, qu'ils ne se poùudient tenir de mettre en chanson, ce suier de leur consolation, qu'au moins doresnauant ils estoient asseurez d'aller au Ciel. D'autres ont réfusé genereusement de contrefaire des actions sales & impudiques, à quoy on les vouloit porter : D'aurres en suite ont fait paroistrétant dé constance dans leurs tourments, que nos Barbares prirent resolution de ne plus souffrit qu'on baptisast ces pauures infortunez, re66 Relation de la Nouvelle France, putans à mal-heur pour leur pais, quand

ceux qu'ils tourmentent, ne crient point

ou fort peu.

En effet, cela nous a donné depuis tant de peine, qu'il n'y en a eu pas vn, pour lequel baptiser il n'ait fallu donner des batailles contre ceux qui en sont les Maistres & les Gardiens. Et quelquesois a esté necessaire de redimer ceste violence de

quelque present.

Entre ceux qui ont fait paroistre plus de constance, & plus de connoissance de leur bon-heura esté vn nommé Ononel Saia, & en son baptesme Pierre, qui fut vn des prisonniers de cette principale désaite, dont nous venons de parler, Capitaine des Onei8chronons nation d'Iroquois. Celuy-cy estant attachéà vn pieux sur vn theatre, non guere loin d'vn sien compagnon attaché à vnautre, ou nos barbares les tourmentoient à l'enuy les vns des autres, par l'application des flammes, des tisons, & des fers ardents, auec des façons cruelles au dela de tout ce qui s'en peut escrire, & de toute l'imagination de ceux qui ne l'ont point veu. Pierre, dis-ie, voyant ce sien compagnon perdre patience dans ces tourmens, le consoloit & l'enen l'année 1638. Co 1639. 67 courageoit par la representation du bonheur qu'ils auoient rencontré dans leur mal heur, & de celuy qui leur estoit preparé apres cette vie. En sin le voyant mort, ah, dit-il, mon pauure camarade, as tu demandé pardon à Dieu deuant que de mourir? craignant que ce qu'il auoit testonigné de douleur, ne sut quelque peché considerable.

Ce braue courage qui meritoit vne meilleure fortune, ne sut iamais plus tourmenté par nos barbares que depuis la mort de ce sien compagnon. Car celuy-cy estat mort plustost qu'ils nes'attendoient, ils deschargerent tous ensemble le reste de leur sureur sur celuy qui restoit. La premiere chose donc qu'en suite ils luy sirent, sust qu'vnd'eux luy cerna auec vn cousteau la peau de la teste, laquelle il escorcha, pour emporter la cheuelure, & la garder selon leur coustume fort precieusement.

Apres vn tel traictement, à peine croioit on qu'il restast en vn corps si vsé de tourmens, aucun sentiment de la vie: mais voila qu'il se leue subitement, & ne voyant sur l'eschafaut, que le cadaure de son cher compagnon, il arme ses mains qui 68 Relation de la Nouvelle France,

estoient toutes en lambeaux, d'vn tison, pour ne pas mourir en captif, & desendre ce peu de liberté qu'il auoit recouurée vn peu auparauant la mort. La rage & les cris de ses ennemis redoublent à ce spectacle, ils accourent à luy, les fers tous-rouges à la main. Son courage luy donne des forces, il se met en dessences, il darde sestisons sur ceux qui l'approchent plus prez, il abat les eschelles pour leur rompie chemin, & sesert des feux & des flammes dont il venoit d'esprouuer la rigueur, pour repousser sortement leur assaut. Le sang qui rejallissoit de sa teste sur tout son corps eust fendu de pitié vn cœur qui eust eu quelque reste d'humanité: mais la fureur de nos barbares y trouuoit son contentement. Les vns luy iettent des charbons & des cendres ardentes; les autres de dessous l'eschafaut trouuent passage à leurs tisons. Il voit de toutes parts quasi autant de bourreaux que despectateurs; lors qu'il éuite vn feu, il en rencontre vn'autre, & ne fait aucune démarche qu'il ne tombe dans le mal-heur qu'il fuir.

En se desendant vn long temps de la sorte, vn saux pas le sait tomber en arriere

en l'année 1638. 65 139. 69

par terre. Ses ennemis en mesme temps fondent sur luy, le brussent derechef, puis le iettent au feu. Ce courage inuincible se releue du milieu des flammes, tout reuestu de cendres qui s'estoient imbucs dans son sang. Deux tisons tous flambans en ses mains, ilse tourne vers le gros de ses ennemis, pour leur donner la peur encore vne fois auant que de mourir. Pas vn n'est si hardy que de l'attendre, il se fait place & marche vers le Bourg, comme pour y mettre le feu.

Il auance enuiron cent pas, qu'on luy. iette vn baston qui le renuerse à terre; auant qu'il se releue, on est sur luy, ils luy coupent les pieds & les mains, & ayants. pris le reste de ce corps tronçonné, ils le tournent de tous costez sur neuf diuers braziers, qu'il estouffa quasi tous de son sang. En fin ils le fourrent sous vn tronc d'arbre tout en seu, renuersé par terre; afin qu'en mesme temps il n'y eut partie de son corps qui ne sust cruellement brussée. Ce fut alors que la nature deuant que ceder à la cruauté des supplices sitvn dernier effort que iamais on n'eust attendu. Car n'ayant ny pieds ny mains, il se roula dedans les flammes, & s'en estant mis hors, marcha 70 Relation de la Nouvelle France, plus de dix passur les coudes & sur les genoux du costé de ses ennemis, qui s'entuirent de luy, redoutans les approches d'vn homme auquel rien ne restoit que le courage, qu'ils ne pouuoient pas luy rauir, si-

non luy arrachant la vie.

Ce qu'ils firent en fin, vn d'eux luy couppant la teste auec vn cousteau: coup heureux qui luy donne la liberté, car nous auons suiet de croire que ce braue courage iouit maintenant dans le Ciel de la liberté des enfans de Dieu; puisque mesme ses ennemis crioyent tout haut, qu'il y auoit plus que de l'humain là dedans; & que sans doute le baptesme luy auoit donné ses forcès & ce courage, qui surpassoit tout ce que amais ils auoient veu.

Quelques Sauuages ont rapporté auec admiration, & quelque espece de conuiction des veritez que nous seurs preschos, qu'vn peu deuant qu'il receut le dernier coup qui luy apporta la mort, il seua ses yeux au Ciel, & s'escria auec ioye. Allons donc, allons! comme s'il eust respondu à

vnevoix qui l'inuitoit.

Certes il semble qu'il ne s'agissoit d'autre voyage que de celuy du Ciel, ou sans distinction, le captif s'il le veut, a autant de en l'année 1638. & 1639.

71

droict & d'accez, que celuy qui est en liberté. On apprit des autres prisonniers ses compagnons de fortune & de misere, ce

quisuit.

Quelques Auanturiers de la bande de nos Hurons & Algonquains, ayants en ceste principale défaite, deuancé leur troupe qui estoit de trois cens hommes; pour descouurir s'il y auoit point d'ennemis en embuscade, s'en trouuerent plustost plus proches qu'ils ne pensoient. Ils ne furent pas toutesfois tellement surpris, que la pluspart ne peûtseretirer vers le gros: vn d'eux seulement sut atrappé par les ennemis, qui se voyants descouuerts prirent resolutió de s'en retourner auec ceste seule conqueste, quoy qu'ils fussent au nombre de cent. Mais le captif les voyant en ceste disposition, leur donna à entendre que ceux qui venoient apres eux n'estoient pas en tel nombre qu'ils n'en peussent facilement venir à bout : Il leur dit cela d'yn tel air, & d'vn tel accent, qu'ils le creurent, & se resolurent de faire vn fort, & là d'attendre tout le gros, de leurs ennemis. Mais ils furent bien estonnez à l'approche de nos Barbares d'en voir la multitude, & dese voir entourez de la sorte, qu'à peine auoient ils le moyen de fuyr. Toutesois y ayant encore quelque endroit, par où ils pouuoient eschapper, apres auoir deschargéleur colere sur leur captif, qu'ils mirent aussi tost en pieces, on mit en deliberation

ce qu'il y auoit à faire.

La pluspart opinant à la fuite, Ononkgaja ou Pierre, celuy dont nous venons de parer, iettant les yeux au Ciel, & voyant le Soleil sans aucun nuage. Ceste resolution, dit-il, seroit passable, si le Ciel estoit couvert & sile Soleiline devoit estre spe-Cateur de ceste lascheté, mais celan estant pas, il faut combattre tant que nous poutrons, & puis vn chacunaduisera à ce qu'il à a faire ainsi dit. Ainsi executé, Mais nos Hurons & Algonquains iouerent si bien leur personnage, que n'en ayant tuésur la place que 17, où 18, ils privent tout le reste envie, à la reserue de quatre ou cing, qui leur eschaperent. Et les ayants tous amenez au pais, ils furent distribuez partous les bourgs, où on leur fist souffrir ce qu'il n'est pas possible d'expliquer.

le ne puis toutefois obmettre icy vne circonstance des cruautez que l'on exerça sur celuy qui le premier depuis mon arriuée en ce pais, y sust amené prisonnier de

en l'année 1638. & 1639. guerre, ce fut le premier iour de Decembre, ce qui donna occasion de le nommer en son Baptesme François, en l'honneur desain& François Xauier, dont le lendemain nous faisions la feste. Ce pauure mal-heureux la nuiet de ses tourments (car il est de l'essence d'y employer au moins toute vne nuict) fut entr'autres entrepris par vn de nos Barbares: qui luy ayant commandé de mettre les mains contre terre, les luy perça l'vne apres l'autre auec vn fer ardent, & ne cessa de les hausser & baisser, & les tirailler le long du fer, jusques à ce que le feuen fut esteint. On a dit qu'vne autre luy en fit autant aux pieds: il ne falloit plus que luy ouurir le costé, pour estre en quelque maniere semblable a celuy dont le sang luy auoitesté vn peu auparauant appliqué par le S. Baptesme; & cela pareillement ne luy manqua pas: car vn peu deuant que d'expirer, on le luy ouurit, pour luy arracher le cœur. Si ceste espece de tourment n'a seruy à ce pauure infortuné pour le consoler de se voir en ceste façon semblable à celuy qu'il ne connoissoit, que pour ne le pasignorer; & autant seulement qu'il estoit necessaire pour l'experimenter son Sauueur; au moins a-il

74 Relation de la Nouvelle France,

seruy à d'autres qui ont ressent des touches particulieres, de l'obligation que nous auions à ce bon Seigneur & Maistre qui par les playes qu'il a voulu receuoir pour nous, nous a deliuré des seux & des tourments, dont ceux que nos Barbares exercent enuers leurs captifs, ne sont

qu'ombres & figures passageres.

Nos Barbares qui sçauent le desplaisir que nous auons de ces cruautez, & en particulier de l'eur inhumanité à manger les corps de ces pauures victimes apres leur mort, trouuerent le moyen; pour nous faire d'espit de ietter par vne cabane, vne des mains de ce pauure defunct, comme nous donnant nostre part du festin. Nous sûmes surpris voyants à nos pieds ceste main percee; & considerants que c'estoit la main d'vn Chrestien, nous l'enterrâmes en nostre chapelle, & priâmes Dieu pour le repos de son Ame.

Onferoit vn Roman des aduentures de ce pauure captif. Il estoit Agnierhonon de Nation, qui fait vne des cinq des Hiroquois, la plus esloignée de nos Hurons, il partit de son païs, pour venir aux nations des Hiroquois les plus proches de nous, auec dessein d'y traiter quelque pource-

en l'année 1638. Et 1639. 75
laine qu'il portoit, pour des castors. Mais estantarriué, au lieu de faire ce pourquoy il estoit venu, il se met à iouer, & perd tout ce qu'il auoit apporté. Honteux de retourner au païs sans autre esset; il prend resolution de s'arrester là quelque temps, & voyant vn peu apres que quelques vns du lieu où il estoit s'en venoient à la guerre en nos quartiers: ilse met de la partie, mais leurs desseins ayants mal reussi, il sut du nombre des captifs, & amené en ce bourg, où il sit la sin que nous venons de representer.

Mais laissons ces pauures captifs, & venons à d'autres sortes de baptesme & de conuersion.

Ce n'est pas l'ordre de la Nature, de donner les fruits de la terre sinon apres vne année escoulée des influences des astres, du Ciel, & du trauail des hommes: mais la grace ne s'attache pas tousiours aux loix de la Nature, & il a pleû à Dieu en dispenser, en l'establissement de la nouuelle Eglise de ce bourg. Ou apres six mois de trauail on a veu ce qu'en plusieurs années on n'a peu saire ailleurs. En suite donc des instructions generales & particulieres qui ont esté donnees aux habitans de ce bourg

76 Relation de la Nouu. France,

Par les Peres de ceste Residence, selon l'ordre declaré au chap. 2, le premier des Cathecumenes qui se declare pour conuincu & resolude suiure la Vocation & semonce du S. Esprit, qui en suite demanda instamment le Baptesme, sut vn bon vieillard d'enuiron 70, ans nommé Aochiati.

On ne fust pas long-temps à reconnoi-Arequ'il parloit tout de bon, & qu'en effectileroyoit, & vouloit tout ce qui estoit necessaire pour receuoir le Baptesme. Et quoy qu'en suite on eust suiet d'esperer qu'il ne feroit pas moins qu'il promettoit; toutefois sa qualité de Sauuage nous empeschoit de nous haster en ceste affaire, & de luy donner contentement aussi-tost qu'il le desiroit. Mais le temps le pressant d'aller à vne traite, où il deuoit passer trois mois de temps auec beaucoup de dangers desavie, il redoubla ses instances, priant qu'on donna ceste consolation à son ame, qui ne pouuoit autrement, disoit-il, estre en repos; puis qu'apres la mort, ceux qui n'estoient point baptisez alloient en des feux qui ne s'esteignent iamais.

Nonobstant toutes ces instances, on iugea à propos de le differer, & se contentaon de le bien instruire & informer de l'acte de contrition: & ce pour bonnes raifons & considerations. Mais il semble
que la divine Providence nous voulut saire voir clairement, qu'elle l'avoit destiné
de toute Eternité, pour estre la premiere
pierre fondamentale de la nouvelle Eglise de ce bourg. Car deux iours après son
depart, le voila surpris d'vn si mauvais
temps, & adverty par tant de personnes
des embusches des ennemis, qu'il su contraint de rebrousser chemin, & de revenir
icy attendre vn temps plus sauorable, & de
meilleurs nouvelles.

Au mesme temps de son retour, se troua icy ce braue Chrestien de la Residence
de la Conception Ioseph Chihvatenhva,
les discours & la conversation duquel
l'ayant eschausé plus que iamais, il redoubla ses instances du baptesme, qui en sin
sut accordé le 20 de Decembre, & sut
nommé Mathias, comme celuy sur lequel
estoit tombé le sort de premier Chrestien
de ce bourg, comme de Cathecumene
baptizé en pleine santé, & auec solemnité.
Et il se trouva que sa cabane portoit le nom
de ce sain et Apostre, conformément à la
deuotion qu'on a eue de mettre chaque cabane de Sauvages, des bourgs ou nous tra-

78 Relation de la Nouvelle France, uaillons, sous le patronage & la protection de quelque sain & ou sainte du Paradis.

Ce qui nous fit plus facilement condescendre à son desir, fut qu'il estoit tous les iours sur le point de se mettre en chemin; & que quatre ou cinq iours auparauant, il auoit protesté à quelques chefs du bourg, qu'il estoit prest de quiter toutes les danses & superstitions diaboliques du païs; mais particulierement la danse des Nuds, dont il estoit le chef & le maistre. Ce bonhomme apres auoir respondu, & satisfait à. toutes les abrenonciations qui se trouuent dans les ceremonies du Baptesme, pendant la Messe repassant dans son esprit, s'il y auoit plus rien de mal à quoy il eust de l'attache, ne luy estant rien venu dont il douta, que le Petun, il demanda aussi tost si le perun estoit desendu, & donna à entendre qu'il estoit tout prest de le quiter, & abandonner en cas qu'il ne fust pas permis de s'en seruir. Ceste resolution peut passer pour des actes des plus heroïques que puisse faire vn Sauuage, qui se passeroit ce semble aussi-tost de viure que de peruner.

Auecce bon homme qui estoit veuf, surent baptisees deux siennes petites silles, lesquelles il cherissoit vniquement, ce en l'année 1638. © 1639. 79
qui n'estoit pas vne petite marque de sa
foy, & de son affection au Christianisme,
veul'imagination comune de tout le païs,
que le Baptesme fait mourir, toute sorte de
personnes, mais particulierement les enfants.

L'exemple de celuy-cy fursuiuy quelques iours apres d'onze autres personnes, choisies du nombre des Cathecumenes, qu'on auoit soigneusement instruicts, & qui ne cessoient de demander le baptesme. Ces douze ou quinze donc se trounas tous ensemble à la Messe le premier iour de l'année 1639. c'est le iour que nous remarquerons & recognoistrons à iamais pour celuy de la naissance de ceste N. Eglise, comme celuy de la Conception de la Vierge, pour la naissance de celle de la Residence de la Conception.

Depuis ce temps on a continué de fois à autre de baptiser ceux & celles qui se sont trouuez disposez & capables de ce bien; desorte que le nombre des personnes baptizées en ce Bourg, faisans profession du Christianisme, monte de present à pres de trente, comme nous auons dit cy-dessus.

Ienem'estendray point icy sur le contentement, & la satisfaction que wus don80 Relation de la Nouu. France,

ne ce petit troupeau, & particulierement quelques-vns: non plus que sur les causes qui ont precedé & concouru à ce sain& Ouurage, le tout estant semblable, & presque en rien different de ce que nous auons deduitau Chapitre precedent, parlant de la Naissance de la N. Eglise de la Residence de la Conception. Quandil n'y auroit que la resolution, & la constance de ces Neophytes, à faire profession du Christianisme au beau milieu de leur Nation, l'vne des plus peruerses de la terre; où ils se trouuent dans les attaques continuelles des railleries &-calomnies, des craintes & frayeurs, des mal-heurs dont on les menace de tous costez; en suite de ce qu'ils se sont faits Chrestiens: Quand dis-je, il n'y auroit que ce point, nous aurions tout suiet d'estre contens. Et cétarticle semble si considerable qu'il merite qu'on en parle vn peu plus au long, mais cela se fera plus commodement en l'vn des Chapitres suiuants; ou nous traicterons des trauerses & disficultez quisesont trouuées, & se rencontrent encore tous les iours en la naissance & establissement de ces nouuelles Eglises. Disons auparauant quelque chose des Missions:

CHAP:

CHAP. VI.

De ce qui s'est passé de plus remarquablé dans les Missions.

E dix Peres de nostre Compagnie qu'il y a icy, s'en estant trouué sept sur la fin de l'année passée (non sans vne grace & faueur tres speciale de Dieu) qui entendoient la langue de nos Sauuages, & la parloient suffisamment pour converser auec fruict parmy eux; & leur donner les instructions necessaires pour leur salut: Et trois autres derniers venus, qui deux ou trois mois apres leur arriuée, par le secours & assistance des autres, qui ont heureusementreussià reduire cette langue & preceptes, & en faciliter l'entrée à ceux qui viennent de nouueau; se trouuoient capables de tenir vne petite escole, pour enseigner les enfans à prier Dieu: On considera que trois des anciens auec vn nouueau pouuans en quelque façon suffire au trauail de la vigne de chaque Residence, on pourroit seseruir d'vn ancien auec vn 32 Relation de la Nouvelle France,

nouueau, pour aller batre la campagne; & seruir aux desseins de la diuine Prouidence

sur quelque predestiné.

Le Bourg sur lequel d'abord on ietta les yeux, sut celuy de Scanonaenrat: tant parce que c'est vn des plus considerables du pays, saisant luy seul vne nation entiere, des quatre qui composent les Hurons, ainsi que nous auons declaré au Chapitre premier: que parce qu'il n'est essoigné que de cinq quarts de lieues de la Residence de sain à loseph. D'où s'ensuiuoit, que si Dieu donnoit benediction au trauail qu'on auoit à prendre en ce bourg; les Peres de cette Residence pourroient sacilement entretenir & arrouser le champ, qui auroit esté ensemencé.

Si nous n'eussions eu esgard à la puissance du Maistre que nous seruons, & dont nous portons la parole; sans doute il y auoit dequoy s'effrayer, & se rebuter de ce dessein; les barbares de ce bourg passans en commun discours des habitans de ces contrées, pour les Demons du pays. Mais tant s'en faut que cette qualité qu'on leur donne nous destournast, que plustost elle nous porta, appuiez vniquement sur le seul sondement & ressort de telles entreprises qui est IESVS Christ, à donner d'oresnauant à ce bourg le nom de sain & Michel, en l'honneur des sain & Anges; ausquels nous ne des esperions pas que ces pauures peuples vn iour seroient plustost semblables, qu'à ceux dont on leur donnoit le nom.

Ie nesçay si ce sut de l'invention & stratageme de l'ennemi commun des hommes, qui n'agreoit pas vne telle resolution; que le iour que les deux Peres partirent, deuans arriver au giste sur les quatre heures du soir; en cette mesine heure ils s'esgarent de la sorte dans les bois, qu'ils n'y arriverent qu'aux quatre heures du matin, du lendemain, ayans marché douze heures durant & toute la nuict, chargez pour la pluspart du temps chacun d'vn pacquet, dont en fin ils furent contraints de se descharger du plus pesant & le cacher proche d'vn ruisseau, pour le pouuoir plus aisément retrouuer, quand on seroit en estat de le pouvoir chercher.

Il auoit neigé vne bonne partie du iour, & si la nuiet eut esté telle qu'il sembloit qu'elle deuoitestre: les deux l'eres possible n'en eusset pas esté quittes à meilleur marché que quelques-vns de nos Sauuages qui

s'estans pareillemet, quelque temps apres, esgarez dans les bois pendant la nuiet, surent trouuez morts le l'endemain. La neige qui estoit tombée, leur sit plus de bien que de mal; car elle leur seruit à appaiser la faim, & sur tout la soif, qui dans le tra-uail & le soucy de personnes esgarées ne seur donnoit pas peu de peine: Et, à leur rapport, la neige n'est pas yn si mauuais manger, qu'on pourroit penser! ou pour mieux dire, la necessité est yn maistre

Quoy que s'en soit ils se trouverent sains & sauss à la maison sur les quatre heures du matin, & seur pacquet saissé proche d'vn ruisseau, où estoit vne bonne partie de la Chappelle, sut heureusement retrouvé le

mesmeiour.

cuisinier.

Il pleut à Dieu disposer les affaires de la forte, que l'on sit rencontre d'une cabane dans le bourg de sain et Michel, la plus commode qui se pouvoit rencontrer, pour ce qu'on y pretendoit. Il n'y avoit qu'un seul seu ou famille; qui estoit instement ce qu'il falloit pour estre deschargez du soin du viure: il s'y trouva un petit retranchement propre à y dresser une Chappelle, où l'on dit tous les iours la Messe, tant

en l'année 1638. & 1639. 85 qu'on y demeura, qui fut l'espace de trente iours.

De premier abord, on parle à l'assemblée des Capitaines, qui estoient au nombre de dix ou douze, à qui on declare ce qu'on pretendoit: qui estoit de leur donner & à tout le bourg, la cognoissance d'vn seul Dieu, & de I E S V S-Christ N. Seigneur & Redempteur. Pour quoy leur donner mieux à entendre, les Peres portoient ordinairement vn Crucifix pendu au col. Le conseil agrea la proposition de ce dessein, auec des formes & des complimens qui surpassent de beaucoup l'imagination ordinaire qu'on a des Sauuages.

Dés le lendemain l'vn des Peres commença, à faute de clochete, d'aller faire vne criée par tout le bourg, selon la coustume du pays pour les assemblées generales: en suite de laquelle on ne manqua pas de voir bien tost la cabane toute pleine. Il y auoit trop de nouueauté & d'appareil, pour en attendre moins, mais la confusion obligea, les iours suiuans, d'en exclurre les enfans, & leur assigner le temps d'apres les assemblées, pour venir à la petite escole.

Ce concours toutes sois si general ne du-

86 Relation de la Nouvelle France,

ra pas long-temps. Onvidbien tost la separation du bon grain d'auec le mauuais, & qui estoient les brebis entendans la voix du Pasteur, & qui ne l'estoient pas. Les premiers continuoient d'y venir; & escoutoient volontiers: les autres apres auoir satisfait à leur curiosité, ne s'y trouuerent plus; où s'ils y venoient, ce n'estoit que pour y brouiller, & pour y commettre des insolences. C'est ce qui obligea de changer de batterie; & de s'appliquer totalement à la visite des cabanes: ou apres qu'on auoit recogneu plus particulierement les terres ou le grain auroit pris racine; on pourroit faire des assemblées particulieres, de ceux qu'on auroit recogneu auoir quelque pieuse affection au Christianisme qu'on leur auoit publié.

L'experience nous a fait voir par tout, que c'estoit de la sorte qu'il en falloit vser, au moins auec ces barbares, parmy lesquels nous viuons. Au commencement qu'on les aborde, il est à propos, voire necessaire, de faire tant de predications publiques que l'on peut, puis dans la continuation s'il arriue du desordre, & de l'insolence, on se cotente des visites dans les cabanes, & des sus sus cabanes, & des sus sus sus cabanes, & des sus sus cabanes, & des sus sus sus cabanes.

en l'année 1638. & 1639.

87

lieres; & seulement de fois à autre renouueller le cry, en la publication de l'Euangile, pour seruir au moins à iustisser vn iour la bonté & misericorde de Dieu sur

ces peuples.

On iugea aussi, que des assemblées particulieres de Capitaines & plus anciens du bourg, pourroient estre de grand prosit. Ce que iugeans bien qu'on ne pouuoit pas esperer que par quel que attraict temporel, il fallut le resoudre de ietter chaque sois quelques pains de petun au milieu de l'assemblée, lésquels aussi tost estoient couppez par morceaux, & distribuez par les principaux Capitaines, ou par leur ordre. Ce qui reussit comme on le pretendoit. C'est en ces assemblées, ou se trouua quelquefois le Chrestien de la Conception Ioseph Chehvatenhva, dans lesquels il fit merueilles debien parler & expliquer nos mysteres.

Mais il faut aduo üer, que si Dieu ne met fortement la main à tels ouurages, il n'y a rien à gaigner que des paroles, & des propositions qui s'en vont en sumée. Il s'en est trouué tel dans ces assemblées particulieres de Capitaines, qui iettant sa peau ou mante bas, venoit tout nud proche des

f iiij

88 Relation de la Nouvelle France?

Peres, presentant sa teste & tout son corps à baptiser, mais c'estoient des saillies qui n'estoient pas de saison, dont le sendemain on ne voyoit ny fruict, ny fleur.

En fin tout bien consideré, l'estenduë d'vn mois, qui estoit le temps qu'on s'estoit proposé, s'en allant escouler; on se resolut de prendre ce qui sembloit paroistre de plus asseuré: & le sort tomba sur quatre chefs de famille, qui furent baptisez solemnellement : dont l'vn estoit nostre Hoste. Ce qui donna beaucoup de cosolationaux Peres) & deux autres Capitaines du bourg; dont l'vn semble estre plus du nombre de ceux pour lesquels les Anges viendroient du Ciel au defaut des hommes, plustost que Dieu manquast à leur pourueoir des moyens de sesauuer; tant ce bon homme & toutesa famillese sont trouuez raisonnables, & exacts obseruateurs de la loy de Nature. Leurs femmes toutefois & leurs enfans ne furent poine baptisez; la crainte & la frayeur restant encore trop grande dans ce bourg, aussi bien que dans le reste du pays; que le baptesme faisoit mourir, ou rendoit ceux qui le receuoient suiets à mille maux & miseres. En quoy est de plus considerable la resolution de ces pauures Neophytes, dont quelques-vns se sont portez au baptesme, aussi bié que plusieurs autres, aux autres endroits auec cette pensee. En deusse-ie mourir.

Ce fut le premier iour de l'an 1639. Que ces baptesmes se firent, dont le lendemain qui estoit Dimanche ces Neophytes s'cstant trouuez ensemble pour la premiere fois à la Messe, au nombre de cinq ou six, on pouroit remarquer ce 2. iour de la presente année, pour le premiere de la naissance de cette Eglise nouvelle; le nonibre estant suffisant pour porter le nom d'assemblee ou congregation. Quelques iours après on en baptisa quelques autres; & en suite encore d'autres en diuerses occasions & visites, qui ont esté faites depuis en ce bourg: de sorte que de present, le nombre des Chrestiens qui y monte à vne vingtaine, quelqu'autre personnes, soit enfans ou plus aagees y ont esté baptisees en extremité de maladie ou misere; comme entr'autres vn pauure prisonnier Hiroquois, qui y sut amené pendant que les Peres y estoient pour la premiere fois. Ce pauure mal-heureux ayant duré 24. heures apres son baptesme, on aprit qu'en sa derniere & funeste nuict il auoit fait effort, pour

s'estousser de luy-mesme. Cela obligea de l'aller trouuer, vn peu deuant qu'on exerçast sur luy les dernieres cruautez; & luy faire reconnoistre sa faute, le porter à s'en accuser, & en demander pardon; ce qu'ayant sait, on luy donna l'absolution, & deux heures apres il bouilloit dans vne chaudiere, dont ceux de la cabane des Peres furent inuitez de venir prendre leur

part

Voilà la principale Mission de cette année. C'estoit bien le dessein d'en faire au moins vne ou deux autres semblables pendant le reste de l'hyuer qui est le seul temps qu'on peut ioüir des Sauuages : qui en toute autre saison sont en guerre ou en traite. Mais s'estant trouué plus de peine & de soin à nourrir & esseuer les enfants spirituels de ces trois nouuelles Eglises; qu'on n'auoit eu à leur donner la vie de la grace; & beaucoup plus d'affaire à l'affermissement qu'à l'establissement de ces Ouurages, il à fallu vacquer au plus pressé. On n'a pas laissé de faire quelques courses, en diuers endroits, de moins de durée, qui ont eu de bons effets. En voicy quelques exemples.

Le 30. de Decembre iour desain & An-

en l'année 1638. & 1639. dré, vn de nos Peres estant allé au Bourg de Taenhatentaron, que nous auons surnommé de sain & Ignace, essoigné d'enuiron 2. lieuës de celuy de la Residence de fainct Ioseph, il y baptiza vn ieune enfant fort malade, & vn vieillard d'enuiron quatre-vingts ans, qui n'auoit autre maladie que celle de sa vieillesse; mais au reste se trouuoit tout disposé à escouter. Et en suite donna à entendre qu'il croyoit, & estoit tout resolu de faire ce qu'il falloit pour estresauné. Le Peresentit de l'inclination àne point differer plus long-temps, à le mettre en estat de ce faire, & là dessus le baptize.

Deux iours apres, iours de la feste de S. François Xauier, la nouuelle estant venuë asseurée de l'arriuée d'vn prisonnier de guerre, Hiroquois de nation, au sussitie bourg, qu'on y auoit amené des dernieres bourgades du païs, pour le donner à quelque parent de ceux qui auoient esté pris autresois par les Ennemis. Le mesme Pere qui y auoit esté deux iours auparauant, sut deputé auec vn autre, pour alter promptement à la despoüille de ce pauure malheureux; & trauailler pour leur part au gain de son Ame. Comme ils approchent du

92 Relation de la Nouvelle France,

bourg, ils aperçoiuent vne fosse que l'on faisoit; ils demandent pour qui? on respond que c'est pour vn tel vieillard, mort le iour precedent, & c'estoit iustement celuy qu'on auoit baptizé, qui estoit mort le lendemain de son Baptesme. Ils s'enquestent des nouuelles de l'enfantqui fut baptisé en mesme temps; & ils apprirent qu'il se portoit mieux. Passans plus auant ils arriverent à la cabane où estoit ce pauure prisonnier. C'estoit vn ieune home de 22.ans d'aussi bonne grace, & aussi bien fait qu'on en puisse rencontrer, qui ne sembloit auoir rien de barbare, que la misere & la condition où il estoit. Il portoit deux mains toutes saigneuses des doigts qu'en riant & par plaisir on luy auoit coupez par auance du traitement qu'on s'attendoit de luy faire la nuict suiuante.

Ce pauure ieune homme, aux premieres paroles que luy dirent nos Peres, parur
si abatu de la douleur qu'il souffroit, & de
son mal-heur, que l'on douta si on en pouuoit esperer beaucoup de contentement.
On s'aduisa de tirer quelque image de N.
Seigneur. A cette veuë l'esprit de ce ieune
homme se resueille; il escoute ce qu'on
luy dit. Et pour le faire court, il donne tou-

en l'année 1638. & 1639.

te la satisfaction necessaire pour ce qu'on pretendoit; voire mesme se met à chanter son acte de contrition, tesmoignant beauboup de contentement, & de consolation,

ilfut dont baptisé.

Mais voicy ou parut particulierement adorable la Prouidence diuine sur ce pauure infortuné: car les affaires ne s'estant pas trouuées telles qu'il falloit, pour le laisser à la disposition de ceux de ce bourg, on prit resolution de le remener d'où il, estoit party, pour aduiser de rechef à ce qu'on en seroit. Mais y estant vne sois arriué, il n'ensortit plus, & passa là par les cruautez ordinaires aux barbares de ces contréces: comme s'il n'y pouuoit mourir, qu'auparauant il n'eût esté baptizé, & comme s'il n'y auoit autre affaire pour luy en nos quartiers, que d'y rencontrer cette heureuse fortune, par laquelle il se trouuz en estat deschanger son extreme misere en vne felicité Eternelle.

Au commencement du Printemps, les Chrestiens des Bourgs où nous auons des Residences & qui font les 2. principales Eglises ou assemblées, s'estans dissipez, & allez qui deçà qui delà, les vns en traite, les autres à la pesche, d'autres principale-

94 Relation de la Nouvelle France, ment à la guerre : les ouuriers de l'Euangile se trouuerent auec vn peu de relasche. Apres auoir donc vn peu respiré des trauaux passez, & s'estre refraischis spirituellemet, on en a appliqué ce qu'on à peu aux Missions, & aux visites des bourgs & bourgades du païs, auec dessein de ne laisser pas vne cabane de Sauuages, dans laquelle on ne se presente, & qu'on n'y parle & agise autant qu'il faut, pour seruir aux desseins de Dieusur ses Esleus. Pour cesuiet, quatre Peres ont esté destinez, deux d'vn costé & deux de l'autre, qui apres auoir parcouru leur quartier, retournent sur leurs pas, pour arrouser ce qu'ils ont semé. Leursoin principal est d'anoir l'œil aux enfants, vieillards & malades, sans negliger l'instruction des autres. Nous auons tout suiet de croire que Dieu reçoit beaucoup de contentement de cet exercice: & nos consciences se trouvent en fin par là en repos, & en asseurance, que rien n'est oublié, de ce qui peut estre fait mainrenant pour sa gloire & pour son service en ces contréee. Ces Missions depuis Pasques iusques à l'Ascension, nous ont donné 28. baptisez, dont iplusieurs sont allez au Ciel, comme nous le presumons de la

bonté & misericorde de Dieu. Mais ie n'estime pas moins l'impression & la disposition qu'on a laissé dans les esprits & les cœurs de tous ceux du païs, ce qui en son temps, comme nous esperons, seruira aux desseins de la Prouidence diuine, & nous donnera des fruicts lors que nous y penserons le moins.

Entr'autres baptisez par les Peres destinez aux Missions, ont esté onze prisonniers de guerre, de douze qui furent amenez au Païs sur la fin du mois de May de cette presente année. Ce ne sut pas sans peine & trauail, qu'ils vinrent à bout d'vne telle entreprise, pour les difficultez qui se rencontrent aux baptesmes de telles personnes, comme nous auons plus amplement declaré au chap. 5, mais il faut aduouer qu'il n'y a rien que la charité ne surmonte.

Ilsemble que Dieu nous voulut confirmer en ce rencontre, dans la pensee que l'experience nous auoit desia fait auoir d'autres occasions semblables. Que les Baptesmes de telles personnes n'estoient pas sans vne speciale disposition de sa bonté & misericorde, sur ces pauures mal-heureux, & sans que luy-mesme y mit la main. 96 Relation de la Nouvelle France,

Celuy seul des douze qui ne sur pas baptisé, ne fut pas celuy qui y cust moins de vocation & d'atrait. On trouua moins de resistance à l'aborder de la part des Sauuages qui le gardoient, qu'on n'auoit faict aux autres: On eust le moyen de luy rendre plus de tesmoignages de bonne volonté & affection; & cependant il ne futiamais possible d'obtenir de ce mal-heureux aucun agreement de ce qui luy estoit dit & representé. On l'attaque par trois diuers iours, & le suit-on la part ou on le menoits onne peustiamais rien gagner sur cet esprit, voire mesme empescha-il pour vn temps, qu'vn sien compagnon ne se fit baptiser, qui d'ailleurs tesmoignoit autant d'inclination & de pieuse affection à estre instruit, que ce mal-heureux en auoit d'auersion : mais vne fois ayans esté trouvez separez, on accomplit enuers ce 2. ce dont la compagnie de l'autre l'auoit destourné, l'ayant rencontré en aussi bonne disposition qu'auparauant.

Dés 12. il y en eust deux qui furent destinez pour ce bourg d'où i'escris, & abandonnez à l'ordinaire, par ceux qui en estoient les maistres, aux cruautez ordinaires du pais. Tous deux estoient du

nombre

en l'année 1638. & 1639. nombre des baptisez : dont l'vn particulierement sit paroistre vne constance dans ses tourmens, au delà non seulement de ceque iamais on n'a veu, mais peut-estre au delà de ce qu'on eust peu s'imaginer si on nel'eust veu. L'espace des deux premieres heures de la nuiet qu'il fut tourmenté de toutes les façons, auec tisons ardens, haches bruslantes, & autres ferremens tout en feu qu'on luy appliquoit par tout, il ne branslany remua non plus que s'il éust esté de marbre. Il nese plaingnit iamais, ny ne ietta aucun cry, non pas mesme vn souspir qui tesmoignast de la douleur : ce qui mettoit en furie ceux qui le tourmentoient, qui imputent à grand mal heur quand ils font rencontre d'vne telle constance, ils eurent beau faire, ils se lasserent plustost de le tourmenter que luy de souffrit; luy mesme s'arrestoit & se presentoit à ceux qui plus le vouloient tourmenter : & tandis qu'ils le faisoient il s'entrerenoit aussi frois dement auec tous ceux qui le vouloient questionner, de mesme que si c'eust esté vnautre qu'on eust tourmenté: & au defaut d'entretien il ne cessoit de chanter, & souvent repetoit dans sa chanson Aronhiae Eskenontera ie m'en vay donc au Ciel!

Relation de la Nouvelle France, Quoy qu'il n'y eust pas vn des nostres pres sent pour le faire ressouuenir de son bonheur. Lors qu'on l'aborda pour l'instruire la premiere fois, vous eussiez dit, qu'on luy eust porté vne nouvelle qu'il y atrente ans qu'il attendoit, & à laquelle de longue main il s'estoit preparé, tant il agrea & conceut tout d'vn coup le point de l'affaire. Toutes ces rencontres nous font toucher au doigt les secrets adorables de la predestination de Dieu sur ses Esleus. En sin le matin venu nos barbares le firent mourir promptement, voyans que la prolongation de ses tourmens, estoit celle de leur confusion, & qu'ils ne perdoient que leur peine sans en retirer ny donner au public aucun plaisir, qui consiste sur tout à entendre crier ces pauures victimes de leur fureur. Vn entr'autres qui pendant son instruction n'y auoit pareillement donné beaucoup de contentement ayant esté donné à quelques peuples esloignez; ceuxey par ie ne sçay quelle consideration se résoluent de luy donner la vie, & de le remener à son pais; mais lors qu'on fut sur le point de l'y conduire, comme si son baptesme ne luy eur deu de rien seruir s'il sortoit de ces contrées, il tomba dans vne

maladie qui luy apportant là mort luy donna la vie, & fust l'accomplissement de sa

Ie nesçay si ce que nos Sauuages apprehendent de mal-heur du presage de constance de leurs prisonniers, leur arriuera: Ie prie Dieu qu'il le destourne de dessus leurs testes: mais ie sçay bien qu'ils ont tout suiet d'ailleurs de l'apprehender. Ces 12. prisonniers sont les premices d'une guerre qu'ils ont entrepris de nouueau cette année contre un Peuple puissant, mommé senontouerhonons, les plus proches de tous seurs ennemis, auecqui depuis qu'elques années ils auoient la paix. Ils

voyent bien que cela ne leur peut apporter que malheur: mais quelques-vns de leurs ieunes gens ayans recommencé l'année passée à tuer quelqu'vn de cette Nation; le resouuenir & le resentiment de ceux de leurs parens, qui autresois ont esté maltraitez par ces peuples, a fait resoudre tout le pais, à reprendre la guerre contre eux, & les attaquer, plustost qu'à reparer la

fauitespectures de la servicio de la comparte del comparte de la comparte de la comparte del comparte de la comparte del la comparte de la comparte del la comparte de la c

CHAP. VIII

Des diuerses trauerses & difficultez qui se sont rencontrées en la naissance de ces nouvelles Eglises. Et de celles qui se présentent encore tous les jours en leur establissement.

Onsiderant de pres aussi bien que de loing ce païs des Hurons, & autres peuples voisins: il m'a tousiours semblé vne des principales sorteresses, & comme vn donjon des Demons. Et en essett ie ne pense pas qu'il y ait personne qui ayant consideré ou veu les difficultez d'y aborder, & d'y subsister; le souverain empire, & le repos auec lequel les Demons y ont dominé depuis tant de siecles; en fasse vn autre jugement.

La resolution des ouuriers de l'Euangile en ces dernieres années, de les venir attaquer en vn tel Fort, & leur donner l'alarme, les auoir irrité iusques au point qu'on a bien veu: particulierement ces deux dernieres années, qu'ils auoient coniuré leur

en l'année 1638. 65 1639. 101. ruine. Mais comme ils ne peuvent pas tout ce qu'ils veulent, leurs efforts ont abouti, où depuis le commencement du monde ils sont arriuez & arriueront à iamais; sçauoir à la plus grande gloire de Dieu, & à leur confusion, comme on a peu voir aux Chapitres precedens. Cen'est pas toutefois l'humeur de ces esprits orguilleux, de se rendre si-tost : tant plus leur confusion est grande; tant plus leur rage croist', qui leur fournit tous les iours de nouvelles inventions, de traverser les affaires de Dieu; sur tout quand ils voyent qu'il s'agist de l'estenduë du Royaume de Iesus-Christ, de luy former de nouuelles Espouses: en vn mot d'establir de nouvelles Eglises ou assemblees de Chrestiens, cela allant à la ruine fondamentale de leur empire, & au renuersement de leurs principales pretentions.

En effect, lors que l'arriuay icy sur la fin du mois d'Aoust, i'y trouuay les esprits des Sauuages en assez grand repos, & comme dans le regret & le repentir de ce qui s'estoit passé, s'estonnans de leur aueuglement & peu d'esprit, d'auoir de tels ombrages, & de si mauuaises inclinations pour des personnes comme nous,

102 Relation de la Nouvelle France,

qui ne leur faissons que du bien. Mais apres le retour des traites, on n'eust pas plustost redoublé les bateries des Predications & instructions tant generales que particulieres; & à trauailler tout de bon à l'establissement de l'ouurage que l'on pretendoit; que voila les langues quise dessient plus que iamais: On renquuelle toutes les plaintes & les cris. Que depuis que nous estions au pais, & que nous y auions semé nostre doctrine; on n'y voyoit plus que mal-heur & misere; on n'y voyoit plus de vieillards; que tout le paiss'en alloit en decadence & en ruine; qu'apres auoir fait mourir tous ceux du quartier ou nous nous estions mis d'abord, nous allions par tous les autres bourgs, pour faire le mesme dégast; que si on n'arrestoit la cause de tous ces maux, bien-tost on verroit toute leur nation aneantie.

Ces discours ne se tenoient pas seulement dans le particulier & en cachette, mais aussi en public & dans nos cabanes mesmes, & aux assemblées de nos Catechismes. Ils est trouué quelquesois qu'en mesme temps qu'vn Pere alloit par le bourg, sonner où faire la criée pour assembler le monde; au mesme temps quelque Capitaine mal affectionné sortoit de sa cabane, qui faisoit vn cry contraire, disant qu'on se donnast bien de garde d'y venir, que nous estions sorciers, qui n'auions autre dessein que de les perdre & ruiner? qu'il falloit plustost songer à se défaire de nous, que de croire & faire ce que nous dissons.

Ces mesmes discours se sont saits pendant les Catechismes, ou ces organes du diable interrompoient le Catechiste, pour faire seur Presche, auec des blasphemes, qui donnoient bien auant dans le cœur de nos Peres; mais qui pour cela ne seur ostoient pas la parole, pour respondre à ces sols, & les traiter comme il falloit; non pas toutesois tant selon seur merite, qu'aquelle il faut agir auec ces pauures malheureux.

L'insolence de telles personnes d'authorité, augmente beaucoup la hardiesse des enfans, & des personnes du commun, desquelles en suite il n'a pas fallu peusous-frir. On aveules plotes de neige, les bastons, les troignons de bled & autres fattras, à faute de pierres, (qu'on ne trouve pas tousiours quand on veut en ce pais), voler sur les testes des Peres, pendant mes

mes les Catechismes: & le long de la iour née, par les trous de la cabane, qui seruent de fenestre & de cheminée. Pour ne point parler dauantage de plusieurs autres disgraces qui s'ensuiuet tous les iours, viuans parmy vn peuple barbare, contre lequel nous n'auons ny ne pouuons auoir aucune desense.

Quelques vns des plus aduisez entre les Capitaines & anciens, voyans bien que cela est contre les droits de l'alliance dont ils sont profession auec les François, en sont bien quelquesois des excuses, & taschent d'y apporter quelque ordre: mais le tout se fait si froidement, & auec si peu d'authorité, que cela souuent augmente

plus le mal, qu'il ne le guerit.

Barbares, que nous sommes la ruine & la perte de leur païs, s'augmente autant de fois que quelque mal heur leur arriue de nouueau, soit maladie, soit samine', laquelle régne maintenant en quelques endroits du païs, particulierement au bourg de la Residence de la Conception, nous imputant tous ces mal-heurs, comme si nous en estious la cause, ou qu'y pouuans apporter remede, nous ne le voulussions pas.

en l'année 1638. & 1639. 105

Sur ce que nous leur predisons les Ecclypses de la Lune & du Soleil, dont ils ont beaucoup de peur, ils se sont imaginez que nous en estions les maistres; que nous sçauions toutes les choses à aduenir; & que c'est nous qui en disposons. Et en ceste cosideration, ils s'adressent à nous pour sçauoir si leurs bleds reussiront? ou sont leurs ennemis? & en quelle quantité ils viennent? ne se pouuans persuader, qu'en toutes choses nous n'en sçachions dauantage que leurs sorciers, qui font profession de de descouurir semblables secrets. Et voicy. ce qui les confirme encore dauantage dans leur imagination; car la coustume du païs estant qu'aux necessitez publiques on a recours aux Sorciers les plus fameux; ceuxcy ne manquans pas de promettre merueilles, pourueu qu'on leur fasse des presens; nous ne pouuons pas, en telles occasions nous taire: particulierement depuis que nous auons des Chrestiens, qui se trouuent engagés & enueloppez dans telles affaires, nous parlons donc & disons ce qu'il faut: Mais aussi tostà les entendre, nous voila declarez atteints & conflaincus de ce dont on nous accuse. De ne pretendre autre chose que la perte & la ruine du monde, puisque nous ne les voutons pas déliurer de leurs miseres, ny leur permettre qu'ils se pouruoient des remedes ordinaires practiquez dans leurs pays, de tout temps contre leurs mal-heurs, particulierement dans la creance qu'ils ont que c'est nous qui en sommes la cause. Et en suite on ne menace de rien moins que de coups de hache & de toute sorte de massacre.

Ces discours se tiennent plus souuent que tous les iours, à l'occasion des assictions particulieres, particulierement de leurs maladies. Car comme ils n'ont point d'autres Medecins que Sorciers ou Magiciens, & que la pluspart de leurs remedes consistent en des danses, festins, ceremonies & circonstances du tout diaboliques: nous ne pouuons pas ne leur declarer, que tout cela ne vaut rien, & qu'ils iouent en sin à se perdre, & tout leur pays. Celales met au desespoir; car d'vn costé ils ne se peuuent resoudre de quitter ces remedes, qu'en quittant l'esperance de viure, qui est cependant leur souuerain bien: de l'autre ils voyent des personnes qui les menacent de la cholere & de la iustice de Dieu, s'ils continuent de s'en seruir. Il est croyable

que ce desespoir les portera vn iour à faire pis qu'ils n'ont encore fait par le passé, mais nous seruons vn maistre qui sçaura bien tirersa gloire de quoy que ce soit qui puissearriuer: Et on est bien resolu de faire voir, que ceux qui le seruent ne craignent rien sinon de luy desplaire.

Les Demons, pour souffler & eschauffer dauantage cette fournaise, semblent auoir acheminé quelques estrangers en ces contrées des derniers confins de la terre. Cesont barbares des pays voisins de l'Ocean, qui ont habitude auec certains Europeans Insulaires, qui se sont habituez aux costes de la mer; tirant au Midy; & qui sont personnes qui ont tousiours paru esgalement mas affectionnez à l'Eglise Romaine & à ceux de nostre robe. Ces barbares estrangers, disie, se trouuans en ces quartiers par ienesçay qu'elle rencontre, ont donné à entendre, que ces Europeans, dont nous venons de parler, ayans sceu que nous estions icy, leur auoient dit denous, que nous estions gens à perdre & ruiner le monde! qu'il y en auoit comme nous en leur pays en Europe, mais qu'ils y estoient cachez sansoserse monstrer, &

Relation de la Nouvelle France, qu'autant qu'on en attrappoit on les faisoit mourir.

Toutes ces rencontres ont tellement confirmé ces pauures gens en leur imagination; qu'aux premieres prises que nous auons auec eux à l'occasion de leurs insolences, c'est aussi tost à tomber sur ces reproches; & à prier qu'on ne les fasse pas languir, mais qu'on les depesche promprement comme on fait les autres. Il s'est trouué des proches parés, comme nepueux qui à la mort de leurs oncles ont fait tout leur possible pour leur faire dire, que c'estoit nousqui les faissos mourir: afin d'auoir fondement de descharger leur ressentiment sur nous, & se consoler de la mort des personnes qu'ils cherissoient tendrement, par le massacre de ceux qui en auroient esté deelarez la cause, par la bouche. des defuncts. Mais Dieun'a pas permis que ceux qui, peut-estre, pendant leur viel'auvient dit plusieurs sois en general, le confirmassent pour leur regard a la mort: mais plustoit ont tesmoigné tout le contraire.

Nonobstant tout ce que dessus, c'est vn plaisir de faire ressexion sur ce qui se passe le long d'vne sepmaine: car ramassant ensemble les diuers sentimens qu'on a recon-

en l'année 1638. & 1639. 109. neu, traictant auec les Sauuages qu'on a visité: vous y voyez ce semble clairement l'esprit de Dieu & du diable se combattans dans leur esprit & dans leur cœur. On voit vn iour tout le monde, quise tuë de dire qu'il croid, & qu'il veut estre baptisé! vn autre iour, tout se trouue renuersé & desesperé. Ce contraste est vn signe manifeste de combat & de battaille: mais il faut aduouer, que nous ne voyons pas encore de quel costé panche l'entiere victoire. Et si nous n'auions autre principe pour nous conduire dans nos esperances, que ce qui paroist aux yeux, nous aurions sujet de penser que l'assaire est encore sort essoignée, mais comme il n'y a rien d'impossible à Dieu, & que sa benediction depend souuent de certains temps & moments, & de certains ressorts qui nous sont incon-

donner.

L'excellence est, que les plus spirituels entre ces pauures Barbares, ne pouuans comprendre le suiest & le motif qui nous a fait quitter la France, & venir de si loing auec tant de peine, & de trauail, ne nous voyans pretendre aucun prosit ny aduan-

neus, il nous faut attendre auec patience &

courage tout ce qu'il luy plaist en or-

tage de nostre demeure parmy eux, ny des biens que nous leurs faisons continuellement; ils concluent, qu'il faut donc que nous pretendions leur ruine, puisque nous ne pouuons pas ne pretendre quelque chose de grand dans vne telle resolution.

On a beau leur dire, que c'est pour leur annoncer les biens & les richesses de l'autre vie, ils n'y conçoiuent rien: n'apprehendans autres biens que ceux qu'ils voyéc de leurs yeux. Et comme on est contraint de leur dire, que les biens que nous leur preschosne se voyent qu'apres la mort; ces discours ou la mort entre, les confirment plus que iamais dans leur imaginatio, que nous les faisons mourir. De sorte que les plus moderez, & mesme quelques-vns de nos pauures Chrestiens, pensent tout simplement qu'il en est ainsi; mais que ce que nous en faisons, c'est par amour & affection que nous auons de leur faire voir Dieu au plustost, & de les rendre iouyssans de ces biens dont nous faisons tant d'estat. Mais là dessus ces pauures gens se trouuent bien empeschez. Les vns disent qu'ils ne vovent pas comment ayans de si mauuaises iambes ils pourront faire vnsi

en l'année 1638. & 1639.

grand voyage, & arriver iusques au Ciel. D'autres telmoignent auoir desta peur & craindre de cheoir de si haut : ne pouuans pas aprehender comentils se pourront tenir là long-temps sans tomber. Vous en trouuerez qui sont en peines'ily aura du petun, disant qu'il ne s'en peuuent passer. Bref cesont des foiblesses inimaginables, qu'à ceux qui les voyent. Or aprestout, ce sont creatures raisonnables, capables du Paradis & de l'Enfer, racheptez du sang de IESVS-Christ desquelles il est escrit: Et alias oues habeo que non sunt ex hoc onili, & illas oportet me adducere. Et pour cét effect il les enuoye chercher dans les buissons,& par tout.

Les orages dont nous venons de parler estoient à la verité considerables de consequence, puis qu'ils alloient à la ruine ou à l'essoignement des vniques ouuriers de cette vigne. Cene sont pas toutes sois ces rencontres qui nous ont donné plus de peine & de soucy: mais bien dauantage les tempestes & les tentations suruenues à nos Neophytes depuis leur baptesme, & la naissance de ces nouvelles Eglises, dont nous auons parlé dans les Chapitres precedens. Veula tendresse de ces ieunes plan-

II2 Relation de la Nouvelle France,

tes, & le peu de sond qui se trouue dans le naturel, & le genie des Barbares, pour aider la semence de l'Euangile à y ietter de

grandes & profondes racines.

Si vn pauure Barbare se fait Chrestien, aussirostillest accueilly de tous ceux de sa cognoissance, qui le lamentent & le déplorent comme s'il estoit desia perdu; & que ce sust fait de luy. Les vns l'asseurent, si c'est l'hyuer, qu'au Printemps (s'il est encore en vie) tous les cheueux luy tomberont. Les autres, qu'il ne faut plus qu'il fasse estat d'aller à la chasse, en traite, ou à la guerre, deuant estre asseuré, que par tout doresnauant il sera mal-heureux. On donne l'apprehension aux femmes, qu'elles ne porteront plus d'enfans, bref on les menace tous, ou plustost on les asseure que ce qu'ils craignent le plus au monde, ne manquera pas de leur arriver.

On leur represente en outre : que les voila doresnauant frustrez des festins, & par consequent de l'unique douceur ou beatitude du pays. Qu'il saut necessairement en suite qu'ils renoncent à tous les droicts & entretiens de l'amitié enuers leurs proches & compatriotes. Et si ce sont Capitaines qui ayent charge de faire les

criées

en l'année 1638. 67 1639. 113 criées & les ceremonies, qu'ils fassent estat de se voir despouillez de leur credit & authorité.

Et voila la plus forte batterie; & qui en effet en empesche le plus, & en a le plus esbranlé du nombre de ces pauures Neophytes. Car en effet, la pluspart de leurs danses; festins, Medecins & medecines, ceremonies & coustumes estant ou manifestement diaboliques, ou remplies de tant de ceremonies impertinentes, qu'il est presque impossible de les iuger ou interpreter exemptes de superstition, ou pact & communication tacite auec le diable; on est contraint de tenir tout pour suspect, & d'en donner le scrupule à nos Catechumenes & Neophytes. Arrivant donc, ce qui arriue tous les iours, que quelqu'yn de la famille, par exemple, tombe malade: voila aussi tost le pauure Catechumene ou Neophyte poursuiuy de toute la parenté, à ce qu'il ait à faire venir le Medecin, c'est à dire le visiceur ou Sorcier, & faire mettre en execution les remedes ordinaires du pais, qui sont les ordonnances du Sorcier, lequel ou n'agist que dependemment de la connoissance que luy donne le diable, de la nature de la maladie, & des rea

medes qu'il y faut apporter; on ordonne des choses qui ne sont qu'abomination ou diableries. Que sera en ces rencontres yn pauure Neophyte? S'il le fait, il renonce publiquement à sa prosession, s'il ne le fait le voila dans la haine & l'abandonnement des siens, qui luy reprochent, qu'à son tour on l'assistera commeil a assistéles autres; & que pour lors il ait recours à de

mal-heureux estrangers, quinesont venus

à leurs pais, que pour les perdre & les

xuiuer.

A la verité toutes ces rencontres ne seruiroient que de matiere & de suiet de victoire & de triomphe à ces nouueaux Champions; s'ils auoient assez de resolution & de courage: mais le mal de tous les maux est au dedans de ces pauures creatures. Leur esprit, pour la pluspart, est foible au dernier-point, pour conceuoir & apprehender les choses qu'ils ne voyent pas, & pour se soustenir, dans ces attaques, par l'esprit de la Foy, en l'esperance du futur. Et leur cœur semble incapable de pouuoir resister aux assauts de l'affection de la nature corrompuë enuers les proches; & pour les douceurs & commoditez de cette vie, dans laquelle depuis vn si

long temps, ils ont mis leur souverain bien.

L'attache qu'ils ont là dedans, fait que ce qui leur paroissoit au commencement facile, lors qu'ils ne le mesuroient que par la raison, leur deuient dans l'execution, si dissicile: que vous les voyez à tous coups donner du nez en terre, & perdre courage, se plaignans que le Christianisme ne leur sert de rien, & ne leur apporte aucun

profit en cette vie.

Ces ressentimens se renouvellent autant de sois que quelqu'vn dés leurs deuient malade, ou se meurt, ou que quelque autre mal-heur leur arrive. Vous diriez; à les entendre parler, qu'ils n'ont pretendu se faisans Chrestiens; que de viure longtemps, eux ou au moins leurs enfants. Et iene sçay si ce qui se trouve dans la façon de proposer les commandements de Dieu; où il est promis vne longue vie à ceux qui honorent Pere & Mere, ne les abuse & trompe point pour l'ordinaire.

Iene m'estonne plus d'où vient que les Epistres des Apostres sont si fort remplies du modicum nunc si oportet contristari in variis tribulationibus. Ils escriuoient à des Cathecumenes & Neophytes qui ne sçau-

roient estre assez estançonnez de ce costé là. Et nous nous trouuons fort souvent dans la mesme peine, que ce grand Apostre des Gentils, qui disoit Filioli quos iterum parturio, donec formetur Christus in vobis.

Il semble que le passage du chapitre 14. de l'Euangile de sain& Lue ne se peut mieux entendre, que de nos pauures barbares; lors qu'il y est parlé de ceux qui tous les derniers furent inuitez au souper de l'adorable Homme-Dieu, pour parfournir les places qui restoient vuides dans la table du banquet, & suppleer en fin au defaut de tous ceux qui auparauant auoient esté inuitez. C'estoient des personnes qu'on alla chercher dans les sentiers, parmy les ronces & les brossailles, & qu'on auoit commission d'amener, & faire entrer par force. Nous n'auons icy & n'y pouuons auoir ny la force de la contrainte, ny les chaisnes des biens-faits, au point qu'il faudroit, pour rendre ces peuples entierement nostres. Toute nostre force est au bout de la langue; & en la monstre & production de nos liures & Escritures, dont ils ne cessent tous les jours d'admirer les effets. Ce qui nous sert vniquement enuers

en l'année 1638. & 1639. 117 ces peuples, au lieu de tout autre motif de

ces peuples, au neu de tout autre motif de, credibilité. Leur faisans voir par là, que ceux qui nous ont precedé, & qui ont esté depuis le commencement du monde, ont peu nous donner cognoissance & asseurance de ce que nous leur preschons; là où cux ne peuvent auoir aucune marque, que ce que leurs peres leur ont enseigné n'a point esté controuvé par eux, ou par d'autres qui leur en ont voulu faire accroire.

Il est croyable que quelque grand don de miracle, seroit bien capable d'esbranler les vns, & confirmer les autres. Mais outre que tous ceux qui ont veu les miracles du Sauueur du monde, & ceux des Apostres, n'ont pas pour cela creu, au moins auec fermeté & constance, il semble que Dieu nous ait mesme voulu faire voir par experience, que ce n'estoit pas cela à quoy il tenoit. Et, qu'il falloit quelque autre chose que des miracles pour conuertir des Sauuages, aussi bien que pour conuertir toute autre sorte de personnes.

Au plus fort de l'Esté dernier, les champs d'alentour le bourg de la Residence de la Conception estans tous grillez de chaleur & de seicheresse à faute de pluye: les habitans estans au desespoir s'adresserent à nos Peres, qui firent vœu de dire quelques Messes. Le lendemain on n'eut pas plustost commencé la premiere qu'il commença à pleuuoir yne pluye la plus sauorable qu'on eust peu souhaitter, qui dura trois iours. Ce ne furent sur le champ qu'admirations & remerciemens; mais en suite, de renoncer à leurs superstitions; c'est à quoy ils ne se peuvent resoudre.

Aubourg de la Residence de sain & lo-Leph vn des principaux & plus anciens Capitaines, nommé Ondihorrea, estant par maladie reduit à l'extremité, & ayant au commencement refusé nos visites & nostre assistance, apres auoir experimenté en vain tous les remedes ordinaires du pais pour le recouurement de sa santé: Estantabandonné & commeaux abois de la mort, sesentit porté par quelque espece de vision qu'il cust de nous escouter en fin, & receuoir le bien, & les bons offices que nous luy desirions rendre en telle occasion, comme à celuy qui auoit le plus contribué à nostre establissement dans ce bourg. Le voiladonc instruict & baptisé; & aussi tost le voila sur pied, auec l'estonmement de tous ceux qui l'auoient vn peu

en l'année 1638. & 1639. auparauant tenu pour desesperé, ausquels comme à toute autre sorte de personnes qui le venoient voir de tout le pais, il ne se lassoit iamais de leur raconter ce qui s'estoit passé; & qu'il tenoit entierement sa

vie du baptesme qu'il auoit receu.

Qui n'eust pensé que cette rencontre en vne personne si considerable, n'eust deu esbranler tout le pais? mais tant s'en faut qu'elle ait profité à personne: que celuy mesme à qui elle est arriuée, qui en tesmoignoit tant de recognoissance, apres auoir assistèvne fois à la Messe, ny est pas retourné pour la seconde; voyant qu'en suite de la prosession qu'il feroit du Christianisme, il luy falloit quitter certaines. confrairies diaboliques, dont il estoit le chef; & les fonctions & exercices du ministere de Satan, en qualité d'acien & principal Capitaine à qui il appartient de regler & maintenir les coustumes du pays.

Ie pourrois produire quelques autres exemples semblables des merueilles qu'il a pleu à Dieu de faire en de pareilles rencontres, lesquelles si elles ne sont miracles, n'en sont gueres loing. Mais ce n'est pas icy ce que nous pretendons. Cecy seulement soit dit, pour faire voir, qu'il sem-

h iiij

ble que ce n'est pas a vn defaut des merueilles, que le etardement de la conuersion generale de ces peuples doit estre attribué: & qu'il y a quelque autre chose d'où depend ce bon-heur, qu'il faut attendre auec patience de la main de Dieu.

Au reste, il semble que Dieu nous ait encore voulu faire voir. Que cen'est pas seulement pour le temps passé qu'il a choisi les pauures, & non les riches: les personnes de peu de consideration aux yeux du monde, & non pas celles qui sont dans l'esclat, & en dignité; pour estre les pierres fondamentales de son Eglise, mais encore au temps present. Toutes les personnes les plus considerables des bourgs où nous auons trauaillé à faire des Chrestiens; ou ont fait la sour de or eille; ou, apres auoir embrassé le Christianisme, l'ont d'eux mesmes abandonné; ouse sont comportez de la sorte, reprenans leurs mauuaises coustumes, auec volonté d'y perseuerer, que nous auons esté contraints de leur donner aduis de ne se plus trouuer à l'assemblée des Chrestiens, resolus de voir plustost le tout reduit au neant, que de souffeir vn tel messange, & des tâches & des rides si enormes dans ces nouuelles

en l'année 1638. & 1639.

LLI

Espouses, que nous pretendons offrir à celuy qui a respandu son sang diuin, pour leur donner l'estre & la vie: & qui nous a icy enuoyé pour en recueillir les fruicts. Cette douce rigueur que nous auons exercé enuers ces pauures esclaues de Saran, n'a pas seruy de peu à releuer l'estime de nos mysteres & du Christianisme, das l'esprit de tous ceux qui en ont eu la connoissance, & a commencé à les desabuser de la creance que plusieurs ont, que lors que nous desirons & les pressons de se faire Chrestiens, & d'en faire profession, c'est nostre interest & nostre affaire nom la leur; & qu'il n'y a rien pour eux a y profiter.

Apres tout, ie ne sçay si nous auons plus de suiet de plaindre & déplorer ces desa-stres, que de nous en resiouyr; & remercier Dieu des lumieres & du courage qu'il donne a quelques-vns de ce petit troupeau: n'y ayant pas vne de ces trois Eglises, dans laquelle il ne se trouve des Chrestiës, en la procedure des quels il ne semble pas qu'il y ait rien à souhaiter de plus net & de plus accomply, auec des tendresses de conscience, & vn recours cordial à la confession, qui ne surent iamais du creu d'yn

Sauuage. Ce que nous auons dit aux Chapitres precedens, suffira pour le present. C'est vn leuain que le sain et Esprit va formant & conservant, qui en son temps seruira, & sera de bons esse comme nous esperons, & nous nous promettons de la bonté & misericorde de Dieu.

Ien'ay rien dit icy, pour euiter la longueur, de la difficulté que ces Barbares ont de chommer les Dimanches: ces peuples ne viuans qu'aujour la journee, & y ayant de la peine à le faire autrement. Ie n'ay point aussi parlé de la peine qu'il y a de garder le Caresme, qui se trouue toussours en la saison, dans laquelle est le retour de leur chasse; & par consequent l'vnique temps de l'année, auquel ils ont quelque peu de chair; non plus que de tout plein d'autres disficultez qui se rencontrent en l'establissement de ces nouvelles Eglises; dont l'vne des plus considerables est l'instabilité de leurs mariages; se sont difficultez qui se conceuront aysement, & mieux peutestre que ie ne les pourrois expliquer; venons à la principale de toutes leurs dissicultez où pour mieux dire à la source de tous leurs mal-heurs.

CHAPITRE DERNIER.

Duregne de Satan en ces contrées. Et des diuerses superstitions qui s'y trouuent introduites & establies, comme premièrs principes & loix fondamentales de l'estat & conservation de ces peuples.

L'entreprends pas de traiter ceste affaire à fonds. Quiconque l'entreprendroit, se trouveroit à mon iugement, plus empesché que ne sust iamais Hercule a es-

curer les estables d'Augee.

Ce que ie pretends, n'est autre chose, que de parcourir quelques actions particulieres qui se sont passes cét hyuer, au seul bourg de la Residence de la Conception où i'ay fait m'a principale demeure, dans lesquelles nous nous sommes trouuez obligez, d'examiner les tenants & aboutissants de ces miseres, en consideration de nos Chrestiens, à la conscience desquels nous estions obligez de pour uoir.

Lettans les yeux sur les coustumes & fa-

cons de faire de ces peuples, elles nous auoient tousiours bien paru, comme de vieilles mares puantes, toutefois nous n'en auions quasi veu par le passé, que le dessus. Mais depuis qu'à l'occasion de nos Chrestiens, il nous a fallu fouiller dedans, & remuer ceste cloaque, il n'est pas croyable combien on y a trouué de puanteur & de misere.

Vn vieillard de ce bourg nommé Taorhenché, auoit depuis enuiron deux ans, vn chancre au bras, qui du poigner où il commença, luy estoit tousiours monté vers l'espaule, & commençoit à entrer dans le corps. L'on dit que par le passé, il n'auoit oublié aucune ceremonie, ou pour mieux dire, aucune superstition de celles qui se pratiquent dans le pais, pour le recouurement de sa santé. Cét hyuer dernier, vn peu deuant que de mourir, il donna a entendre aux Capitaines qu'il desiroit quelques choses pour sa consolation, & pour faire vn dernier effort de sa guerison. On assemble le Conseil, on depute des personnes, pour aller apprendre ses desirs, qui aboutissoiet à cinq ou six chess: A quelque nombre de chiens d'vne certaine façon & couleur pour faire festin troisiours

durant: a quantité de farine pour le mesme suiet: à quelques danses & choses semblables: mais principalement à la ceremonie de l'andacsandet, qui est vn accouplement d'hommes auec filles, qu'il se fait à l'issue du festin, il specifia qu'il falloit 12.

filles, & vnetreiziesme pour luy.

La response portée au conseil, on luy fournit aussi tost ce qui se pouvoit donner sur le champ; & ce de la liberalité & contribution volontaire des particuliers, qui se trouverent là, où en entendirent parler. Ces peuples faisants gloire en telles rencontres, de se despouiller de ce qu'ils ont de plus precieux. En suite, les Capitaines furent par les ruës & carre-sours, & par les cabanes crier à pleine teste, declarants les desirs du malade, & exhortants qu'on eust a y satisfaire promptement.

Ils ne se contentent pas d'y aller vne fois, ils y retournent trois & quatre, auec des termes & des accents tels, qu'en effect on eustingé qu'il y alloit du bien de tout le païs. Ils ont cependant soin de marquer le nom des filles & des hommes qui se presentent pour l'execution du principal desir du malade, & dans l'assemblée du festin, on les nomme tout haut, apres

126 Relation de la Nouu. France,

quoy s'ensuiuent les congratulations de toute l'assistance, & les meilleurs morceaux qui sont portez à ces deputez & deputées, qui doiuent jouer de si mal-heureux personnages à l'issuë du festin, apres quoy s'ensuiuent les remerciement de la part du malade, & de la santé qu'on luy à redonnée, se professant tout a fait guery

par vn tel remede.

Ce miserable jeu continua deux iours; le troisiesme il ne se fist pas, quoy qu'il se deust faire selon le premier dessein & intention du malade. On nous a voulu faire croire, que ce sust nous qui en susmes la cause, pour auoir tesmoigné le desplaisir & la peine que nous en auions. Quoy qu'il en soit, toutela ceremonie se passa, sans que le malade pour celà s'en porta mieux, & bien tost apres il mourut. Dans son dernier festin auant la mort, il dit qu'il mouroit volontiers, & qu'il n'auoit qu'vn seul regret, dese voir priué dés bons morceaux dont toute sa vie on l'audit honoré dans les festins. Cetteame estoit trop de chair; pour gouster les choses de l'esprit.

Deuant que le fort de la maladie eust attaché ce pauure mal-heureux sur sa natre, il venoit quelquesois en nostre cabane,

en l'année 1638. & 1639. & en suite dans nostre Chapelle; ou apres auoir consideré toutes les images; ie ne scay, disoit-il, qui est celuy-là, monstrant l'image de nostre Seigneur, mais il n'y a

que luy qui me fasse peur.

Il auoit bien raison de le dire, particulierement apres auoir tant de fois mesprisé ses sainctes semonces. On fit tous les efforts imaginables pendant sa maladie, pour le gaigner à Dieu; mais cét ésprit railleur, n'auoit de la langue que pour demander des pruneaux & des raisins, & des oreilles pour entendre la response : hors de cela on luy rompoit la teste, ou se metoit à railler.

On redoubla les efforts à sa mort; & en fin on fist tant qu'au moins en apparence il tesmoigna desirer le baptesme. On l'instruit donc plus particulierement encore, que par le passé. Mais commeil auoit, toute sa vie, mesprisé nos mysteres, & qu'il venoit tout fraischement, de donner vn scandale public; on iugea à propos, qu'il donnast quelque marque de sa bonne volonté, & qu'il n'y auoit point de fiction, ny en sá foy, ny en sa penitence.

On luy propose donc qu'il eust au moins à inuiter deux ou trois personnes du 218 Relation de la Nouvelle France,

bourg, des plus considerables, ausquels il s'estoit adressé pour ces meschantes actions; & qu'en leur presence il tesmoignast le desir qu'il auoit du baptesme; & son desplaisir & regret de ce qui s'estoit passé pendant sa vie si detestable & abominable. Il receut fort froidement ceste proposition, & nese voulut mettre en peine de l'executer. Ce qu'estant adiousté, auec plusieurs autres indices du peu de disposition qu'il y auoit en luy, on sut contraint de l'abandonner.

Ce miserable vn peu deuant que de mourir; tomba en pasmoison, de laquelle reuenant il dit, à ce qu'on nous a rapporté, qu'il venoit de l'autre monde, où il n'auoit rien veu de ce que disent les François; mais bien qu'il y auoit renconrré plusieurs de sa famille & parenté, qui luy auoient fait tres-bon accueil, l'asseurants qu'il y auoit long-temps qu'on l'attendoit en bonne deuotion, & qu'on se disposoit pour faire en sa consideration force danses & festins excellens. En effect se le persuadant de la sorte, pour s'y trouuer dans le mesme equipage & appareil qu'il auoit veu les aures, ilse fist peindre tout le visage de rouge; se fist apporter & mettre dessus soy ce qu'il

qu'il auoit de plus beau, on luy donne son plat & sa cueiller, & là dessus meurt.

Ce barbares passoit dans le iugement commun des Sauuages, pour vn des plus honnestes hommes & des plus gens de bien de tout le païs. Que si vous leur demandez, en vertu de quoy? c'est, disoientils, que c'estoit vn homme paisible, qui ne faisoit mal à personne, & qui se plaisoit fort à se resiouir & faire festin. Si le iugement des Sauuages est veritable, ie laisse à

penser ce que valent tous les autres.

A l'occasion de ce mal-heureux qui s'estoit plusieurs sois seruy des remedes dont nous venons de parler, & qui auoit certaines danses & chansons affectées en toutes les ceremonies qui se faisoient à son occasion. Nous aprismes qu'il n'y a point, ou presque point de famille en ces contrees; dont les chefs n'ayent quelques danses, festins & autres ceremonies affectées pour le remede de leurs maladies, & le bonheur de leurs affaires: mais que le tout a esté enseigné par les Demons, soit en la facon que nous dirons tantost, soit en leur apparoissant en songe, tantost en forme de corbeau, ou autre oyseau; tantost en forme de couleuure, comme il estoit arriué celuy dont nous venons de parler, ou d'autre animal, qui leur parle, & leur declare le fecret de leur bon heur, soit pour le recouurement de leur santé, quand ils seront tombez malades, soit pour le bon succez de leurs affaires. Et ce secret s'appelle Ondinoc: c'est à dire desir inspiré par le Demon. Et en esset si vous demandez à celuy qui desire en cette maniere qu'elle est la cause de ce desir, il n'a autre response, sinon ondays ihatonc oxi haendaerandic, la chose sous l'apparence de laquelle mon Demon familier m'apparoist m'a donné cét aduis.

Ces Ondinones sont tousiours accompagnez de festins ou de danses, dont les ceremonies, & mesmes les chansons qui s'y chantent, sont pour la pluspart dictées, par le Demon, qui exprime le tout auec des precautions & menaces, que tout est perdu si on manque à la moindre circonstance. C'est ce qui fait, que lors que les Capitaines vont publier les desirs des malades, ou autres personnes qui ont songé, & qu'ils disent que c'est l'Ondinone d'vn tel, aussi tost chacun se met en peine, & s'applique de tout son pouvoir à donner contentement & satisfaction a qui il appartient.

en l'année 1638. 6 1639. 131 Cecy semble entierement confirmé par la formule, de laquelle se servent les Capitaines, apportants à la personne les choses qu'elle a desirces, au temps de la premiere assemblée. Escoute vn tel, ou vne telle, crient-ils, & toy voix de Demon

(sçauoir qui l'as inspiré) voila ce qu'vn tel, ou vne telle donnent. Et en disant cela, ils iettent les presents sur la malade.

C'est la forme dont on s'est seruy, dans vne ceremonie qui s'est passée pendant que i'escriuois ce que dessus; à l'occasion d'vne femme malade, qui selon l'vn de ses desirs, fust dansee d'vne danse particuliere trois heure durant, par cinquante personnes. On a esté trois iours à se preparer à ceste danse, & le iour qu'elle s'est faite, les Capitaines firent plus de cinq criées publiques, tantost pour aduertir qu'on commençast à se lauer le corps, tantost quel'on segraissast, tantost que l'on se parast d'vne parure, & puis d'vne autre. En fin vous eussiez dit que le seu estoit au bourg, & que tout alloit estre consommé. La derniere criéese sist, pour exciter tout le monde à s'y trouver, & d'entrer auparauant l'arriuée de ceux qui deuoient danser; deuant lesquels vint vn Capitaine

Relation de la Nouvelle France, qui apportant le reste des desirs de la malade, fist sa clameur en la forme que nous venons de dire, suiuit vn peu apres la compagnie des danseurs hommes & femmes, à la teste de la quelle marchoient deux maistres de ceremonie chantants, & la Tortuë en main, de laquelle ils ne cessoient de jouer. Cette tortuë n'est pas vne veritable tortuë, il n'y a que l'escaille & la peau, disposez à faire vne espece de tambour, dans lequel iettans certains petits noyaux, ils en font vn instrument semblable à celuy dont se seruent quelques enfants en France, pour iouer. Il y a ie ne scay quoy de mysterieux dans ceste apparence de tortue, à laquelle ces peuples attribuent leur origine. Nous sçaurons auec le temps ce qui en est.

Ces maistres de ceremonie se mettent tantost à la teste de la malade, qui est au milieu de la cabane; & tantost se divissant, l'vn demeurat à la teste, & l'autre allat aux pieds. Tous les autres qui dans ent sont vne espece d'ouale, & ne cessent de tourner à lentour de la malade tant que les maistres de la ceremonie chantent, & iouent de la tortué. Il ne sembloit pas qu'on y peust apporter plus de soin, & de

enl'année 1638. 65 1639. mystere; & qu'il fut possible d'y auoir plus d'application, que celle que chacun auoit à bien iouer son personnage, & cependant la malade ne se plaignit d'autre chose, sinon qu'on n'auoit pas gardé toutes les formes, & qu'elle n'en gueriroit pas,

comme en effect elle empira.

Cinq ou six iours apres; elle se fait porter en vn autre bourg, où elle a esté dansee & redansee derechef, auec aussi peu de succez, & le mesme mescontentement de sa part. Retournée qu'elle a esté icy, on a recommencé à luy ordonner de pareils remedes, & entr'autres force festins de Feu, de la nature desquels a esté amplement parlé aux precedentes Relations. En fin au milieu de l'vne de ces ceremonies ceste pauure mal-heureuse à miserablement expiré, passant d'vn festin de seu, à vn autre, mais qui a bien d'autres mets, & d'autres seruices, & pour comble de mal-heur n'a aucune issuë.

Elle estoit fille d'vn Sauuage, qui est en reputation d'estre vn des plus riches, & des plus considerables du pais en nombre de sorts dits AscBandies ou diables familiers, qui y soit; & qui pour l'affection qu'il, leur portoit voulut que cette sienne fille qu'il cherissoit vniquement portast le nom d'Aschvandic: ce barbare sut prié de prester ces sorts pour vne ceremonie du jeur de Plat, dont nous parlerons cy-apres, sa sille s'y en va, ouse siant sur les thresors de son pere, elle se met à parier comme les autres, comme elle estalloit les sorts la voila surprise de la maladie, qui sittat danser de monde, & dont en sin elle mourut, comme nous venons de dire. Tous lesquels mal-heurs ne sont attribuez à autre chose qu'aux desauts & manquements aux formes & circonstances des ceremonies.

C'est la plainte ordinaire des Capitaines que tout se va perdant, à saute de garder les formes & coustumes de leurs ancestres. Si on brusse vn prisonnier, & que la ieunesse la dedas soit insolente, vn Vieillard se met à crier & tempester qu'on iouë à perdre le païs, que c'est vne affaire d'importances & qu'on ny procede pas assez serieusemet. Si on resuscite vn Capitaine, ou, pour mieux dire son nom, quand on vient à chanter la chanson des morts, si deux semmes ne sont entrées pour donner le ton, tout est perdu, & on ne s'attend à voir que testes cassées sous vn tel Capitaine qui prend le nom.

en l'année 1638. & 1639.

Bref, c'est la seruitude & l'esclauage le plus estrange qu'on se puisse imaginer; & iamais galerien ne craignit tant de manquer à son deuoir, que ces peuples ont de frayeur de faillir à la moindre des circonstances de toutes leurs mal-heureuses ceremonies, s'ensuiuant de ce defaut non seulement la prination de ce qu'ils attendoient, mais encore punition sensible que le diable pour ce suiet exerce sur ces pauures mal-heureux. Les plus iudicieux d'entr'eux aduoüent franchement leur misere, & disent nettement que les seuls demons sont les veritables maistres du païs. Que ce sont eux qui reglent & ordonnent tout, soit en songe, soit autrement: qu'ils voyent bien cela, mais qu'il n'y a point de remede; qu'ils ont tous ours vescu de la sorre, & qu'il n'y a apparence ny moyen de viure d'autre maniere, autrement que tout seroit perdu.

Les Capitaines & anciens disent, que s'ils auoient entrepris ce changement, ils verroient bien tost leurs bourgs abandonnez, & que chacun infailliblement se retireroit, où il verroit les coustumes du païs obseruées, & où il trouueroit les remedes ordinaires de leurs maladies. Cét ar-

Relation de la Nouvelle France ticle est le pretexte que prennent quelques-vns de ces plus anciens & Capitaines, pour ne se pas encore rendre aux semonces du saint Esprit. Celuy qui leur frappe si souvent l'oreille, ouurira la porte du cœur

quand il luy plaira.

Outre les Ondinoncs ou Desirs dont nous venons de parler, distez par le demon qui apparoist sous quelque sorme empruntée, il y a d'autres secrets & desirs moins considerables qui viennent de certains songes, dont ils croient leurs demons les antheurs, ausquels ils n'osent refuser d'obeir, à moins que de s'exposer à vn danger de quelque grand mal-heur. Les plus considerables pour le iugement & l'experience d'entre nos Chrestiens, nous ont donné à entendre qu'il ne se fait quasi dans le pais aucune danse ny festin qui ne vienne de ce mesme principe du demon: d'où vient qu'on y tient toutes ces choses pour si augustes, que nous n'en ferions pas dauantage pour les choses les plus sainctes & sacrées de nos mysteres.

S'il arrive quelquefois que les enfans se veulent ressouir, & danser quelques-vnes des danses qu'ils ont veu danser à leurs ceremonies; aussi tost on les tanse, & reprédenl'année 1638. 65 1639. 137
on fort rudement. Comme si en France on voyoit quelques personnes profaner vno chose saincte; qui ne doit auoir autre vsage que celux auquel elle est conserée.

que celuy auquel elle est consacrée.

Que dire là dessus à nos pauures Chrestiens, quandils demandent s'ils pourront assister aux festins, qui sont les seuls repas extraordinaires du païs? Tout le meilleur poisson, & la chair ne se mangeat ordinai: rement qu'à tels festins? Ou enoutre pour le plus souuent, on exige des assistans, des presents & des ceremonies, qu'onabien de la peine d'excuser d'hommage rendu à ce cruel tyran & vsurpateur de l'empire de Dieu: voire mesme que plusieurs à ces festins semblent de veritables sacrisices, sur tout quand il s'agit d'vn chien qui se tuë, & se mange particulierement en quelques rencontres, auec telles circonstances & ceremonies, qu'il ne semble pas qu'on en puisse faire vn autre iugement. Mais ce n'est pas maintenant dequoy il est question, venons à d'autres histoires.

Vne semme natisue de ce bourg, mais mariée dans vn autre prochain nommé Angstenc, sortant vne nuict de sa cabane auec vne sienne petite fille entre ses bras au temps que l'on faisoit dans le bourg vne

feste semblable à celle que ie m'en vay racompter: vist en vn instant, dit-elle, la Lune fondre sur sa teste, qui aussi tost suy parut comme vne belle grande semme, tenant vne petite sille semblable à la sienne

entre ses bras.

Iesuis, luy dit cespe être, l'immortel seigneur general de ces contrées, & de ceux qui y habitent : en foy dequoy ie veux & ordonne, que de tous les quartiers de mon domaine ceux qui y habitent t'offrent des presents, qui soient du creu de leur pais. Des Khionontaterons ou Nation du petun, du petun: des Attibandarons ou Nation neutre, des robes d'étay: des Askicsaneronons ou Sorciers, vne ceinture & chausses, auec leur ornement de porcsespics: des Ehonkeronons on de ceux de l'isle, vne peau de cerf. Et continuë ainsi à luy nommer quelques autres nations, dont il vouloit que de chacune on luy fist quelque present, & entr'autres nomma les François qui habitoient en ce païs, comme nous dirons incontinent.

La solemnité qui se fait maintenant dans le bourg (adiouste ce Demon) m'est fort agreable; & ie pretends bien que l'on en fasse plusieurs semblables dans tous les auen l'année 1638. & 1639. 139
tres endroits & bourgs du pays. Au reste
luy, dit-il ie t'ayme; & en ceste consideratio
ie veux que doresnauant tu me sois semblable, & que comme ie suis tout de seu, que tu
sois aussi, au moins en couleur de seu. Et là
dessus luyordone vn bonet rouge, vne plume rouge, vne ceinture, chausses, souliers
& le reste de ses vestemens auec leurs ornemens rouges: qui est en esset l'appareil,
auec lequel elle parut dans la ceremonie,
qui sut faite en suite à son occasion.

Ceste pauure creature retourne en sa cabane, & aussi tost qu'elle y est arriuée, la voila par terre auec vn tournoyement de teste, & vne contraction de ners, qui sit iuger qu'elle estoit malade d'vne maladie, dont le remede est vne cerémonie, qui en la langue de nos barbares s'appelle Ononharoia ou tournoyement de teste; mot pris du premier symptome de ceste maladie ou plustost belle superstitió. La malade son super qu'allées & venues, & clameurs par sa cabane; ce qui l'a sit resoudre de demander au public qu'on luy celebrast ceste seste.

Sa deuotion, ou plustost celle du diable pour nous faire dépit & trauerser les affaires du Christianisme qui estoient en leur premier lustre & esclat la porta à s'adresser à ce bourg icy ou nous sommes d'Ossos natisse. On vient donc de sa part en saire la proposition aux Capitaines, qui aussitost assemblent le conseil. Où il sut declaré, que ceste affaire estoit vne de celles qui estoient des plus importantes pour le bien du païs, & qu'il falloit bien se donner de garde de manquer en telle occasion, de donner tout contentement & satisfaction à la malade.

Le lendemain matin on publie l'affaire par le bourg, & exhorte on puissamment, qu'on eust a aller promptement querir la malade, & à se preparer à la feste. On y court plustost que d'y aller, de sorte que sur le midy la voila qu'elle arriue, ou plustost qu'on la porte sur les espaules, dans vne certaine espece de hotte, auec vn conuoy de vingt-cinq ou trente personnes quise tuoient de chanter.

Vn peu deuant qu'elle arriuast, on assemble le conseil general, auquel nous susmes inuitez. Trois de nos Peres s'y en vont sans sçauoir dequoy il estoit question. D'abord on leur donne à entendre qu'on auoit desiré de nous voir en ce conseil, pour sçauoir nostre aduis sur la proposition qu'vne telle malade auoit fait, & ce que nous en pensions. La responce & substance sut qu'ils ne pouuoient faire vne plus mauuaife affaire pour le païs: que c'estoient des hommages qu'ils continuoient de rendre aux malins esprits, desquels par consequent ils consirmoient de plus en plus l'empire sur eux, & sur le païs, & qu'il ne leur pouuoit arriuer que mal heur, continuant de seruir yn si mauuais maistre.

Le principal Capitaine qui sous main dirigeoit toute l'affaire, homme adroit & delié si iamais la terre en porta, au lieu de parler à propos de ce que nous ausons dit, s'adresse à toute l'assemblée, & se met à criercourage donc ieunesse, courage femmes, courage mes freres, rendons à nostre païs ce service si necessaire & important, suivant les coustumes de nos ancestres. Et continue vn grand discours de mesme air & accent, puis d'une voix vn peu plus basses, s'adressant à ceux qui estoient à l'entour de luy: c'est, dit-il, le conseil que i'auois donné à mes nepueux les François, l'Automne passe. Vous verrez cét Hyuer,

leur disois ie, plusieurs choses qui vous deplairont, des Ononhearoia, des etaerohi & semblables ceremonies ne dites mot ie vous prie, leur disois-ie, ne faites pas semblant de voir ce qui se passera, auec le temps cela pourra changer. On nous a ditautresois aux trois Riuieres & à Quebec, adiousta-il, que pourueu que dans quatre ans l'on creust, c'estoit assez.

Comme il continuoit semblables discours, entrent les deputez de la part de la malade, qui venoient signisser son arriuée au conseil, & dire de sa part qu'on luy en uoyast deux hommes & deux silles parées de robes & de coliers de telle & telle saçon, auec tels & tels posssons & presents en main; & ce pour apprendre de sa propre bouche ses desirs, & ce qu'il luy falloit pour sa guerison: aussi tost proposé, aussi

tost executé.

Deux hommes donc & deux filles s'en vont chargez de tout ce que la malade auoit desiré, & retournérent aussi-tost nuds d'vn costé comme la main, excepté le brayé; tout ce qu'on auoit porté, estant demeuré à la malade; mais de l'autre chargez de demandes qui estoient les importantes, & celles dont l'accomplissement

en l'année 1638. & 1639. 143 deuoit commencer le recouurement de sa santé, ce qu'on luy auoit porté ne passant que pour compliment & agreement de son arriuée. Les deputez donc declarent vingtdeux presents qu'elle desiroit qu'on luy fist, qui estoient ceux que le diable luy auoit specifiez en son apparition, ainsi que nous auons dit vn peu auparauant. L'vn estoit six chiens d'vne certaine façon & couleur. Vn autre estoit cinquante pains de petun. Vn autre, vn grand canot; & ainsi du reste, & entr'autre fut nommée vne couuerture bleuë, mais auec ceste circonstance, qu'il falloit qu'elle appartint à vn François.

Le rapport sait par les deputez, les Capitaines se mettét à exhorter tout le monde, de satisfaire promptement aux desirs
de la malade, leur representant & inculquant sans cesse l'importance d'vne telle
assaire. On s'y eschausse de la sorte, que
deuant que nos Peres sussent sortis de l'alsemblée, on auoit desia sourny quinze de

ces presents.

On attaque cependant nos Peres à diuerses occasions & reprises, & les exhorte-on de ne pas espargner au moins ce qui les regardoit & dependoit d'eux. Nos Pe144 Relation de la Nouvelle France, resàcela respondent qu'on se mocque de nous, & que si c'est pour ce suier qu'on nous a appellez au conseil, que la malade s'en peut bien retourner, si sans nostre contribution & nostre hommage rendu au diable & à ses ordonnances elle ne peut

guerir.

Nonobstant cela, vne demie heure apres que nos Peres furent retournez à la cabane, vn Capitaine y vint de la part du conseil: pour nous dire que tout estoit fourny; excepté la couuerture qu'on attendoit de nous, suiuant le desir de la malade. Ceste recharge n'eut autre response, sinon qu'en cas qu'on ne voulust pas passer outre en ceste ceremonie, qui n'estoit encore qu'à son comencement, & qu'on voulust renuoyer la malade d'où elle estoit venuë, qu'en ce cas nous ferions volontiers au public, present d'yne couuerture, ou de quelque autre chose de plus grande valeur.

Voila la premiere ceremonie de la feste. Ie luy eusse volontiers donné le nom de premieracte, si l'eusse peu estre asseuré de la catastrophe de toute l'affaire, pour le qualifier selon son espece; ce terme toutesois nous seruira dotesnauant.

en l'année 1638. & 1639: 145

Le secondacte donc, ou la seconde ceremonie de ceste feste, sur que tous les presents estans sournis, & portez à la malade, auec les sormes ordinaires dont nous auons-parlé cy-deuant, sur le soir on sit vn ery public, pour aduertir toutes les cabanes, & toutes les familles, de tenir leurs seux allumez & les places de part & d'autre toutes disposées pour la premiere visite que la malade y deuoit faire sur le soir:

Le Soleil donc estant couché, àu son de la voix des Capitaines qui redoubloient le cry, on attise les seux, & les entretient-on auec grand soin; la malade faisant recommander par tout, qu'on les fasse les plus grands & les meilleurs qui se pourra, & que cela seruiroit beaucoup à son soula-

gement:

L'heure venuë qu'il luy fallut partit, ses nerfs, ce dit-on se desserement, & la liberté de marcher mieux qu'auparauant luy sut renduë, mais il semble plus asseuré que cela ne se sit qu'apres auoir passé par quelques seux, ce qui est l'ordinaire; quoy que s'en soit deux Sauuages se tinrent tousiours à ses costez, pendant sa promenade, luy soustenans chacun une main; & ellé ainsi appuyée, marcha au milieu des deux, & s'en alla par toutes les cabanes du bourg.

Dans les cabanes des Sauuages, qui sont en longueur & en façon comme des berceaux de jardins, les feux sont au beau milieu de la largeur; & plusieurs seux dans la longueur selon le nombre des familles, & la grandeur de la cabane, distans ordinairement de deux à trois pas. C'est par le milieu des cabanes, & par consequent par le beau milieu des feux que passa & marcha la malade pieds & jambes nuës, c'est à dire, par plus de deux & trois cent seux, sans se faire aucun mal, voire se plaignant continuellement du peu de seu qu'elle trounoit qui ne la soulageoit point contre le froid qu'elle sentoit aux pieds & aux iambes. Ceux qui luy soustenoient les mains passerent aux deux costez du feu; & l'ayat conduite de la sorte par toutes les cabanes, ils la rameneret au lieu d'où elle estoit partie, sçauoir en la cabane où elle auoit sa retraicte, & ainsi se finit le second Acte.

Suivit le troissesme, qui selon les sormes & coustumes consiste en vne manie generale de tous ceux du bourg; qui excepté peut-estre quelques Vieillards, se mettent à courir par tout ou a passé la malade; ma-

en l'année 1638. 65 1639. tachiez ou barbouillez à leur mode, auec des deformitez espouuantables de visage, à l'enuy les vns des autres, faisant par tout vn tintamarre; & des extrauagances telles, que pour les exprimer, & les mieux donner à entendre, ie ne sçay si ie les dois comparer ou à nos mascarades les plus extrauagants, dont on ait ouy parler, ou aux baccantes dés anciens, ou plustost aux furies d'Enfer. Ils entrent donc par tout, & ont pendant le temps de la feste sur tous les soirs & les nuiets des trois jours qu'elle dure, liberté de tout faire, sans qu'on leur ose rien dire. S'ils trouvent des chaudieres sur le feu ; ils les renuersents cassent les pots de terre, assomment les chiens, jettent le feu & les cendres par tout si bien & si beau que souvent les caba4 nes & les bourgs entiers en brussent. Mais le point estant, que tant plus on fait de bruit & de tempeste, tant plus la personne malade en ressent de soulagement, on ne se soucie de rien; & chacun se tuë à faire pis que son compagnon.

Nos cabanes quisont dans les bourgs, ne sont pas exemptes des fruicts d'une telle seste. La porte de la cabane de la Residence de sain & Ioseph sut brisée trois sois

k ij

148 Relation de la Nouvelle France, en yne pareille ceremonie. Pour cestere? sidence icy où le suis, de la Conception. nous auons esté plus en repos pendant telles tempestes, pour estre essoignez du bourg d'enuiron vne portée de mousquet. Voila quel est le troissesme acte, venons au quatriesme.

Le soleil du lendemain estant leué, tout le monde se dispose à aller derechef par routes les cabanes où la malade à passé, & particulierement en celle où elle est retirée. Et ce pour proposer à chaque seu, son propre & particulier desir ou Ondinonc selon que chacun en peut auoir eu lumiere & esclaircissement en songe; non pas toutefois ouuertement, mais par Enigmes. Par exemple, quelqu'vn dira, ce que ie desire & que ie cherche, c'est ce qui porte vn lac dedans soy, & par cela il entend vne courge ou calebace. Vn autre dira, ce que ie demande se voit à mes yeux, qui seront marquez de diuerses couleurs, & par ce que le mesme mot Huron qui signifie œil, signifie aussi de la rassade, on a entrée à deuiner qu'il en desire sçauoir quelque sorte de grains de ceste nature, & de diuerses couleurs. Vn autre donnera à entendre qu'il desire un festin d'Andacsandet, cest

en l'année 1638. & 1639?

à direforce fornications & adulteres. Son Enigme estant deuiné, on ne manque pas de personnes qui satisfont à son desir.

Ie ne m'estonne plus que Satan ait si foreagreable ceste seste & solemniré, selon qu'il le tesmoigna à ceste pauure mal heureuse creature dont il s'agist: puis qu'en icelle toutes les facultez interieures & exterieures semblent trauailler à luy rendre vne espece d'hommage & de reconnoissance. Et il semble qu'entre toutes les ceremonies de la feste, il fasse vn particulier estat de celle cy o il esprit mesme trauaille de la sorte à son occasion, comme il se

peut voir en ce qui suit.

Aussirost donc que l'Enigme est proposé, aussi tost on s'esuertuë de le deuiner: & en disant c'est cela, en mesme temps on le jette à la personne qui demande & propose ses desirs. Si c'est en effet son mot, elle s'escrie qu'on l'a trouué, & là dessus c'est vneressouissance de toute la cabane, qui se met d'aise afrapper contre les escorces, qui sont les murailles de leurs cabanes: & en mesme temps, la malade tesent soulagée, & ceautant de fois qu'on trouveles desirs de ceux qui les ont proposé par Enigme. Il se trouua dans le conseil qui fut tenu

pour conclusion de ceste presente ceremonie, ou cela s'examina selon les sormes & coustumes, que cent Enigmes auoient esté trouvées ceste sois.

Que si ce que l'on deuine n'est pas le mot de celuy qui a proposé l'Enigme: il dit qu'on en a approché, mais que ce ne l'est pas: il ne laisse pas pour cela d'enporter ce qu'on luy a donné, pour le monstrer par les autres cabanes, & par là leur faire voir & donner mieux à entendre que ce n'est pas cela, afin que par l'exclusion de plusieurs choses on ait plus d'entrée à dire ce que c'est. Il est vray qu'apres il reporte ce qu'on luy a donné, soit qu'on ait en sin trouué son desir; soit qu'on ne l'ait pas trouué, ne reservant que ce qui estoit veritablement son mot. Quelques-vns obseruent le tout fort religieusement, maisie ne doute point, qu'il ne se glisse aussi là dedans beaucoup de frasque & de friponnerie. Tant y a que voila le 4. Acte, qui auec le precedent recommence toutes les grois nuicts, & les troisiours que dure la feste.

Le cinquiesme ou dernier se commence le 3. iour. Cela consiste en vn second voyage ou promenade de la malade par les ca-

en l'année 1638. 65 1639. banes qui ferme toute la feste, & ce pour proposer son dernier & principal desir, non pas ouuertement, comme elle auoit fait d'abord en arriuant; mais par Enigine, comme les autres ont fait les jours precedents. C'esticy où le diable triomphe, & fait le maistre & le seigneur tout de bon. Car premierement, ceste pauure mal-heureuse sortant de la cabane est assisté de nombre de personnes, qui la suiuent, & de quelques-vns qui vont deuant, touts file a file & vna vn sans dire mot, auec des visages, des mines & des contenances de personnes affligees & penitentes: & sur tous la malade qui paroist seule au milieu, & dont tous les autres deuant & derriete sont vn peu esloignez; de sorte que le voyant marcher comme ils marchent, il estimpossible de faire vn autre iugement, sinon que ce sont personnes qui pretendent de donner de la compassion, & slechir à misericorde quelque puissance souveraine qu'ils reconnoissent estre le principe & la cause du mal de la personne dont il s'agit; & de la volonté duquel en dépend, à l'eur iugement, la continuation ou la guerison & en effect, c'est ce la mesme.

Oril nefaut pas que, pendant que ce-

ste espece de procession dure, pas vn Sauuage paroisse au dehors des cabanes : de sorte que de si loing qu'on en voit, ceux qui assistent le malade, se tuent de faire des signes & des gestes qu'on ait à se reti-

rer, & a rentrer au dedans.

Entrée qu'est la malade dans les cabanes, c'est à racompter sa misere d'une voix
plaintiue & languissante: donnant au reste
a entendre que sa guerison depend de la
satisfaction à son dernier desir, dont elle
propose l'Enigme. Aussi tost un chacun
s'applique à en trouuer l'explication, & en
mesme-temps iettent-ils à la malade ce
qu'ils ont pensé que ce pouvoit estre, ainsi
que nous venons de declarer.

Ceux qui assistent la maladeramassent tout; & sortent chargez de chaudieres, de pots, de peaux, de robes, de couvertes, de capots, de collers, ceintures, chausses, sou-liers, de bled, de poisson, bres de tout ce qui est dans l'vsage des Sauuages, & qui leur est peu venir en pensee, pour arriver à la satisfaction du desir de la malade.

Voila ce qui paroist, & non sans grand fondement, aux yeux esclairez de la lu-miere de la soy, de veritables trophees de Satan; ou plustot vne ceremonie ac-

complie de foy & hommage que ces peuples rendent à celuy qu'ils recognoissent pour souverain maistre & Seigneur, d'où ils estiment que depend tout leur bon-heur ou mal-heur.

En fin, la malade fait tant, & donne tant & tant d'ouvertures pour l'explication de son Enigme, que l'on trouve son mot. Et austi-tost voila vne clameur & ressouissance generale de tout le monde, on frappe par tout contre les escorces, ce nesont que congratulations qu'on luy fait; & de sa part des remerciemens de la santé qu'elle a recouuree. Elle retourne pour ce suiet vne troissessies fois par toutes les cabanes apres quoy se tient le dernier conseil general, ou on fait rapport de tout ce qui s'est passé, & entrautres du nombre des Enigmes trouuez: S'ensuit le dernier present de la part du public, qui consiste à parfournir & combler le dernier desir de la malade, par dessus ce que celuy des particuliers qui l'aura deuiné ; aura peu donner; & là se rermine la ceremonie.

Il est à presumer que la veritable sin de cest A de & sa catastrophe ne sera autre que d'vne Tragedie, n'estant pas la coustume du diable de se comporter autrement, Toutefois ceste pauure mal-heureuse s'est trouuéapres la feste plus soulagee de beaucoup qu'auparauant, quoy qu'elle ne sust pas entierement libre & deliurée de son mal. Ce qui est attribué par les Sauuages à l'ordinaire, au defaut & manquement de quelque circonstance & perfection de la ceremonie: ce qui entretient ces peuples dans les frayeurs continuelles, & applications si exactes aux formes & particularitez de leurs ceremonies.

Iene sçay si selon l'ordinaire du diable de ne s'abstenir iamais d'vn mal, que pour en faire vn autre, il n'auoit pas dessein de faire mourir en contr'eschange, la petite fille de ceste semme, dont nous auons parlé au commencement de ceste histoire.

Tant y a qu'apres la feste elle deuint grandement malade: & qui porta celuy de nos Peres qui auoient charge de la cabane où elle estoit, de la baptiser comme en extremité au desceu de sa mere; apres quoy la petite sille se porta mieux: nous ne sçauons pas toutesois au vray ce qui est depuis arriué, soit à la mere, soit à la fille qui sont retournez à leur bourg.

Pendant la maladie de la fille, vne bruslure qui luy arriua, pour laquelle on ches-

en l'année 1638. & 1639. 155 choit quelque remede, ayant donné accez au susdit Pere au feu où elle estoit auec sa mere. Les caresses qu'on sit à la sille, appriuoisoient l'esprit de lamere; de sorte que le Pere trouua entrée suffisante pour l'aborder, & luy faire racopter tout ce qui s'estoit passé. Ce fust de sa bouche que nous cusmes la confirmation & l'esclarcissement de ceque dessus, que nous aujons desia appris d'ailleurs, tant pour ce qui regardoit ceste histoire particuliere, que pour la nature de la maladie en soy; & ce par des personnes qui auoient eu le mesme mal, & qui auoient esté gueris par vn semblable remede. Elle nous apprit tourefois plusieurs circonstances, que nous ne sçauions pas: &c en outre nous dit, que le diable apres le refus que nous luy fismes de donner la couverture qu'il auoit ordonnée, qu'on nous demanda, luy estoit apparu de nuiet, & luy auoit dit que nous saissons bande à part, & que partant nonobstant nostre refus, elle ne lairroit pas de guerrir, le reste alloit bien: qu'au reste, dores-nauant il ne nous mettroit plus de la partie. Si cela est, ie ne sçay pas comme il l'en-

Si cela est, ie ne sçay pas comme il l'entend, où si c'est vn tour du mestier qu'il a exercé dés le commencement du monde Qui mendax est abinitio. Mais il est asseuré que depuis ce temps, il n'a pas laissé de nous faire solliciter, soit à la Residence de sain Et Ioseph en cas pareil, soit icy en quelques autres rencontres, & toussours

aucc aussi peu de succez.

Il faut qu'à ce proposie racompte en passant ce qui esticy arriué pendant que l'escriuois ce que dessus. Vn Sauuage d'vn bourg voisin est entré chez nous, portant derriere soy vn pacquet d'vne robe de castor, disant qu'il là venoit traiter pour vne couuerture, ou quelque autre piece d'estosse, la response a esté, qu'il n'y en auont point à la maison qui fut à cest ysage. Helas, dit-il, ie n'en demande qu'vn petit morceau grand comme le coude. On se douta aussi tost qu'il y auoit de l'Ondinonc: C'est pour quelque personne malade : luy dit on ; Helas ouy, respond-il, i'ay vne pauure petite fille aagee de quatre ans ou enuiron, qui depuis l'Automne dernier est dans le plus pireux estat qui le puisse voir. Tay fait iusques icy tout ce que i'ay peu, pour le recouurement de sa santé, En fin le Sorcier l'a visite e pour la dernière fois, & a dit que son Ame desiroit cequeie

fuis venu vous demander, & qu'au plussost ie vous vinsse trouuer pour ce suiet.

Il n'en fallut pas dauantage. Incontinent vn de nos Peres se dispose pour partir
auec le Sauuage, & aller trouuer la petite
fille là part où elle seroit, sous pretexte de
luy porter quelque douceur, qui passeicy
pour medecine. Il y va, la trouue telle
qu'on auoit dit, la baptise sans faire semblant de rien, parcourt quelques autres
cabanes selon seur loisir, pour voir s'il n'y
auoit point encore quelque autre proyeà
enseuer des mains de Satan. Et voila d'ordinaire ce qu'il gaigne, à rechercher de
nous des hommages & des reconnoissances de sa souveraineté en ces contrees, cetce pauure petite sille est morte heureuse-

Ce Loup infernal ne gaigneroit guerre dauantage sur les ouailles que sur les Pa-steurs, si toutes estoient semblables à Ioseph Chisatenhsa, ce braue Neophyte, duquel nous auons parlé aux Chapitres precedens. Ce bon homme nourrit en sa cabane vne Brenesche, qui est vne espece d'oye sauuage; qui a dessa esté ie ne sçay combien de fois l'Ondinonc, où le songe de tout plein de personnes; & pour laquel-

le en suite auoir de luy, iene sçay ce qu'on ne luy a pas preseté. Ce n'est pas toutesois ce qui luy a donné plus de peine, que de resuser ceux qui se sont presentez pour la traiter: mais bien dauantage, de resuser à ses amis qui la luy ont demandé pour ce suitet iusques a l'importunité: mais encore, dit sa semme, s'ils nous la demandoient, sans dire que c'est l'Ondinonc, mais vous diriez qu'on veut que ce soit expressement pour cela, ils ne tiennent rien! Plaise à Dieu nous donner plusieurs familles de Barbares semblables à celle-là. Mais retournons à nostre histoire.

Il arriue quelquefois, que le diable en ceste grande ceremonie dont nous venons de parler, a recommandé entr'autres choses à la personne malade, de faire maison nouvelle. En ce cas, il ne faut pas qu'elle retienne chose du monde de ce qui luy appartient: elle doit donc donner tout ce qu'elle a, à mesme que ceux du bourg pendant les trois iours, vont proposer leurs dessirs par les cabanes. Et il est quelques ois arriué, que pour vn seul plat de bois retenu par assection & attache, le Diable s'en est si fort ressenty; qu'outre qu'il n'a pas accordé la guerison, il a marqué en songe à cordé la guerison, il a marqué en songe à

en l'année 1638. & 1639. 159 la personne malade, le lieu & l'endroit où elle en deuoit mourir, pour auoir manqué, en ce point, d'obeissance & de deference se sordres; ce qui en esset est arriué.

Vne ceremonie si solemnelle, nous porta à en rechercher la source & l'origine; & nous auons trouué par le rapport des anciens, tant de ce bourg, que de celuy de la Residence de sain & Ioseph. Que les autheurs tant de ceste seste, que de toutes les autres ceremonies du païs, & nommemêt des danses nuës, & choses semblables, ne sont autres que les Demons.

On nomme la Nation & le bourg où cela commença; & le Capitaine qui les ayat apperceu sur vn lac passer le temps de la sorte; les pria instamment d'aborder às on Bourg, & leur enseigner tous ces beaux, mysteres. Ce qu'apres beaucoup d'instance, & de sacrifices de chiens, que ce Capitaine leur sit, ils s'accorderent en sin.

Or nos barbares aduoüent que de la s'ésuiuit la mort du Capitaine & la ruine clu bourg; & apres celle de toute la Nationa, dont quelques reliquats à peine restent resugiez parmy eux, desquels ils ont appris plus particulierement toutes les ceremonies de ces solemnitez. Toutes seis

160 Relation de la Nouvelle France

ils asseurent que ceux qui par apres les ont practiqué, s'ensont bien trouuez; & partant que les mal heurs de mortalité & de misere, qui les achemine à vne pareille fin; ne doiuent pas estre attribuez à cela, comme nous leur disons & preschons continuellement; mais à nostre demeure parmy

eux, à laquelle seule ils s'en prennent.

Aureste, le corps des Hurons n'estant qu'vn amas de diuerses familles & petites Nations, qui sesont iointes les vnes aux autres pour se maintenir contre leurs ennemis communs, chacune a apporté ses danses, ses coustumes & ceremonies particulieres toutes emanées du mesme principe, qui se sont communiquées à tout le païs, & qui se font en suite dependemment du songe ou de l'ondinonc d'vn chacun; quandil est malade, ou par l'ordonnance du Medecin du païs, ou vissteur qu'on à u suiet de nommer Sorcier ou Magicien, comme nous pourrons dire cy apres. Et relles affaires s'appellent chez-eux Onderha c'està direla terre; comme qui diroit, le soustien & la manutention de tout leur Estat. Voila nous disent les anciens & les Capitaines ce que nous appellons affaires d'importance.

POLK

en l'année 1638. & 1639. 16

Pour plusieurs de ces superstitions il y 2 des Confraires instituées, ausquelles & particulierement aux Maistres d'icelles il se faut adresser.

Tous ceux qui ont esté autresois le suiet & l'occasion de la danse ou de la feste sont de la Confrairie, ausquels apres leur mort succede vn de leurs enfans: quelques-vnt en outre ont vn secret ou vn sort qui leur a esté declaré en songe auec la chanson, pour s'en seruir deuant que d'aller par ex éple, au festin de seu: apres quoy ils manient le seu sans s'offenser.

Voicy vne histoire quise passa pendant le temps de cette grande ceremonie. Vn des ieunes gens du bourg des plus considerables, courant l'vne de ces trois nuicts, & faisant l'enragé sit rencontre d'vn spectre ou demon, auec lequel il eut quelque parole, ceste rencontre luy renuersa de la sorte la ceruelle, qu'il tomba, & en esse en deuint sol. Le remede sust de tuer promptement deux chiens, & entr'autres vn qu'il cherissoit vniquement, dont on sit sestin : en suite dequoy il se porta mieux, & en sin retourna en son bon sens.

Ce ne seroit iamais fait, si l'auois en-

162 Relation de la Nouvelle France, trepris de dire tous les tenans & aboutissans de ces miseres. En voila assez de cette façon, venons à d'autres mysteres.

Sur le milieu du mois de Mars, la saison de pescher à la Seine estant venuë, on
parla de la marier selon la coustume du
païs à deux ieunes silles, ou plustost à
deux enfants, qui n'eussent iamais eu connoissance d'homme: Et en suite de faire
les nopces, ou le festin, auquel selon la
forme, la Seine seroit au milieu, & les
deux ieunes silles aupres. C'est là où on
exhorte puissamment la Seine, à prendre bon courage, & de faire en sorte
que la pesche soit heureuse, comme a esté
dit plus amplement aux precedentes relations.

On jetta les yeux entr'autres sur vne de nos petites Chrestiennes, aagée de quatre ou cinq ans, pour estre l'vne des deux mariées. On nous en donne aduis: nous voila aussi tost à la recherche du sonds de l'affaire, pour aduiser à ce que nous auions à dire là dessus. Il se trouue donc qu'il a quelques années que les Algonquains, qui sont peuples voisins tres-intelligens & excellents en toute sor-

enl'année 1638 et 1639. 163 te de pesche, y estans allez en cette saison, pour pescher auec la Seine, du commencement ne prirent rien. Surpris & estonnez d'vn succez, qui leur estoit si extraordinaire, ils nesçauoient que penser. Là dessus, l'Ame, le Genie ou l'Oki de la Seine, car nos Saunages l'appellent de toutes ces façons, leur apparoist en forme d'vn grand homme bien faicts tout mescontent & en cholere, qui leur dit. l'ay perduma femme, & ien'en puis trouuer qui n'ait cogneu d'autres hommes deuant moy: voila ce qui fait que vous nereussissez pas, & ne reussirez iamais, iusques à ce qu'on m ait donné contentement sur ce point.

Les Algonquains là dessus tiennent conseil, & adussent que pour appaiser & donner satisfaction à la Seine, il suy falloit presenter des Filles en si bas aage, qu'il n'eust plus de suiect de se plaindre; & que pour plus grande satisfaction, il luy en falloit presenter deux pour vne; ils le sont donc en la maniere que i ay marqué cy-dessus dans vn festin, & aussi tost

leur pesche reussit à merueilles.

Les Hurons leurs voisins n'en eurent pas plustost le vent, que voila vne seste 164 Relation de la Nouvelle France, & solemnité instituée, qui depuis a tousiours duré, & se celebre tous les ans en ceste mesine saison. Cela estant, ie laisse à penser ce que nous dismes & conseillasmes aux parens de la Fille: mais voicy le grief; car toute la famille profitant notablement d'vn tel mariage, vne partie de la pesche, suy reuenant l'année qu'ilsefaiet; en quoy luy estant deuc & affectée en consideration d'vne telle alliance; refuser son contentement à vn tel mariage, c'est se priuer, & frustrer toute vne famille de la plus grande douceur, & de la meilleure rencontre qui se fasse dans le païs.

Ie ne sçay si Dieu eut agreable de mettre particulierement la main à cette affaire, pour la rompre tout à fait, tant ya que la ceremonie ne se sit ny d'vne fa-

con, ny d'autre.

Vne des dernieres folies qui se soit passée en ce bourg a esté à l'occasion d'vn malade d'vn bourg voisin; qui pour sa santé, songea ou receut l'ordonnance du Medecin du païs, qu'on luy fist vn jeu de plat. Il en parle aux Capitaines, qui aussi tost assemblent le conseil, arrestent le temps, & le Bourg qu'il falloit aller inen l'année 1638. 65' 1639. 165 uiter pour ce suiect, & ce bourg fut le nostre. On depute de là pour en venir faire icy la proposition: elle cit agreée, & en suite on se prepare de part & d'autre.

Ce jeu de plat consiste à faire sauter dans vn plat de bois quelques noyaux de prunes sauuages, chacun blanc d'vn costé, & noir de l'autre, d'où s'ensuit perte ou

gainsclonles loix du jeu.

Il est hors de mon pouvoir de representer l'application & l'activité de nos
Barbares à se preparer, & à rechercher
tous les moyens & les augures de quelque bon-heur & succez en leur ieu. Ils
s'assemblent les nuicts, & les passent partie à remuer le plat, & à reconnoistre qui
à la meilleure main; partie à estaller leurs
sorts, & à les exhorter. Sur la fin ils se
mettent à dormir dans la mesme cabane, ayants au prealable ieusné, & s'estans abstenus quelque temps de leurs
semmes: le tout pour auoir quelque songe sauorable, & le matin c'est à raconter
ce qui s'est passé la nuict.

En fin on assemble tout ce qu'on a songé qui pourroit apporter bon-heur. & en remplit-on des sacs pour porter. On 166 Relation de la Nouvelle France,

recherche en outre par tout, ceux qui ont des sorts propres pour le jeu, ou des Ascandics ou diables familiers, pour assister celuy qui tient le plat, & estre le plus proche de luy, lors qu'il le remüera. S'il y a quelques vieillards dont la presence soit recogneuë efficace, & augmenter la force & la vertu de leur sort, on ne se contente pas de porter leurs sorts, mais encore les charge on quelquefois eux mesmes sur les espaules des ieunes gens, pour les porter au lieu de l'assemblée. Et d'autant que nous passons dans le païs pour maistres sorciers, on ne manque pas de nous aduertir, de nous mettre en prieres, & faire force ceremonies pour les faire gaigner.

On n'est pas plustost arrivé au lieu de l'assignation, que chaque party se range de costé & d'autre de la cabane, & la remplissent depuis le haut iusques en bas, dessus & dessous les Andichons, qui sont escorces failant comme vn ciel de list, ou couvetture respondant à celle d'enbas colé sur terre, sur laquelle en se couche la nuist. Il s'en met sur les perches couchées & suspenduës le long de la cabane. Les deux joüeurs sont au mi-

en l'année 1638. & 1639. 167 lieu, auec leurs assesseurs qui tiennent les sorts, Chacun de ceux qui sont à l'assemblée, parie contre quelqu'autre, ce qu'il veut: & on commence le ieu.

C'est pour lors que tout le monde se met à prier ou marmoter iene sçay qu'elles paroles, auec des gestes & des empressemens de mains, d'yeux, & de tout le visage: le tout pour attirer à soy le bonheur, & exhorter leurs Demons de prendre courage, & de ne se pas laisser tourmenter.

Quelques-vns sont deputez pour faire des execrations & des gestes tout contraires, à dessein de repousser le mal-heur de l'autre costé, & en faire peur au Demon du

parti contraire.

Ce jeu s'est ioué cét Hyner plusieurs fois par tout le païs; mais ie ne sçay comment il est arriué que ceux des bourgs ou nous auons des Residences y ont tous-iours esté mal-heureux au dernier point; & tel bourg y a perdu trente colliers de pourcelaine, chacun de mille grains, qui est en ce païs, comme si vous disiez en France cinquante mille perles ou pistoles. Mais ce n'est pas tout, car esperants tousiours regaigner ce qu'ils ont vne sois l'iiij

perdu, ils iouent sacs à petun, robes, souillers & chausses, en vn mot tout ce qu'ils ont. De sorte que si le mal heur leur en veut, comme il est arriué à ceux-cy, ils reuiennent à la mailon nuds comme la main, ayans quelques ois perdu iusques à leur brayé.

Ils ne s'en vont pas toutesfois deuant que le malade les ait remercié de la santé qu'il a recouurée par leur moyen, se prosessant tousiours guery à la fin de toutes ces belles ceremonies; quoy que souuent ils ne la fassent pas longue apres

en ce monde.

Le bon est qu'en suite de ces pertes, nos Barbares retournez à la maison, ne manquent pas de nous venir reprocher, que voila iustement à quoy prosite de croire, & qu'on voit bien en esset que tout ce que nous pretendons, n'est que de ruiner les lieux ou nous faisons nostre demeure, & ainsi peu à peu ruiner tout le païs. Que depuis que nous sommes auec eux & qu'on leur a parlé de Dieu ils ne songent plus, leurs sorts & Ascandics n'ont plus de sorce. ils sont mal-heureux par tout, bres il n'y a misere qui ne les accompagne.

en l'année 1638. & 1639. 169

Ie serois infiny si ie voulois racompter tout ce qui s'est passé de semblable à ce que dessus, qui regarde les ceremonies publiques, les danses differentes, les festins d'staerohi, ou du feu, & de semblables superstitions, qui se sont dis-je passées cét hyuer dernier en ce seul bourg d'où i escry: ou toutefois ie puis direauec asseurance, qu'on en a moins faict qu'en pas vn autre bourg du pays. Ie ne puis me resoudre voyant la longueur ou cela me porteroit, à entamer le narré, & le discours à fonds des autres superstitions particulieres qu'on descouure tous les iours. Ie me contenteray de ce qui fuir.

Quelques-vns de nos Barbares, & entr'-autres vn de nos pauures renegats, racontant vn iour à vn de nos Peres les aduantages qu'ils ont à retenir & conseruer leur Ascandic ou diable familier, que le Pere l'exhortoit de quitter. Helas, ditil, que me d'y tu là quand ie vay entraite ie n'ay qu'à ouurir le sac où il est, ie luy recommande de me faire auoir vn colier de pourcelaine de tant de grains, vne robe ou mante de tant de peaux de castor; ie luy iette en hommage & recognois170 Relation de la Nouu. France,

sance quelques grains de pourcelaine, & quelque piece ou morceau de castor; sinalement ie fay le festin: Ie m'en vay là dessus, & ceque i'ay pretendune manque iamais. Ma femme, dit-il, tremble quand iele tire pour luy parler, mais c'est vne femme: Le Pere le pria de le l'y faire voir. O, dit-il, mon nepueu voila vne grande demande! mais que donneras-tu? Cét homme passe pour vn des plus sages & des plus reseruez du bourg, & en effet il l'est! iugez du reste. Ce pauure malheureux est allé à la guerre auec des regrets de nostre part qui ne se peuuent expliquer, & des craintes des mal heurs qui luy peuuent arriuer, & en suite à sa famille qui est grande & considerable.

Vn autre se plaignant que son sort n'auoit plus de force, ny pour la pesche, ny pour la chasse, ny pour la traicte, mais sur tout pour le jeu. Le Pere suy demanda, que faudroit-il pour suy rendre sa vertu?vn festin, respond le barbare, mais quoy

ie n'ay ny chair ny poisson.

Ie nesçay comme qualifier les festins au regard de nos Sauuages, c'est l'huyle de leurs onguents, le miel de leurs medecines, le preparatif de leurs maux, l'es

en l'année 1638. & 1639. 171 stoile de leur conduite, l'Alcyon de leur repos, le ressort de leurs ressorts & Ascoandies, bref l'instrument general, ou codition sans la quelle rien ne se fait. C'est à cela & pour cela que sont reseruez les meilleurs morceaux desquels toute la famille se priuera pour les conseruer pour les occasions d'vn songe ou de maladie. Le Diable ayant gaigné qu'on luy gardast tousiours, & reservast-on le meilleur & le plus beau. Et c'est ce qui donne suiet de les qualifier veritables sacrifices, particulierement lors que le songe ou la maladie demande le massacre d'vn chien, comme nous auons tantost dit; ce qui n'arriue que trop souuent.

Mais pour retourner à nos Ascoandics ou diables samiliers, la response commune de ceux que nous persecutons sur ce suiet; est, qu'il n'y a personne qui n'en ait, a que s'ils n'en auoient, ils seroient en tout a par tout mal-heureux. Il est vray, qu'il y a en cela du plus a du moins: quelques vns en ont en nombre a de plus exprez prez plus esticaces que les autres. Les vns les acheptent des Nations voisines, particulierement des Algonquains qui sont en reputation d'en auoir d'excellens,


172 Relation de la Nouvelle France, & c'est la marchandise la plus chere & preciense du païs, les autres les ontherité de leurs parents. C'est de la façon qu'en auoit eu le Chrestien susmentionné de ce bourg, Ioseph Chiheatenhea, qui aussi tost qu'il eut appris que cela estoit contre les commandements de Dieu, & luy desplaisoit, leiettabien loing au premier voyage qu'il fit:par ou depuis lors qu'il repasse, il a tousiours peur qu'il ne se remette dans son sac, comme il est arriué à plusieurs, qui par despit de n'auoir pas eu ce qu'ils auoient demandé ayants ietté leur Ascandic, l'ont apres retrouué ou dans leur sac, ou dans quelqu'vne de leur quaisse.

Iene diray rien des Visiteurs ou Medecins, nommez en leur langue Ocata: ny aussi des Apotiquaires, ou donneurs de remedes, nommez Ontetsans. Ie diray seulement que les premiers se seruent souuent d'eau ou de seu pour reconnoistre l'estat & le mal de la personne malade, & prononcer en suite leurs ordonnances: & ce tousiours auec les circonstances de tortue qu'ils remuent, dont nous auons parlé cy-dessus, & de chanson qu'ils chantent, & autres circonstances du tout impertinentes. Les seconds ne donnent aussi d'ordinaire leurs remedes qu'auec l'appareil do semblables circonstances, & des exhortations à leurs remedes, d'auoir l'esset pretendu. Que si l'Ocata, ou Visiteur a prononcé que c'est vnsort; l'Apotiquaire ou l'Atersans ne manque pas de faire voir quelque chose dans sa main par souplesse ou autrement, & quelquesois dans la matiere qu'il a fait vomir, de ce qui dans le sens commun de ceux du païs passe pour sort.

Les &enroronons, quisont ces estrangers arriuez de nouueau en ce païs dont
nous auons parlé aux Chapitres precedens, sont excellens pour tirer vne sleche
du corps & en guerir la playe, mais la recepte n'a point de force qu'en presence
d'vne semme grosse: dont le diable a rendu la circonstance grandement considerable en ces païs, soit à bon-heur, soit à malheur en mille rencontres & occasions, mais
il faut briser icy.

En voila assez pour faire voir vn eschantillon de l'estat miserable de ces pauures peuples parmy lesquels nous viuons. Ce qui ne peut qui ne donne de la compassion à tous ceux qui ont vne soy saince 174 Relation de la Nouvelle France, & viue, de ce que les hommes sont à Dieu, & Dieu aux hommes, & de ce que nous deuenons apres la mort.

Ie prietous ceux qui ietteront les yeux fur ce narré de considerer le besoin que nous auons de leurs sainctes prieres & de-uotions? veu les combats & barailles que nous auons à liurer & à soustenir tous les iours, pour establir en ce païs vn autre Souuerain que celuy qui depuis tous les siecles y a sitiranniquement vsurpé l'empire de Dieu & de IES VS-Christ, pour les droicts & la gloire duquel puissions nous tous estre consommez. Ainsi soit-il.



Extraict du Privilege du Roy.

D AR Grace & Privilege du Roy, il est permis à SEBASTIEN CRAMOISY, Marchand Libraire Iuré, Imprimeur ordinaire du Roy, & Bourgeois de Paris, d'imprimer ou faire imprimer vn liure intitulé, Relation de ce qui s'est passé en la Nonuelle France en l'année 1639. Enuoyée au R. P. Provincial de la Compagnie de IES VS en la Prouince de France, Par le P. Paul le Ieune de la mesme Compagnie, Superieur de la Residen-. ce de Kébec: & ce pendant le temps & espace de dix années consecutives. Auec defenses à tous Libraires & Imprimeurs d'imprimer, ou faire imprimer ledit Liure, sous pretexte de déguisement, ou changement qu'ils y pourroient faire, à peine de confiscation, & l'amende portée par ledit Priuilege. Donné à Paris le 14, iour de Decembre 1639.

Parle Roy en son Conseil.

CEBERET.



Permission du P. Prouincial.

Nouvelle France, auons accordé pour l'aduenir au sieur Sebastien Cramoisy, Marchand Libraire, Imprimeur ordinaire du Roy, l'impression des Relations de la Nouvelle France. Faict à Paris le 20: Decembre 1639.







EA640 L534-2 C.2

